

藍田王先生著

種玉廬吟草

伯圖敬署



詩社
詞長
教正



藍田玉



敬贈




著者藍田玉八六歳之影



著者藍田玉偕蘇小真近影

王美成先生刻贈金字匾




李冰人博士題贈七言律詩



文物蕪鄉數百年，多君等為更冲漢。
明之桂沈工詩賦，公賜曾同愛整嚴。
卅載風塵歎契濶，平生書劍集哀艱。
北來集其藍山集，一樣流傳百世瞻。

李冰人博士題贈七言律詩 李冰人書於...

湖濱精舍主持伯圓上人題贈五言絕句



王光國先生寫贈種玉廬聯





桂冠詩人李冰人博士序

同鄉學長藍田玉先生冠年卒業閩省鯉城中庠後，因鄉國阮陸，萑苻遍地，乃去國乘桴浮海而南，拓蹟北馬板威一帶，先是獻身教育，服務僑校，後轉與友合營勝利公司生意于威中大山脚火車頭街，基業小就，生活無恐矣。自此更篤志于吟咏，乃營構小築，茅舍數椽，竹菊成畦，爰居爰處，晨夕暇日，儼影一對，輒並倚綠窗，披讀詩卷。紅豆南國，愛然雙聲，謳咏靡怠，耽唱益勤。邊顏其居曰：種玉吟盧，蓋不獨以自勵自課，且寓有集侶結社砥礪詩學，發古雅遒學之幽微，而起三代經籍於垂絕焉。

二次大戰結束，盟軍光復馬星，先生乃從事擴充勝利公司爲二盤糧食配給商。而後馬邦獨立，先生曾一度轉任板城南亞有限公司峇東埔分行經理之職近十一年，至一九六三年六十歲時退休，家居養鷄，全家合作，自此更有閒暇時間，可以致志於吟事矣。

時適合艾僑界名流，李蔭桐、李慕軾二子，正在當地揭櫫彩幟，高倡復興中華詩學，並邀請先生參加爲發起人之一，先生以斯舉攸關華族道統，遂欣然

參加焉。由己巳年起，第一、二屆先由宋卡舉行之，第三屆擬推動大馬舉行，以符合泰馬原旨，既要出錢，又要出力，嗣先生及已故陳重丕君被推爲盟主，乃毅然接受泰國聖火，是日在素有「東方花園」之稱的檳城丹絨武雅海濱，怡園酒家舉辦丁未中秋泰馬詩人雅集大會，冠蓋衣香，盛況空前，响動東南亞，是以所收詩詞作品極多。並將所有佳章彙編，印成專輯，分發各該詩友，留爲紀念焉。

自茲而後，此一中秋詩會，遂歲歲輪值在泰馬兩國舉行。一時詩風振盪，如鐘斯鳴，如鶯斯響，幾於迴峯萬壑，無遠弗屆矣。而此跨國詩盟，一連廣續十屆，直至壬寅年中秋始告一段落焉。

時馬邦華族吟侶，已在梹、怡、麻三地，先後組成詩社，更由諸社合組全馬詩詞研究總會，均獲政府批准註冊。惟有首都吉隆坡，人文薈萃之區，反而乏人匡扶提倡。迨至一九七七年，恰值先生聞家遷居都門，詩總會長曾敦化局紳，乃再三商促先生努力籌組一首都詩社。先生受命抵步後，得有舊盟陳義夫嚴子美二友爲伴，開始籌組，復得當地名士郭君五峰協力相助，先後費時三年餘，始獲政府批准註冊，遂於一九八一年十一月一日，宣告成立雪州吉隆坡湖

讀詩社。而先生亦以衆望所歸，會員大會時，被選連膺任三屆六年正社長之職，直至去歲，方以年邁爲由，呈函大會，堅決辭職讓賢。衆以先生勞苦功高！乃授予「永久榮譽社長」榮銜，先生遂退隱林泉焉。

按先生自五十餘歲以還，開始與東南亞詩友交往，迄今三十年矣。其所積詩稿，不下六七百首之數，內計開：七言律詩，凡四百餘首，七言絕詩，凡百有餘首，五言律絕廿餘首，詞十餘闕，此外還有戲作迴文體律絕詩二十餘首，尙有多少嵌字聯對，凡有存者，一並附入。諸如以上各稿，先生正在細加整輯中，行將付諸琬琰。故特來鴻，堅囑序其卷首。余維先生郡望藍田，代毓名士，學如有明鄧州藍伯麟，經如有清漳浦藍鼎元，詩如有明崇安藍明之等。無不治學淵奧深邃，治經崇聖追賢，治詩清新婉約。班班史蹟，均足稽正。固無待余之踵事增華也。先生之耽吟事，所作篇章，殆有如明代，永樂大典所予崇安藍仁之評：「其詩不爲元人之纖濃，亦不爲宋人之生硬，大抵規撫唐調，馳騁於大歷以還。謹序！」

歲次己巳瓜月上浣唐雪讌于旅次台北

林懷龍校長序

近接卅年老友，泰馬著名詩人藍田玉翁來函。欣悉藍翁將以其數十年精心傑作，律絕詩六百餘首，編印專集，分贈騷壇新知舊雨，以供吟哦留念。這對馬華詩壇來說，該是一項極有意義的大貢獻。

六十年代初期，我在大山脚僑光校長任內，得有機緣與藍翁結識。記得當時尚有葉露園及葉福源兩位長老。由於志趣相契，雖年齡相距甚遠，尙能坦誠親切，相聚同游。或高談闊論，或品茗吟詩，確是興緻無窮。

藍翁學識淵博，詩情豪邁，深諳中華歷代詩體格律。尤工七言律絕，其作品韻律優美，吟誦起來節奏鮮明。加上內容充實，意境清雅，令人充份領略到詩的幽雅境界與韻味。我當時因爲與藍翁接近時間較多，得有機會優先拜讀其詩作。數十年來，藍翁大作何止千首，其中珠璣錦繡，自然俯拾即是。而我却特別喜愛他那些行文平易自然，內容別具風味的句子。諸如描寫「村中喜雨」之「井各平添三尺水，人皆睡足五更眠」。描繪金錢「孔方兄」一詩中之「不

交朱紫客，失時難覓孔方兄」。以及描寫「金魚」詩中之「不隨河鯉爭聲價，却與村翁伴寂寥」。又該詩末尾兩句「日夜驚心惟一事，張牙舞爪小花貓。」……這些詩句通俗淺白，對仗工整而內容深含哲理，令人玩味再三，不肯釋手。這是藍翁駕御文字的特殊工力，也是華文詩作的巧妙功能。

藍翁不但本身在詩詞創作方面有豐盛美滿的收穫，他對於激勵詩壇，宏揚詩教方面也曾作出極其顯著的貢獻。先是由於藍翁等人的鼓吹提倡，在北馬華文報章發表詩作，引起泰南詩人的讀和酬唱。詩風日盛，雅興方濃。合艾李慕軾、李蔭桐兩位詞文，率先主辦首二屆中秋雅集於宋卡海濱。李翁蔭桐更不辭艱辛，於一九六七年南下大山脚會晤藍翁，力促主盟第三屆丁未年泰馬詩人中秋雅集。藍翁以宣詩教揚漢粹乃義不容辭之美舉，而慨然相邀好友陳重丕翁共肩其事。於是年中秋佳節，在風光明媚之板城丹絨武雅海濱怡園酒家盛宴聯歡，飛觴醉月，聯吟唱和，一時震撼泰馬詩壇。更因此掀起詩風日盛，吟友漸增，先後成立詩社，並聯合組成馬來西亞詩詞總會，領導各社提倡詩教，宣揚漢粹。而其中吉隆坡之湖濱詩社，乃藍翁自大山脚移居首都之後與吟友發起創辦，並受推選為社長。經多年努力，註冊成功，社務順利而後引退讓賢。上述各

項事實，說明藍翁對於大馬詩壇的激勵與發揚，確是中流砥柱，居功厥偉，而藍翁並不以此驕人。他今年八十六高齡，仍然手不釋卷，吟哦創作，從不間斷。如此精神，實是難能可貴，值得後輩模倣學習。

藍翁年逾八旬而身體健壯，精神矍鑠；妻賢媳孝，子女成才。平日含飴弄孫，樂享天倫。興來出外游覽，訪友探親，可謂幸福之至。近年念舊思鄉，响往故國山川景物，曾二度訪華，暢遊大江南北，憑弔先賢聖跡，餘興未了，明年將再作三度遠遊。屆時攜帶詩作專集，分贈故國親友詩社，以遂多年心願。藍翁襟懷豁達，豪氣磅礴，在詩集付梓之前，居然思念舊友，來函促我寫序。晚輩自拙薄學疏才，班門弄斧，難免隔靴搔癢而貽笑大方。奈何藍翁函電交加，感情殷切，拒之不恭，乃抒鄙陋，以報盛情雅意，並聊充序文是也。

林懷龍識於馬來西亞北海光華學校任上

湖濱詩社財政陳義夫序

且夫人初相識，以至於結莫逆金蘭之交，莫非有緣份在焉。余與藍翁田玉先生，初在四十年前於報章上，屢見其詩，詳細吟讀，味其意境，但未識其人之真面目耳。直至一九七二年，檳城主辦中秋雅集，應邀赴會，曾有謀過半面之緣。至一九七七年，適藍翁搬遷雪蘭莪州時，檳城聯盟設宴餞別，藍翁賦詩一律答謝，並以辭別，情深意切！溢諸報端。當時余因喜而依韻奉和一律，以表歡迎！之後，爲遂聯韓之願！按址踵門拜訪於八打靈，衛星市種玉廬新居，海外逢知己，他鄉遇故知。良有以也。蓋志趣相投，談笑生風，由是時相遇往，借石他山，可以攻玉遂成忘年之交也。

藍翁素以詩詞婉約聞名，人緣廣結於吟壇。精神消靡於研討之中，尤其對詩教宏揚不遺餘力。曾先扶風雅於合艾，首引中秋雅集三屆火炬來檳城。因而接連輪值十年，最後又肩擎吟轡於吉隆坡，創成湖濱詩社，並被選連任社長六年，誘掖後進，厥功偉矣！

藍翁在社長任內，曾協同全國教師總會，倡辦詩詞研討班，並兼任其中講師之一，指導不倦；善誘循循。前年大會時，以年邁體衰爲由函懇辭職讓賢，以資休養焉。

其實藍翁雖年臻八六之齡，頭髮不白，體格健實。因其歷年服務詩壇，正所謂艱辛愈甚，壽命愈長，此殆非虛語耶？實有其至理在焉。蓋凡腦力愈用而愈靈。刀常磨而愈利，所以戶樞不朽，流水不腐是也。藍翁本性豪爽，喜聽忠言，勇於認錯，其所作詩詞，亦婉約清新，人人愛讀。今將付印歷年所作詩詞行世，自有公評故序之如此。

一九八九年陳義夫誌于巴生

自序

俗語云：「別人風水，自己文章」此包含妒忌與自高之心理也。余平素作詩，每喜經過高手過目，代爲指點何處欠安？何句得體？且歡迎不安之處，代爲修改之，冀使成爲完璧無瑕之作，則以後所作之詩，自無拖泥帶水之句，進步自速。前看過隨園詩話，其中有云：「詩經百改始心安」良以當局者迷，局外則清也。何況局外不少學有淵源，經驗豐富者，四聲八病，一目了然，請益之，可以交換智識多矣。嘗見有人作詩，平仄不協，韻脚有錯，尙不自知，以爲佳作？不肯與人推蔽研究，則永無進步之望矣。

余三十年來所積詩稿，不下六七百首之數，雖以平庸之作居多，自揣才學有限，欲求其隨風生珠玉，擲地有金聲，總覺難之又難也。然以交遊既廣，酬唱日多，有些當時認爲過得去之句，現在吟之，轉覺淡而無味者何也？蓋當時年壯，意之所至，無計其好壞，便即落筆，所謂詩胆強也。現在老邁，閱歷較深，不十分穩固，不敢下筆，所謂詩胆弱也。此亦莫怪其然者，所有拙作，曾經絞過腦汁，欲任散失，於心有所不甘！正所謂敝帚自珍耳。

自問年事已高，現已屆八六老翁，記憶力衰退，作詩漸減。行且封筆，對詩壇應酬，不少謝絕，茲因此稿，頗具紀念價值，倘不整編付梓？印成單行本，留作鱗爪，垂為紀念！最終目的，固不在乎眩世傳名耳！是為序。

公元一九八九年己己之秋藍田玉識于吉隆坡之種玉廬

泰國清邁商風吟長丙午
新春試筆元玉奉和



矢心建國莫間看，理直無偏氣自安。
扶欲爛泥強上壁，忍教怒髮不衝冠。
百年恥弱從頭雪，八面蠻妖盡膽寒！
大地春回新運轉，終將東水壓西瀾。

奉題種玉盧吟草

台北：郭湯盛

種玉盧傳一卷詩，清新俊逸兩堪推。懸知此日刊行後，贏得聲名四海馳。

前題

台北：李冰人

故事流傳記載真，義漿雍伯普施仁。書將種玉顏盧額，愛彼納微送璧人。
田玉有詩皆婉約，明之無句不清新。佇看吟草追藍澗，振盪三都更五津！

其二

大山脚下橡林青，煙水板橋入窈冥。風雅幽微當叔世，盈虛蕃納羨蘭亭。
徜徉吐鳳還題鳳，憂患葩經又易經。十載馬邊揮彩筆，唾珠咳玉耀文星。

種玉盧吟草題辭

柔佛：周慶芳

前題

金霖牧師

卅年挖雅譽遐荒，讓月裁雲託意長。種玉盧吟溫且潤，鐫成錦帙價難量。
一卷成吟待付刊，都門我幸得先看。自然俊逸珠璣句，明麗清新玉屑盤。

且喜迴文多潤滑！豈惟聯語壯瞻觀。最欣浪子歸基督，詩是靈程湊兩冠。

註：盧主讀教會學校，國亂後來南洋，未曾入教堂禮拜，自稱耶教浪子，今余介紹其入八達靈衛理公會耶教堂禮拜，可謂浪子回頭矣。

前題

新加坡：張濟川

晉領驪壇主雪州，卅年豪筆羨群流。中華黃帝尊老壽，大馬吟朋戀仲秋。風月湖濱逢盛會，嘯吟天海共登樓。平生好客留佳構，一卷詩成意自悠。

其二

更多詩翰寄相知，玉種藍田緣已奇。臺下山河眞酒脫，胸中丘壑足驅馳。迴文重見開新城，佳境共欣絕妙詞。此日再逢麻水畔，彰君盛德我安辭。

前題

新加坡：八八隻馬索聯

吟壇早有名，大馬久揚旌。不識盧山面，欣聞木鐸聲！同爲翰墨客，合訂鷺鷥盟。喜子詩傳世！良堪慰一生。

其二

海外騷風日漸非，時人學寫古詩稀。如無雅士相扶翼？只恐唐音更式微。幸賴高賢工韻律，精雕美器琢珠璣。將刊秀句成專集，喜見詞林露艷輝。

種玉廬吟草巨著付梓賦賀

新加坡：李金泉

文壇仰俊賢，日暖自生煙。大馬擎吟嘯，南洲策詠鞭。揚騷三十載，精作數千篇。巨著殺青後，佳章累世傳。

其二

故南文彥生花筆，骨領騷壇著姓名。拯弱扶衰揚漢梓，承先啓後振天聲。詩神李杜精靈氣，詞具蘇辛爽逸情。且待珠璣成巨冊，長教沈瀝句同聲。

前題

吉南：陳夏火

日軍血債起同鳴。種玉廬中晉厲荆。翰墨投緣三十載。羨君妙筆振天聲。

前題

檳城：黃文生

磊落襟懷德潤身。逸才曠世學超倫。盟聯泰馬衝朝浪。筆挾風雷嘯晚春。種玉廬前蘭桂盛。臨江帖叙鷺鷥親。鏗鏘韻律洛陽紙。一卷刊成萬古珍。

前題

檳城：洪欽敬

不羨封侯羨老兄。幾番傾盡感殊榮。扶輪創社勞無怨。弄月吟風喜有聲。八六春秋身更健。三千詞賦世揚名。相期此集光華梓。四海鷺鷥盡雅評。

七言絕詩

李其仁詞長丙午二屆雅集惜別次韻

瞻韓幸會識荊州，潤水旁通入海流。對月懷人千里外，愛烏及屋不偏秋。

其二

邂逅未傾仰慕心，朵雲牽注一何深？新詩顆顆成珠玉，開我茅衷勝打針。

沈亭詞長枉顧大山脚薈蘿草舍臨別有詩元玉奉和。

文星遠照大山隈，喜鵲今朝噪幾回？知是薈蘿光貴客，忙將好訊報先來。

林雲雲吟友見訪貽詩。次韻奉答

燕居久已無高客，忽降祥雲豈等閒？一樣耽詩成結習，權門不走走山間。

其二

少壯知君甘吃苦，工餘勵志進書城。性靈引處心多妙，大塊文章一字情。

丙午（1966）鄭今村詞長屈詩五絕囑和韻

欲挽狂瀾水益深，孤忠憐子賦騷吟。古來多少昏庸主，迷却奸邪喪却心。

其二

國難當前志不伸，拼將一死石沉身。湘江有幸埋忠骨，千載含冤痛楚人。

其三

浩浩忠魂如有知？而今世亂更傷悲。貪污誤國心何忍？入室勾狼飲鳩危。

其四

搔首無言看落英，傷心淚漬茁芳蘅。長沙讀客憐同病，來吊冤魂發共鳴。

其五

一息自沉嘆落暉，千呼萬喚總難歸。愚忠終死庸何補？惹得詩人淚暗揮。

今村詞長示辛丑五十初度書懷詩十首，囑和元韻。

皓月光輝抱滿輪，同堂四代一家春。義方垂訓傳詩禮，戲綵含飴樂性真。

其二

書香久慕蠶陽城，無稅公田着力耕。任是才華稱卓卓，有誰似子享清名？

其三

人海浮沉事咄嗟，純真白璧不生瑕。宮牆數仞榮桃李，課外何妨學種瓜。

其四

跨灶名駒儘駿聲，工師土木响丁丁。靈根毓秀光先德，風虎雲龍際會生。

其五

造詣高峰久仰尋，廬山眞面訪而今。十年斗室聞孤陋，一席清談勝聽琴。

其六

春滿鄉園客海涯，新生蓬勃一航除。他年放鶴雲中去，遍看洛陽富貴花。

其七

聞閣畫眉筆細拈，平分椰葉兩頭尖。執經問難師兼友，絳帳春深情味添。

其八

氣冲牛斗筆生波，百歲全程才半過。大智若愚含盛德，居恆水調當山歌。

其九

潤身潤屋快平生，瀟洒風流句可驚。創業但憑勳與儉，不須營攢亦功成。

其十

繞膝兒孫列雁行，高堂福蔭壽而康。杏壇續偉文章茂，好景當前鬢未蒼。

夜來香次露園詞長元玉

好花偏向夜來香，幽馥隨風上雅堂。道是仙家名貴種，教人未賞也芬芳。

癸卯年自南亞退休，在家養雞。

退隱林泉隨遇安，起居惟適樂三餐。雞群粥粥偏成趣，份外無求自覺寬。

癸卯六月十五日舊稱半年節露園見訪貽詩次韻

韶華又過半年期，難得知音訪我居。待客不愁無美饌，煨鹽雞酒對圍棋。

訪梅連科于「太平湖酒店」獲盛宴招待，侍酒有美女如雲，

頗饒情趣！梅君以詩五絕見贈。次韻奉答。

如花似玉笑顏開，陣陣衣香撲鼻來。始悟裴航非俗骨，雲英日夜伴吟杯。
註：裴航仙也暗指梅君

其二

獨羨春魁此一枝，湖邊沽酒醉瓊卮。梅花素有清癯韻，賦就蠻頭白雪詩。

其三

句到工時不厭痴，颺風已見向南吹。山川文物鍾才秀，短唱高吟各得宜。

註：泰馬第四屆中秋雅集，有意在太平怡保推動，第二句故云。

其四

一別太平三八秋，重來舊地訪詩儔。滄桑人事渾如夢，此日相逢最惹愁。
註：一九三〇年太平初創啓明華小，舊走馬埔，作者曾任其校長，距今已三八年矣。

其五

太平湖畔四時春，紅樹山花展笑顏。梅子津津能解渴，詩脾一醒句清新。
註：梅子指梅君

孫德欽詞長嘉獲弄璋，次今村兄賀詩元玉作賀！

詩詠麟章句更清，技精一索獲男丁。名駒尤卜騰千里，駿種何勞先試聲？

其二

幾時湯餅喜筵開？過海群鷗盡約來。手抱龍兒迎賀客，細將紅蛋欸分回。

其三

萬金不及親生子，紙價何殊掌上珠？至羨中年開泰運！天教英物送來徐。

其 四

入夢長庚兆弄璋，梅花脫萼燦清霜。地靈氣必鍾人傑，派衍名門祖不忘。

怡保白成根詞長「母難感懷」其中絕句三首和讀

親恩難捨意難忘，一片鄉心繫北堂。爲報春暉多積善，階前蘭桂盡呈祥。

其 二

風風雨雨飽經過，匣底金刀尙好磨。莫道古稀無濟事，老薑味辣利調和。

其 三

詩酒陶情小謫仙，無憂勝讀養生篇。世風靡靡知誰是？野鶴忘機不計年。

梁荒谷詩畫家畫展助善賦此贊！

丹青妙筆化甘霖，慷慨輸將俠義深。以畫以詩行善事，聘懷山水見婆心。

荒谷詞長當衆揮毫「梅雀爭春圖」一幅見贈乃題一絕

于圖上表意。

鶴子梅妻果可親，林逋而後見君真。一枝占盡群芳秀，縷縷冰心雀噪春。

獨樹香茶（建除體）

獨采華岩第一峯，樹含甘露綠陰濃。香生雀舌春芽潤，茶勝仙芝求過供。

附嵌字聯對（華峯獨樹香茶）

華中獨產仙芝樹，峰嶺香生陸羽茶。

已酉年末九齡與欽敬友惠顧薄的迎賓。有詩見贈次韻奉答

南辰北斗降茅盧，雞黍迎賓位左虛。臘鼓催花來紫氣，好詩就在酒酣餘。
一九六八夏舊園吟長歸梓賦四絕送行。

其二

十年晨夕共苔岑，福澤縣壇線與針。大好萍緣天欲妒，一聲驢唱鳥歸林。

其三

故園春滿賦言歸，桃李欣欣鱗鰈肥。共樂天倫談海客，階前蘭桂正芳菲。

其四

書城坐擁快餘生，素富人緣有令名。一卷南遊聲價重，滿船友誼定非輕。

題翁樹欣畫家梅鵲圖

懷鄉有志願成償，母復狂吟斷客腸。待到秋風消息近，北南同賞桂花香。

橫斜鐵骨幾經霜？綠萼枝頭素女妝。昨夜羅浮香入夢，今朝喜鵲報來忙。

翁友行畫家柏雀雀圖惠贈題自題句

龍鱗鶴骨歲寒心，翠影煙籠氣更森。曼引風濤生逸响，翩翻來舞百靈禽。
夢花室主宴客分 詩次韻

春滿人間蝶訊來，夢花室主一樽開。三星伴月流風雅，金谷豪華未遜哉。
鄭俊明先生令章在梓八七榮壽元玉奉和

德齒雙尊八七過，桂蘭香郁富三多。桑榆靜養清福，萬里松風拂太和。
其二

世上風霜閱歷過，天綏大壽福尤多。寧馨海外今騰達，南極星輝萊舞和。
許平等主席春朝元玉次和（丙辰）

龍年首唱咏春篇，爲惜晨光滅却眠。漫夜待開新曙色，百花齊放一般妍。
德欽吟兄令次鄭考獲南大理化系

羨君有子屬名駒，蛭化龍門奮遠摸。好看方冠歸國日，乃翁宴客撫吟鬚。
奉和板城藝協主席許平等上元感興元玉

環島燈光似火城，毛毛細雨月運明。近來苦熱渾難耐，却喜元宵氣轉平。
其二

春雷响起序新更，卓鼓聲殘化友盟。文酒今宵重際會，心波恰比舊時清。

十屆泰馬中秋雅集時李冰人同學喜獲世界詩人協會封賜桂冠詩人榮銜賦賀

譽滿騷壇戴桂冠，一堂采采泛新欄。嫦娥最解詩人意，大放光明出廣寒。

其二

榮銜博士桂加冠，十載扶輪共胆肝。同學風雲多際會，疏狂我獨舊時觀。
泰馬第十屆中秋雅集賦謝副主席黃起文秘書周慶芳暨諸執事

文酒聯歡十屆開，同擎吟壺見真才。蘇江雅譽因人勝，起鳳騰蛟動斗魁。

其二

平分秋色到南洲，夙願居然取次酬。吾道式微風靡靡，狂瀾欲挽賴同儔。

其三

年年此夕賞秋光，舊雨新知聚一堂。我喜年稀頭未白，詩兵弱處酒兵強。

其四

共結詩盟又酒盟，竟燈皓月閒雙清。風光景物騷人筆，句滿奚囊儘友情。

陳習庭詞長甲寅新春試筆囑和元玉

高呼飲勝意蓬蓬，吾道南來力不空。冬盡陽回春爛漫，天清氣爽淨鴻蒙。

其二

狂瀾挽轉三陽泰，大義伸張百世功。漢粹復興期指日，同瞻北斗正當中。

板城青雲宮（蛇廟）重修落成邀宴有咏

巖不在高靈則名，青蛇卷伏客無驚。爬虫也解參禪意，日夕聽經具至誠。

其二

板州勝景此推奇，科學昌明費解思。靈物當前難結論，百年香火竟添姿。

其三

堂構宏開氣象新，廟中隨處小龍馴。客來似表歡迎禮，幾次當庭翹首頻。

其四

梵宮古利遍南洲，獨愛青雲岩里遊。畢竟靈蛇豐吸引，聲名早已播環球。

重陽第一屆怡保雅集應南天洞主持邀請參觀賦此誌之

重陽百里趁遊踪，乘興登高豈偶逢。峭壁千尋開古洞，平蕪突矗一奇峰。

其二

倒垂鐘乳掛其中，幽邃回廊透冷風。正殿老君尊太上，經傳道德世人崇。

其三

南風靡靡豈無因，道德推宣力最臻。同上雲梯三百級，昂頭奮擊莫辭辛。

其四

洞主高情具素籙，道儒默契本前緣。移風美俗無難事，但得和衷共負肩。

註：孔子曾問禮于老子第二句故云。

其五

四海尊尊倡旅遊，尋幽探勝趁潮流。南天有洞多奇古，誰不爭先快眼眸？

其六

地勝人和氣象幽，恢宏播綴仗新猷。他年重作萊英會，應是南天洞一流。

一九七八年遊上海祖界黃浦江公園

兒時聞道此公園，犬與華人禁進門。今日遺碑猶保管，當頭棒喝醒黃魂。

其二

鹿惡藏污又護奸，一任挑畔恣生端。胡天胡帝侵司法，霸道橫行鼓逆瀾。

其三

列強逞霸理難宣，耀武揚威歷百年。八面風雷從地起，如今春夢化寒煙。

其 四

挽轉乾坤展拓恢，河山錦繡報春回。煙由處處興工廠，江上商船滾滾來。

北京遊地下防空洞

不測風雲倏卷舒，珍珠港事鑒前車。爲謀民衆安全策，未雨綢繆備有餘。

其 二

洞深十米縱橫開，支幹相連百里來。防毒通風精設備，遊人嘖嘖嘆專才！

其 三

並重攻防意若何？眈眈熊虎欲憑河。一朝核戰蕭牆起，洞避災民百萬多。

其 四

地下都城籌建繁，火車疏散到鄉村。周旋不怕長期戰，效法亞夫細柳屯。

註：①洞中再由火車運到鄉村疏散。

②細柳屯，漢周亞夫將軍屯兵備戰營地。

黃鴻明同學曾任吉打彭亨等州督學六十餘年失聯絡。比次在

靈偶逢。有絕句四首見示次韻奉答。

相見如今各老年，言官督學我依然。正慙此地無知己，喜得雲間月滿天。

其二

暢叙離情廣見聞，一堂賓主不須分。浮沉人海休多論！詩酒忘機且結群。

其三

勞苦功高老退休，閒雲野鶴契同儔。桂蘭遲秀含鮎笑，沽酒餘錢掛枕頭。

其四

凌霜老樹佔風頭，一虎餘威勝九牛。案滿詩書非俗客，中西學貫任遨遊。

五峯詞長什感六章囑和元玉

學具千鎚百煉工，浮生得失等雞虫。頂天立地心無數，接物待人每反躬。

其二

茫茫人海各千秋，不朽文章重進修。佛說輪迴如可信？足衣足食外何求？

其三

吾道其南德有鄰，吟詩遣性寄閒身。年逾耳順才如海，作賦揚雄可逐貧。

其四

盡忠職守骨城居，日理萬機綽有餘。結社扶風同事鼎，千金一諾和番書。

註：湖濱詩社申請註冊時，蒙郭君負責辦理令人翻譯來往文件爲巫文，並數次同往見當局，功至偉也。

其五

飛舞龍蛇技足驚，右軍書法晚年成。長城紐約題遊柱，七尺男兒不愧生。

其六

港台遊罷又橫濱，詩滿奚囊不算貧。兒女成群皆自立，如君清福最堪珍！

慰時友愛女車禍罹難

疼女莫如父母心，廿年教養掌中金。晴天霹靂罹斯禍，聞耗親朋愴痛深。

其二

風雲旦夕變難知，群女如花折一枝。修短冥冥天有數，達人自解莫傷悲！

却寄蘇朝陽詞長

卅年善舞袖稱長，企業磅礴大擴張。不羨資金雄且厚，一詩風雅足欽揚。

其二

儒雅溫文長者風，墨緣廣結馬西東。詞壇不斷添新力，喜見鸞群羽翼豐。

吡叻八景分咏囑和元韻

○雲林梵宇

峭山如畫蔚雲林，古洞宏開梵宇森。南國風光推第一，遊人到此快身心。

○蒼苑荷風

出水亭亭九品蓮，芬香十里葉田田。涼風拂面消塵念，池畔青青柳色鮮。

○華藏世界

大千世界一華藏，佛祖靈光照萬方。自古菩提稱聖樹，禪機參透福無疆。

○龍象耽經

石本冥頑亦點頭，生公說法悟禪修。聽經龍象成佳話，奧妙玄機靜處求。

○雲岩法相

岩中法相坐蓮台，直似歡迎旅客來。大腹便便堪走馬，揚眉一笑化千災。

○花雨咀香

咀葉經聲汎馬喧，漫天法雨洒元元。垂垂鐘乳凝甘露，一滴延年淨萬煩。

○環翠啼猿

環山翠色映涼亭，曲徑巉岩拾級登。檻外風來神正爽，猿聲夜靜伴喧經。

○步雲扈斗

攀上絕巖做一宮，普殊菩薩坐其中。摩天捫斗浮雲頂，難御飛來瑟瑟風。

湖濱詩社主辦大馬詩總成立十一週年紀念暨十二屆丙寅中秋

雅集詩東絕句二首（代作）

劇憐此世盡顛風，鏘振湖濱愧作東。同護詩城齊奮筆，應教衆志貫長虹。

其二

晴空萬里月當頭，扛鼎同來趁好秋。鳴鏃及鋒看出匣，詩添錦采酒添籌。

前題和韻

熱衷華教蔚成風，西水潛流勢向東。對月傾杯詩七步，豪情泣鬼又吞虹。

其二

燈月交輝企萬頭，一年好景在中秋。酒能消慮詩長壽，暢飲狂歌不計籌。

倪校翰同長實兆遠華校任教時東詩兩絕、次韻奉答。

文教低潮發共鳴，還須斬棘又披荆！雖虫難負巴圖魯，豪氣輸君著盛名。

註：巴圖魯，清語，勇敢之兵將也。

其二

瑤章遠惠實符名，璧價連城出楚荆。一白同浮天若假？俚歌應伴雅人鳴。

林巨柏調長在陸坐火車赴怡保雅集巧遇歸來同伴有吳金谷兩

位受留在舍宿一夜惠詩次韻奉答

把晤車廂同往回，爲消困悶語多談。天教久別人相聚，共趺會盟上總台。
註：總台卽詩詞研究總會也。

其二

同是年庚杖國時，因緣巧遇可無詩？老來古道妻如母，問暖嘘寒已足怡！
註：古人云老來妻如母，林兄既無母愛，自有妻溫柔體貼，噓寒問暖，
愛順備至，已足自怡矣。

一九八三年教師總會主

辦詩詞研討班開學

千年沉木炷生香，漢粹衰微仗力揚。教總今登高一嘯，熱衷學者滿華堂。

慰問舊同學阮揚和君（在梓）絕句五章

其二

樓頭同宴老中青，日月如梭五載經。東主殷勤頻獻酒，此情回憶未忘形。

其三

一旅天南一在鄉，聚談莫奈隔重洋。高樓大廈輕工業，次第完成孰比強？

心常介念舊同窗，我亦近年少健康。慰信遲遲過半載，寡情薄義罵應當。
註：據余友李水心君信云，楊兄非常介念同窗。

其 四

如寄人生要達觀！老來病苦實多端。中風症候時常見，至孝兒孫也有難。

其 五

本擬今年返里三，無端一病竟延捱。倘然康復還鄉去？剪燭西窗達旦談。

光華日報七十五週年紀念出版專刊依總編輯城芳詞長元玉爲賀
爲慶值禧憶昔年，報途荆棘幾經千？一風一雨從頭寫，留取輝煌創業篇。

其 二

恢宏文化仗群賢，團結心如磐石堅。筆陣齊揮無晝夜，風行四海口碑傳。

詩總成立十四週年會慶南洲詩社主辦十五屆詩人雅集東邀賦

二絕句一闕詞以應

總座年年集雅中，四軍輪值蔚成風。興詩立禮昌文教，世界相期進大同！

其 二

南洲一幟最揚威，學畫爲詩作啓扉。滿苑青苗多茁壯，免教纖雅嘆才稀。

一九八七年板江吟社七夕雅集四絕和韻呈政

今宵七夕會板城，綠女紅男話愛情。何幸旗山開雅集，此交添得是詩聲。

其二

新涼天氣動初秋，織女牛郎訴苦愁。銀漢橫空星閃閃，鵲橋相會喜悠悠。

其三

一年一會兩心傷，會少離多別恨長。兩岸茫茫相隔處，迢迢痛轉九迴腸。

其四

神仙也有相思苦，世俗怎無煩惱情？但願痴男憐怨女，都成眷屬不悲鳴。

和韻一絕

長相厮守總難尋，久別重逢恨轉深。天上人間都一樣，多情多累發狂吟。

贈合艾桐子吟侶一絕合艾

飛箋走讀百忙中，市勢升沉一瞬通。日理萬機何足道？詩壇爲首倡扶風。

贈李慕斌吟侶一絕合艾

決策商場如用兵，欲攻欲守在專精。入超出減渾閒事，國貨傾銷便得盈。

贈李其仁吟侶一絕合艾

四體勤勞老益堅，半商半隱寫詩篇。杏壇昔日聲名重，抱璞謙恭豈偶然？

贈陳復順吟侶一絕合艾

個儼風流噪一時，論文義重友如師。商場久戰推名將，遺興何妨共賦詩？

贈許慕清吟侶一絕合艾

厭從市僧斗虛榮，心與閒雲共比清。沉默果然藏大智，待人懇懇出真誠！

贈林天和（亞枝）吟侶一絕合艾

寶刀未老志昂藏，旅社金莊大擴張。莫問資財多少富？一詩風雅比人強！

贈陳海君吟侶一絕合艾

中年素筆壯行吟，肝胆相披惠愛深。好句每從靈感得，成名却在有虛心。

贈金鼎林樹豐吟侶一絕合艾

詩聲每共金聲振，一樣鏗鏘播雅風。長袖舞來人喝采，此君飽學出鐘中。

贈五金鼎鄭國瑞吟侶一絕合艾

治生有術更通儒，善與人交德不孤。百歲行程才一半，文章事業兩堪圖。

贈陳暢時代廣告社主人一絕合艾

吟懷朗若懸明鏡，時代先鋒嘔異軍。獨運匠心臻美化！引人入勝利人群。

贈會德華百貨商東主一絕合艾

事業成功重壯年，舉頭麗日正中天。波瀾浩盪詩文筆，人有潛心石可穿。

贈黃亞雄膠業巨子一絕合艾

醉心膠業抱雄才，早晚行情漫費猜！每托豪吟聊解悶！靈機一觸百篇來。

贈米英才吟長一絕合艾

湄南風雅一英才，偉績當年桃李栽。市隱成名諸仇讎，門雖有設不常開。

贈廣夫吟長一絕合艾

達人遠道得中庸，舊酒風流丘壑胸。短唱長吟皆適意，興雲化雨比潛龍。

贈陳經綸吟長一絕合艾

瞻顏宋晔到而今，積得相思莫測深！欲趁水燈溫舊誼，距人咫尺寂無音。

贈日本河本体三郎董智讀絃一絕合艾

一花勝似一花香，玉蕊含苞情味長！名士美人緣巧合！天教萬里送京娘。

註：京娘指東京新娘送到合艾。

迴文詩

蔣桐詞長詩謝西亞畫家畫贈中秋詩人雅集封面圖迴文詩二絕
和韻。

湖水搖光秋色生，畫家獨筆妙神情。壺浮綠酒吹風雅，呼月對杯一櫓橫。

迴文

橫櫓一杯對月呼，雅風吹酒綠浮壺。情神妙筆獨家畫，生色秋光搖水湖。

其二

群星拱月水連天，酒醉尋幽枕石眠。君有畫龍神化筆，雲蒸雨洒彩虹圓。

迴文

圓虹彩洒雨蒸雲，筆化神龍畫有君。眠石枕幽尋醉酒，天連水月拱星群。

柔佛陳儼三先生 七七生辰咏迴文四絕徵和以應。

宵中訴恨別生愁，惜取多情有女牛。橋上共傾相愛意，銷魂兩會兩忘憂！

迴文

憂忘兩會兩魂銷，意愛相傾共上橋。牛女有情多取惜，愁生別恨訴中宵。

其二

多恨長年一念深，歲逢重七兩歡心！河填喜鵲天仙會，錦織迴絲引巧針。

迴文

針巧引絲迴織錦，會仙天鵲喜填河。心歡兩七重逢歲，深念一年長恨多！

其二

分居久戀互心傷，惘惘痴情隔歲長。雲疊兩雙逢七七，殷殷細訴別中腸。

迴文

腸中別訴細殷殷，七七逢雙兩叠雲。長歲隔情癡惘惘，傷心互戀久居分。

其四

年長隔岸愛迢迢，望斷雲涯一水遙。憐我惟卿多欸欸，天何奈補費思焦。

迴文

焦思費補奈何天，欸欸多卿惟我憐。遙水一涯雲斷望，迢迢愛岸隔長年。

乙丑年春迴文小詩賀歲

春回地上谷鶯鳴，竹爆人家幾鬧聲。醇酒似君知福厚，新陽一轉好風清。

迴文

清風好轉一陽新，厚福知君似酒醇。盤饌幾家人爆竹，鳴鶯谷上地回春。

張直端楊蕙華伉儷結婚六十週年續婚紀念詩四絕見示爰將韻
縮爲迴文體二首奉和

臨曜福星壽比山，續婚慶咏葉關關。心心印處諧琴瑟，深淺畫眉月映顏。

迴文

顏映月眉畫淺深，瑟琴諧處印心心。關關葉咏慶婚續，山比壽星福曜臨。

其二

優聲德望衆欣歡，禮典行新喜劇觀。流水梅詩編筆健，秋霜菊詠傲楓丹。

迴文

丹楓傲詠菊霜秋，健筆編詩梅水流。觀劇喜新行典禮，歡欣衆望德聲優。

註：梅水詩傳，乃張兄令先祖之名著，得張兄獨出巨資整編重印，不下
十餘冊之多。

丁卯新元賦迴文小詩拜年

眉揚氣喜報春回，好景新年兔旺財。馳騁任君宜右左，姿兼采足滿懷開。

迴文

開懷滿足采兼姿，左右宜君任聘馳。財旺兔年新景好，回春報喜氣揚眉。

戊辰賀歲迴文小詩

油油綠木草萌芽，歲主龍年吉慶家。春暖春風和節季，鵬盟好句碧籠紗。

迴文

紗籠碧句好盟鵬，季節和風春暖柔。家慶青年龍主歲，芽萌草木綠油油。



加拿大雷基盤詞長令師徐孤風惠贈「意園」詩集一本，賦題
文體一律致謝！

騷風溥海學名揚，播遠聲清兩鳳凰。高節操尊師重道，厚情交好友盈堂。
桃投報李無佳句，月照疏星有閃光。豪氣意園詞絕妙，玉珠羅卷一囊香。

題 文

香囊一卷羅珠玉，妙絕詞園意氣豪。光閃有星疏照月，句佳無李報投桃。
堂盈友好交情厚，道重師尊操節高。鳳凰兩清聲遠播，揚名學海溥風騷。

奉和倪枝翰詞長東迴文體詩一律元玉

生花筆彩吐新詩，立義高風文譽馳。情性適人知識卓，望聲孚世應才奇。
成龍冀子生賢慧，化雨多君爲本基。名噪士林春日暖，榮光蓋代一良師。

迴 文

師良一代蓋光榮，暖日春林士嘆名。基本爲君多雨化，慧賢生子冀龍成。
奇才應世孚聲望，卓識知人適性情。馳譽文風高義立，詩清吐彩筆花生。

秦馬詩人中秋雅集第三屆在板舉行僅請各詩友快速回詩（迴文件）

鳴雷角角海洄瀾，衛道同心照胆肝。情結雅人詩會友，義盟鷗侶酒聯歡。

城高响鼓風推浪，韻逸含珠玉轉盤。生色曙光搖筆彩，清秋愛月賞團圓。

註：正吟角角作雷鳴聲貌也。

迴文

團圓賞月愛秋清，彩筆搖光曙色生。盤轉玉珠含逸韻，浪推風鼓响高城。

歡聯酒侶鷗盟義，友會詩人雅結情。肝胆照心同衛道，瀾迴海角角雷鳴。

註：第一角字作地點用。第二角字作軍中樂器用。

壬子第八屆秦馬詩人中秋雅集。春武里。次詩東兩律韻拚成

迴一律以和

天青對月朝臨門，客醉成吟門酒樽。好句得來遊勝景，雅風吹轉喚顏魂。

圓珠露白秋侵鬢，遠渚漁光夜映園。肩任巨輪詩衛道，緣傳筆緒韻迴元。

迴文

元迴韻緒筆傳緣，道衛詩輪巨任肩。園映夜光漁渚遠，鬢侵秋白露珠圓。

魂顏喚轉吹風雅，景勝遊來得句妍。樽酒門吟成醉客，門臨明月對青天。

秦馬詩人第九屆中秋雅集曼谷。詩東二律韻綴成迴文體一律以應。

東籬菊酒醉人來，誼友敦盟雅宴開。雄嘯一聲廻秦馬，懸留三宿憩岑苔。同心合賞秋圓月，永夜聯歡客碰杯。鴻雁聚群鵲佯渚，風生座籟有旋回。

迴文

回旋有籟座生風，渚泛鵲群聚雁鴻。杯碰客歡聯夜永，月圓秋賞合心同。苔岑憩宿三留懇，馬秦廻聲一嘯雄。開宴雅盟敦友誼，來人醉酒菊籬東。

詩總第九週年紀念暨板城藝協詩詞組主辦第十屆甲子中秋雅

集賦迴文體詩和

浮香桂棹泛清波，落雁飛霞橫眼過。秋色一城詩倚馬，月華滿地客穿梭。舟搖水浦漁光閃，顰脫鉗鋒劍利磨。鵲驚結綠文會友，流傳雅集妙盈籬。

迴文

籬盈妙集雅傳流，友會文緣結鵲鷗。磨利劍鋒鉗脫顰，閃光漁浦水搖舟。梭穿客地滿華月，馬倚詩城一色秋。過眼橫霞飛雁落，波清泛棹桂香浮。

甲寅中秋泰馬詩人十屆雅集麻坡李冰人詞長主盟賦過文詩一律呈祭

年司虎巖啓和風，座滿清光銀樣同。圓月人歌當進酒，半秋鷗啄引來鴻。
仙嬌舞采生姿雅，主座推賢見績豐。傳炬火輪扶有賴，天南播化正融融。

圖文

融融正化播南天，賴有扶輪火炬傳。豐績見賢推座主，雅姿生采舞嬌仙。
鴻來引啄鷗秋半，酒進當歌人月圓。同燦銀光清滿地，風和啓巖虎司年。
註：嬌仙仙嬌皆指嬌娥。

南洲詩社主辦 庚申詩總六屆中秋雅集元玉冠以及臺閣弟自韻詩爲頂綴成過文體一律誌盛

潮騰月滿客來時，渚泛陽盟會酒詩。挑帶大輪扶濟濟，舞歌清韻扣絲絲。
雕龍彩筆名字望，伐桂丹心信釋疑。宵半醉吟秋雁冷，橋南綠萼菊榮枝。

枝榮菊萼綠南橋，冷雁秋吟醉半宵。疑釋信心丹桂伐，望孚名筆彩龍雕。
絲絲扣韻清歌舞，濟濟扶輪大鼎挑。詩酒會盟陽泛渚，時來客滿月譔潮。

七言律詩

村居詠趣（鄉村生活）

廬前環種四時花，傍樹梯山綠傘遮。旭日晨窗清氣滿，渠渠午枕翠陰斜。
客來侑酒三雞味，興至敲詩一碗茶。百鳥爭鳴聲悅耳，坐看南北鐵龍車。

註：我家養有肉雞二種，客來一肉雞可成三味菜餚，坐可看見來往火車經過門口。

其二（曉興）

庭園散步樂無邊，吐納長空氣爽然。冷露沾花珠瀲灩，香風撲鼻味清鮮。
雞鳴雀躍添生趣，蝶舞蜂飛欲醉顛。大好晨光留意取，明天已不是今天。

其三（蛋雞場）

宅邊百步建雞林，鐵檻層籠富午陰。粥粥金噪歌谷谷，團團玉蛋列森森。
餵糧添水家庭職，合作分工兒媳任。新法經營無費事，紅冠白羽儘珍禽。

其四（環境適合養老）

地不繁囂景不差，成年兒女各當家。事情憑我司門戶，客至呼妻備酒茶。

才拙敢云詩有悟？心閒自得興無涯。祇求老健千金值，林下安居玩物華。

註：語云平安兩字值千金，於貧乎何有？

春天寄興次靈園韻

無限春光照旅程，鄉心萬里片雲橫。雷驚大地聲威震，草長平坡綠色萌。
生意滿前花正艷，和風到處景偏清。山河翠蔚人文茂，對酒興歌任醉醒。

其二

對酒興歌任醉醒，騷人本色袖雙清。管它萬事滄桑變，笑彼群衆利欲萌。
六十風光如一夢，百年松柏証三生。信多好景饒春趣，蓬勃詩心無里程。

一九六四年偕內子蘇小真遊新加坡訪舊友周健催賦此

聞道獅城景色華，欲來賞識願多餘。偶逢機遇遊心動，却擾居停費力加。
別墅已忘行舊路，令郎特爲導新車。春風滿沐情溫暖，腦海深銘未有涯。

其二

久別重逢思最深，有生能得幾知音？青萍逐水原無定，白手成家殊可欽！
年老好栽三徑菊，身康勝獲五車金。堂前蘭桂飄香遠，跨灶能賢悅父心。

文園雅集次孫德欽詞長元玉

詩章酬唱句含英，湖海論交義與情。藝苑欣今添益友，詞林已早仰芳名。
吹竽我本新南郭，演武人稱老少卿。煮酒文園多雅士，罰依金谷趣橫生。

註：座中有孫少卿詞長表演拳術助興。

其二

淡蕩秋風菊綻天，飛來喜鵲噪門前。群英咸集成佳兆，大雅光臨証夙緣。
酒胆未因知己壯，吟懷偏讓故人先。難逢此日盟鵲會，郁郁新聲見衆賢。

其三

少無面壁老來昏，却喜人緣尚保存。好客陳蕃曾下榻，專心董子不窺園。
漫云七步青錢筆，再進三巡紅友樽。跨海還期終日醉，驩名共印雪泥痕。

其四

愧無一技可精臻，竟共聯歡契雅倫。積德當先爲己本，敲詩幸得與君鄰。
縱然覺句能超俗？何患成章不出塵。術擅計然堪入幕，居停況是眼青人。

文園雅集次陳夏火詞長元玉

桂花含露菊臨風，雅集群鷗水乳融。豪士千杯嫌酒薄，詩人七步鬥才雄。
榮華早付山川外，快樂今盈談笑中。爽朗秋光誰遣得？一枝彩筆運無窮。

六一生朝詠懷

輕舟五度向南開，大半光陰誤劫灰。同輩風雲曾叱咤，幾人功績尙崔嵬？
寄身喜有嚴詩侶，立世寧無托鼎才？四十年前方少艾，甲辰又見甲辰來。

其二

莫問年庚孰短長？只求心地不荒唐。阿旁著修雲中影，金谷豪華草上霜。
世事如棋難了局，人生似戲看完場！今朝有酒堪留客，同予酩酊入醉鄉。

蔭桐詞長因四面八方應付太忙，致未早復燕函，來信致歉！

次元玉奉答。

青島悠悠去未還，一重秋水萬重山。才多獨筆當三面，胆壯單刀過五關。
已把義情銘肺腑，何勞歉意掛心間。論交古說淡能久，自信相逢緣不慳。
註：兩人雖神交數年，尙無一面之謀，末句故云。

甲辰秋訪光華日報總經理楊永謙厚，蒙招待詩以謝謝！

畢竟碩材具慧根，書香世第有淵源。總衡報務恢基業，骨領文風振國魂。
海爲納流深不測，人因和氣衆多尊。胸藏丘壑才豪放，一席謙恭道誼溫。

吉打濟陽閣落成。出版聞刊。函索題詞。謹以「德教會濟陽閣落成」冠首成一律致賀！

德爲善本廣推行，教義深湛悟至誠。會友以文宣道化，濟人於厄播仁聲。陽陰變理通眞昧，閣第宏開拱太清。落梓鏗鏘玄妙諦，成章亂語度群生。

欽敬詞長四八生朝自遣詩元玉致賀

嘶風駿馬擅奔馳，千里回還幾壯悲！有志履冰冰化水，無心作藏藏成絲。四通八達開初運，一本萬源欲趁時。令旦懸弧神奕奕，三杯且解半生痴。

响應壽慶感北華文中學次林懷龍元玉

用夏變夷述聖賢，靡風共挽敢遲延？登高首倡群山响，獻地先聲衆志堅。爲國植材培大器，興華維化勳全員。車觀雲字巍感北，偉績豐功達萬年。

合艾薩桐詞長題贈「種玉廬」門匾「以虛韻支韻一律爲謝！」

信手揮來種玉廬，高懸門首勝瑤瑤。鑄龍形壯神尤勁，躍虎勢成氣有餘。擅字工詩名遠著，通儒善賈學非虛。未觀芳采先沾惠，一瓣葵心向日舒。

其二

咫尺瞻顏惜太遲，間關求學託黃鸝。懸知學友僑邦北，久慕詩仙裔隴西。佳句每吟如把晤，厚情一憶引相思。尊前何日親聆教？剪燭傾談展素眉。

註：黃鸝君爲李君同學，故託其介紹求學耳。

村居喜雨

熱日橫空似火煎，村中有雨便涼天。如焚橡樹翻新碧，垂萎椰林隔宿鮮。井各平添三尺水，人皆睡足五更眠。園蔬肥嫩堪供饌，禾穀如油綠滿田。

種菜

籬外開園學種蔬，閒來日日草勤鋤。開畦築股分橫直，播籽栽苗要細舒。灌溉以時毋稍懈，寒溫適度不生蛆。夜來一雨欣欣秀，營養豐饒勝買魚。

薩桐詞長詩賀小兒英周結婚元玉奉謝

爲兒草草締姻緣，未敢鋪張避東箋。小典無疑成大典，月圓差喜共人圓。雲情洋溢超珍寶，麗句琳瑯盡錦篇。若得尊前詩伯在？一堂光彩更綿綿。

乙巳元旦，偕黃鵬伉儷遊泰，初晤薩桐詞長承盛待並導遊合艾各名勝，別時惠詩二律，次韻謝！

久從翰墨契知音，訪戴茲欣閃電臨。握手殷殷留客懇，傾樽款款感人深。謝情愧乏江郎筆，觸景平添梁父吟。聚散萍蹤原不定，得開心處且開心。

其二

得開心處且開心，客地相逢付醉吟。景色雙佳遊興爽，人緣合雅結情深。

歎談滄海春風笑，展望板江秋月臨。別後還勞青鳥使，殷勤爲報好詩音。

註：「雙佳」諧音「宋卡」。「合雅」諧音「合艾」。又此次相會爲第三屆板江雅集開路。

懷遠

幾番投簡落洪橋？江樹暮雲千里遙。看雁今無書一字，贈珍舊有象雙雕。若非斗室昇新職，定是方城戰宿驍。莫解眞情憑臆測，五中惆悵筆難描。

註：前蒙贈泰國工藝品「雙門象」今尙在案上。不斗室乃借詞長常指其辦公室爲「斗室」也。

薩桐詞長乙巳生朝遺懷次韻爲壽

蛇舞龍飛具慧姿，右軍神腕那生疲。人因傲骨難諧俗，事不從心莫怪奇。白鶴靜修觀世變，青松堅操任星移。吟懷曠達詩豪放，一筆勾消煩惱絲。

其二

今世電療能補姿，東施慕母莫心疲！奪天之力相當巧，化醜爲妍未見奇。只有江山堪改造，從無性格可推移。行吾素志前程遠，何必覓置理亂絲？

溫誠堂兄新建 廣塔杓德安藥廠落成並週年紀念誌慶

一片婆心懸玉壺，卅年經駢與人殊。鷹鵬塔聳風行廣，葯妙春回効力敷。
德本道根修善果，山鍾靈氣毓宏圖。恢功拓業堂新構，喬梓森森舊遠模。

註：喬梓指父子溫兄父子皆商場傑才。

其四 國詞長出版南遊酬唱集囑題句

少學壯行老遠遊，風光文物一囊收。山房藏卷利人溥，海嶠集詩大志酬。
翰墨論交千里友，聲名不羨萬封侯。他年買棹榮歸日，舊誼新情載滿舟。

其二

擅賈精醫原宿儒，天涯寄傲一名駒。每從逸句酬知己，永把真情存故吾。
千里詩聯三島客，半生德播衆村夫。況無內顧閒如鶴，海外優遊好燃鬚。

註：三島客星馬泰。

初會薩桐詞長留別二律

輕車僕僕泰南行，千里穿梭不計程。野樹臨風搖手舞，遠山如黛笑顏迎。
一尊共叙平生志，兩地相思此日情。自是有緣堪爛醉，古人幾許醉成名？

其三

四載神交忽面謀，恍如夢里太空遊。十分錯愛三生幸，萬斛相思一白浮。

秦馬地成衣帶水，詩詞聲應氣聯聯。天涯得結金蘭契，福慧堪誇前世修！

夏火詞長東詩次韻奉和

鷓鴣訂情不偶然，姓名早已註蘭箋。聞雞起舞劉琨志，躍馬先追祖遜鞭。
未許春梅紅獨佔，還看多竹綠長延。黃鶯出谷非凡鳥，律韻清新欲霽天。

註：蔣桐詞長指本人與霽園夏火爲松竹梅。

福源詞長七三生朝感咏次韻奉和

四海爲家莫計秋，十全十美有誰酬？人情且作香花賞，世道原從臭味投。
滿腹清才今屈指，一輪皓月正當頭。無懷便是長生術，八秩開三展遠眸！

其二

八秩開三展遠眸，仍從花甲算從頭。還童返老言非獎，寡欲清心願自投。
事到忘機諧雅俗，人逢高興健吟酬。桃樽此日南山頌，雲鶴何知歲幾秋？

孔方兄（金錢）

生成臭味出青銅，萬事憑兄鬼可通。不到貧家來救活，却隨豪客去爭風。
怕寒喜逐朱門暖，習惡多從孽子空。今世有人誇絕富，幾年西水看流東！

金魚

壺中清水靜無潮，箇里安居意自超。鼓腹獅鯢金綉尾，陰睛虎額銀鑲腰。
不隨河鯉爭聲價，却與村翁伴寂寥。日夜驚心惟一事，張牙舞爪野花貓。

螃蟹

糾衆衝潮竄海陲，猙獰面目逞狂姿。利螯顯武居魁首，堅甲戎裝似賊兒。
魔爪但能吞弱小，雄心未飲霸威儀。有朝搜網供烹饌，還看橫行到幾時？

土偶

錦綺衣冠粉飾身，莊嚴赫赫奉爲神。頭顱碰破事何補？唇舌曉乾意不申。
搏上塑成無骨像，拈香枉費有心人。靈魂失却難通竅，尸位徒然怎保民？

獵犬

性靈嗅敏貌猙獰，指使由人受寵驚。蒙養豐餐供逐獵，追奔賣力喜求榮。
貪功媚主憐搖尾，同類相仇傲轉睛。狡兔一朝搜索盡，須防身入釜中烹！

卜卦鳥

從師苦苦走江湖，粒穀供餐任喚呼。靈性知機甘僻促，權風沐雨亦歡愉。
茫茫世界獅飛脚，小小拳籠受困拘。一旦主人身發跡，骨牠老鳥死還無？

燈籠

爛額焦頭落地紛，前衝後繼似空軍。神風敢死輕生命，廣島挨轟化塚墳。
蠢爾蟻虫心勃勃！撲它燈火飯薰薰。明知此路無希望，不戢兇殘只自焚。

註：二次世戰，日本飛機有神風隊之組，連人衝落戰艦。

井蛙

破井幽深草繞欄，蛙生水底久相安。環游滄海千程小，坐看青天一尺寬。
怒吼聲迴驚霹靂，狂奔影亂起波瀾。頭童好事竿挑出，蓋見茫茫縮作團。

騎虎

深谷大虫伏澗陂，狂狃惹事當驢騎。一聲怒驅魂無主，百面奔騰力不支。
破胆驚心呼負負，張牙舞爪沫垂垂。脫身已覺窮於計，作孽從來自吃虧。

養豬

獸頭獸腦喜卑污，懶作貪眠鬢殘枝。養欲體肥豐物餌，求其肉嫩上庖廚。
糧高重本心勞拙，價賤傷農力費圖。野菜蕉莖填餓腹，毛長身瘦變妖狐。

丙午元宵夢花室主設酒邀詩友在苑中雅集席上聯句

坐對銀蟾舉玉卮

夢花

居停邀友共聯詩

藕園

元宵雅集添春興

田玉

良夕

豪吟得句奇

德欽

暢飲野羹傳韵事

志明

盡歡放筆仰宗師

欽敬

明年此會人皆

健田玉 酒滿金樽綠滿籬 夢花

元宵雅集卽詠

燈光月色映疏籬，惜取金吾解禁時。大地文章成共賞，一壺旨酒會相知。夢花雅誼眞難得，織錦清才不假思。報道今宵春景好，陶然一醉展雙眉。

枝翰詞長惠詩奉和並賀令公子留英學成歸來。

爲求藏拙守吟廬，皓月分光照與余。文閣美君眞傑出，士林笑我太迂居。子承衣鉢魁三島，學有淵源飽五車。跨灶成龍家國器，新愁舊慮好消除。

註：三島指英倫。

孝謙詞長詩拜訪元玉奉和

子貢才華一雅儒，騷人心地不分區。神交四載相思苦，對飲三杯自適愉。雞黍歡迎情至厚，詩章謝拜禮何殊。此生難得逢知己，攻錯他山易有無。

今村詞長詩謝拜訪元玉奉和

翰墨論交無舊新，天涯幸會亦前因。鄭箋著世才何卓，陳榻留賓誼最眞。木鐸同担千載業，國風共振一家親。公門羨子榮多士，都李蟠桃處處春。

枝翰詞長以詩見懷次韻奉答

鶴戴朱冠惠雅詩，南鷗北鷺並交馳。誼聯翰墨情偏驕，玉戛金聲句更奇。
文閣扶輪興漢粹，杏壇振鐸固華基。好看桃李成蹊日，正是春風化雨時。

註：文閣，即甘文閣地名。

乙巳⁹⁶第一屆薩桐詞長東邀泰馬詩人中秋雅集宋卡元玉和之。

1
湄南風景素稱休，又值良宵正好遊。賞月傳箋歌宋海，傾樽聯誼醉江樓。
偏逢戚眷邀婚証，却負隆情未領收。秋水長天爭一色，慳同鱗爪印貓丘。

註：宋卡海中有貓鼠二丘，頗負勝名。

迎月次韻

浮雲散盡蔚藍天，氣爽秋清玉鏡懸。待上高樓攀桂蕊，還看淑女拜嬋娟。
管絃悅耳鳳鳴奏，燈籠遊街魚貫穿。令節年年成領事，相期人月兩長圓！

追月次韻

良宵美景逝如馳，人世光輝有幾時？伏匣寶刀猶可試，嘶風駿馬不難追。
潛心趕造凌空艇，轉眼大興降月師。明暗當前須抉擇，模稜終久失機宜。

薩桐詞長南遊集編成有詩次韻賀之

志在南遊不計程，詩人意境筆中生。匠心鑲月金聲振，脫手成春芳草萌。
舊調新詞雄國粹，同功異曲比泉清。天涯結識多佳士，留取儒林百世名。

註：詞長葉中醫第四句故云。

福源詞長有感二律囑和韻

一任狂瀾自倒流，滔滔巨浪幾時休？白駒過隙催人老，青史留名積德修。
舊事且拋雲外淡，新生已在眼前浮。久經滄海餘清操，莫復憊心向佛求。

其二

寶山出入手空回，一瓣心香不染灰。鷄以無糧天外去，鷄因求食籠中來。
人情勢利身家守，友誼堅誠金石開。座上常盈翰墨客，詩成共醉菊花杯。

福源調長七四生辰感賦元玉奉和

一年春事急如流，美夢閒誰醒後收？常見添花堆錦上，却難飲水溯源頭。
達人逸致山量壽，野鶴清姿月作儔。眼底浮雲皆幻景，韶光養晦友閒鷗。

陳一勉詞長來訪依何約明韻惠詞疊次其韻奉答

至喜文旌顧草廬，春風檻外竹心虛。論才我本庸庸甚，吟興君真綽綽餘。
五十縱然堪學易？六三枉自再攻書。閒來有客如天降，樂得優遊共一車。

其二

今朝有酒不奢求，世上殘棋看怎收？氣饒晉侯兵假道，勢窮季子說週遊。
年來烽火昏天日，老去吟懷減菊秋。過海相詢增友誼，山風板水响交流。

註：時在一九六三，美越戰爭正酣，欲破越包圍中國，違韓富禮遊說東南亞各國。

陳一勉詞長詩謝邀飲次韻

文欲超凡學聖賢，心如妙悟句堪聯。投機語可談終日，寫意詩能見性天。
式飲式餐原有數，同車同席莫非緣。此生眞箇存知己，春雨秋風惠手箋。

癸卯生朝感賦

虛度韶華五九年，財無建業食安全。種花養性原知命，訪友談詩也樂天。
事不負人常反省，生憑自力正怡然。留將心地兒孫拓，得息肩時且息肩。

感懷（東傳奕生弟）

逐水萍踪四十年，於今回首半成煙。曾登虎榜聯師誼，又躍龍門執教鞭。
勉勵同操清苦業，培英再續別離緣。生根著地成眞箇，最怕三更聽杜鵑！

註：登虎榜，龍門皆安溪鄉名。勉勵，培英爲威省校名。

其二

壯志豪情漸渺然，客中滄海又桑田。幾經浩劫差無恙，歷遍艱危幸益堅。消盡輪蹄知世味，洗清塵眼結鵲緣。更生自力求安適，不向朱門示乞憐。

薩桐詞長賜和懷遠詩次韻奉答

竊跡逢場未算迷，方城竹戰不偷鷄。應無閒話傳渭北，原有風流繼隴西。欠滯魚書心念遠，新成火箭力非低。亂千積悵冰消釋，補過之言莫再提！

鄭志明詞長偕露園福源二兄光臨惠詩次韻

寒廬忽報降三仙，溫暖交情若錦棉。沽酒迎賓天落月，烹茶擊鉢石流泉。板紅柳綠生機滿，鶯逸鷗閒雅道聯。喜見吟壇開寶藏，天聲浩蕩証前緣。

板城八景（次前韻）

1 關堤懷古

碧眼鷹兒舊建勳，旗無落日國無垠。殖民末路仍宗主，霸道窮途莫怪君。砲堡如城名早定，關防臨海岸爲分。梟雄一世今安在？銅像依然留穢氛。

2 鶴山塔影

浮圖七級聳山林，雲霧朦朧半截侵。放下屠刀期化佛，超昇樂國戒貪心。

殺人遍野稱除暴，驅寇攻城說救沉。太息彼蒼方憤憤，慈悲公理枉追尋。

3 旗山轎車

廂車繫纜連高峰，破石開山費苦工。駕霧騰雲天可上，穿林過壑險能通。
縱觀白浪舟如葉，遠望紅塵馬似龍。眞箇大千成一粟，處身宛在水簾中。

4 花灘浴美

白玉青絲泛海天，玲瓏倩影欲飄然。蜻蜓點水雙峰聳，鼓鑼臨風兩股妍。
遊客眼中收福麗，詩人筆下爲花憐。芙蓉灑灑情奔放，肯讓西湖六月蓮？

5 長堤夜月

水天相映月華浮，景色迷離百倍幽。舉國風光推本嶼，沿堤名勝冠全州。
紅男綠女傾懷抱，遠客近賓攜手遊。最是夜來人擁擠，車無容泊馬行愁。

6 花園瀑布

綠陰十里景清妍，散步斜坡聽水湫。寫意談心忘世外，傍花隨樹到山邊。
乍驚雲里飛銀練，轉訝空中噴玉泉。惟有猴兒眞放恣，不知覆地與翻天。

7 靈隱蛇廟

爬虫也解厭繁華，佛廟參禪學出家。滿望他年成正果，多來此殿伴煙霞。

七星墮地非神話，萬國遊人有口誇。奇跡顯然生妙趣，伏櫟蟠案盡青蛇。

8 珠嶼風光

浮嶼危礁水色濛，漁舟破浪各推蓬。南臨勝景繁香火，石澗如珠滲海風。
日夕天涼人便滿，蟹肥味美座無空。旅遊絕妙清幽地，翠樹蒼松掩映中。

泰國王鳳翔先生盤谷隱吟亭落成元玉奉和

詩人老去隱吟亭，不盡春光映眼青。樂水樂山才倚馬，難兄難弟智多星。
怡情盤谷繁華遠，寄傲南窗晚節馨。峻閣新成堪引鳳，煎泉煮月誦黃庭。

勿洞梁師俠詞長「未是軒」五律索和元玉

金山豪客建吟軒，廿載潛居愛此村。知是福人安福地，不須名士出名門。
橡林莽莽新開徑，椰樹森森綠滿園。約隱元龍原有洞，生花妙筆浩然存。

註：詞長別號金山客。

其二

室雅何須五鳳樓？山光嵐影映人幽。半簾月色明如水，滿腹文章滑過油。
俗慮紛心拋後面，新生活力向前頭。潤身有德貧無詔，詩苑長春海外侯。

其三

夢醒邯鄲世味涼，壺中有酒興偏長。縱然廣廈千間底？未若大名三字香。
地可立錫君建宅，人無容膝石爲床。浮生難得心知足，空谷幽蘭燦夕陽。

其四

卜築溪軒作釣臺，餘閒寄臥此間來。得魚沽酒邀驛客，覓句成詩是偉才。
豪放胸懷傳海外，風流格調噪涇隈。龍潛潭底興雲雨，春到山城自喚雷。

其五

洞深帶遠好稱孤，雨冷燈前酒一瓠。君有雄才誅韃靼，我無實力戰單于。
縱教鸞眼成通寶？怎可魚睛混串珠。然斷髭鬚終苦澀，方家應勿笑狂扶。

註：鸞眼錢也。

印尼椰加達張肇仁校長七十生朝元玉並壽

文風馬印响交流，如玉瓊瓊酒水頭。越老越騷風起嶺，聞儒聞賈志無休。
達人四海爲家樂，名士千端憤世憂。兩紀柯夫吟洗雪，開顏一笑醉吟樓。

其二

壯年落拓渡洋洲，七十今添鶴算籌。身歷滄桑無限感！手栽桃李幾經秋？
功成轉業伸懷抱，福至生財展遠謀。逸足良駒欽跨灶！扶筇載酒任嚶求。

其三

飽暖無忘雅化宣，當仁每自挺身先。商經調子權操左，心血培才續著前。學有淵源恢偉業，辭稀伉儷富良緣。乘衣繞膝天倫樂，群獻南山祝遐簫。

其四

張敞多情擅畫眉，永傳佳話百篇詩。室家靜好調琴瑟，文字推敞結友師。儒士高風尊雅範，壽星彩筆譜新詞。遙瞻極婺雙輝映，桃熟三千歲一期。

露園詞長花甲感懷次韻奉賀

綺麗風光正好遊，千紅萬紫滿囊收。看花固老情斯妙，載酒尋芳興最幽。人在春中誰不樂？心超物外自無憂。放懷山水應同醉，蒼狗自雲任去留。

復韻詞長四七感懷次韻

遍地芳菲景正饒，多君逸致細心描。襟香有份迷三徑，得句無妨醉一瓢。春色滿園情曷已，風騷十足老難消。花神似解詩人意，引蝶勾蜂舞楚腰。

德欽詞長新春試筆次韻（丁未）

試筆渾如試劍煩，鉛刀老我重千鈞。爲隨驥尾三分意，合賦壘頭一段春。不羨黃金堆滿地，却驚白雪積成垠。東風昨夜迎新歲，吹淨塵前半尺塵。

曼谷黎翁詞長六三感咏次韻奉壽！

大智每多貌似頑，神仙遊戲謫人間。尼姑色老心何老？和尚名像實不嫌。
半百歸除初歲算，十三依舊少年還。德高業茂才當雋，把酒樂天展笑顏。

註：吾鄉職業和尚，兒孫滿堂者甚多，四句故云。

復順吟友惠詩次韻奉酬

與君一夕生平話，勝讀十年窗下書。性有投機心契合，詩能妙悟意寬舒。
壯知奮志如飛鶴，老未臨淵亦美魚。千里關情頻寄雁，不從在遠論親疏。

復順吟友四七感懷次韻賀壽

春善耕耘熟望秋，前程奮躍志能酬。高堂厚福叨天眷，大地新生慰客愁。
四七年華工刻鵠，三千世界看吹牛。東風拂面河山秀，皓月當頭舞海鷗。

靈園詞長乙巳生日遣懷次韻奉壽

流年六一起千支，兩鬢霜華野鶴姿。無欲何須嘲貴顯？有才每喜縱狂痴。
賣書益智醫行善，看戲開懷興作詩。熱地久蒸成妙用，老薑味辣性難移。

其二

老薑味辣性難移，眼底風光筆底詩。不向市場觀市僧，却從學府伴書痴。

兒孫債了完心願，松柏歲寒見節姿。此日倘逢身在里？滿園玉樹儘榮支。

乙巳之秋北海龍軒雅集（小引）

此日第一屆泰馬詩人中秋雅集開始在宋卡大會。馬方代表，只有洪欽敬詞長一人而已，余因事未得偕往，是晚會集詩友七位，在林懷龍北海住家宴會，並遊江賞月云云。

會宴龍軒結雅緣，貓丘虎嶼兩相牽。桂舟搖曳心千里，燈火輝煌月一天。

載酒浮江歌赤壁，吟詩戲水慕青蓮。波平海色連秋色，醉共騷人趣盎然！

註：宋海有貓鼠二丘，虎嶼乃板海名嶼。青蓮李白號也。

傳奕生賢契五七生朝感懷次韻答並壽之！

戲劇人生嘆若何？樅花美艷眼前過。石崇食費千金少，司馬家徒四壁多。
墨硯勤耕無納稅，牛衣取暖不操戈。懣情況有詩堪友，當作開懷知足歌。

其二

世重生男七尺軀，今朝寬句紀懸弧。千山萬水乘風客，廿載卅年伏櫪駒。
自昔人嫌貧設帳，此時我悔棄吹竽。倘逢一旦天開眼？華廈高車治百迂。

一 鮑詞長五六生朝書感索和元韻

野鶴閒雲不計秋，一輪明月照當頭。黃粱夢醒繁華逝，白雪吟成素志酬。
跨灶象賢皆遲秀，齊眉燕好合消愁。寶刀況復鋒芒盛，海闊天寬任勝遊。

其二

春回大地快人心！不復西風入戶侵。五六年前蠶食葉，九千日後土生金。
深仇巨耻居然雪，正義繁榮次第尋。海外杞憂無意識，星輝南極且高吟。

其三

令旦今登五六年，是非明辯性難遷。懷虛若谷霜中耐，大志如鵬雲外旋。
得意何妨抬善手，失時未可負艱肩。生逢末世人無骨，只重多金不重賢。

其四

吟詩藏歲祝生辰，腹有文章不怕貧。世味飽嘗知苦澀，俗情應付費艱辛。
譚駟老去雄風在，文藻飛來道誼新。五十成名心見志，論文重義更依仁。

一九六六年丙午第二屆秦馬詩人雅集於宋卡賦此

古說唐皇渡月津，蟾宮攀桂假還真？扶輪有志吾多士，故事無憑費煞人。
文酒二番聯雅誼，水天一色賞佳賓。同遊宋海留鱗爪，寫盡秋光妙入神。

其二

畢竟湖南八月中，秋光不與四時同。冰輪出海仙姬浴，桂酒傾杯筆陣雄。
宋府灘前多勝景，庾樓座上滿騷風。狂瀾欲挽須群力！大漢天聲貫彩虹。

薩桐墓賦二詞長東遠赴二屆中秋雅集元玉

練線自知未入流，巴巴望月滿西樓。實心莫過天開眼，寫意何如客泛舟！
去歲慳從隨驥尾，來人擬不帶驪頭？藝風兩度掀湘海，此屆平分一色秋。

註：薩桐詞長曾指携太太同出席謂之帶驪頭。

陳經綸吟兄於散集以詩送別元韻答之

文藻飛來勝挹儀，旅途折柳感相知。才庸初涉三唐律，德薄奚當一字師。
地遠依然聲可達，情真不計影分離。純青火候生花筆，談吐隨風亦化詩。

勿洞余金鋪詞長惠詩次韻奉和並呈俠等同聚

人比幽蘭味更芬，興詩立禮博三墳。生龍有幸逢知己，事不多求惟愛群。
同趁秋風盡句拙，獨蒙青眼感情殷。久欽八俊才如海，雅集堂中織錦雲。

註：勿洞詩人輩出，素有八俊之稱。

志明詞長生朝感賦次韻奉和

時當盛夏未經秋，熱力昇華富派頭。學易年庚參德業，就詩道味勝珍羞。
人多勢利方交友，子獨清高始結儔。處世無慚應有福，天心不負好藏修。

林孝謙詩謝拜訪次韻

高人卜厦故宮邊，與德爲鄰德更妍。海外相逢魚得水，客中見教耳聞絃。
眼光遠大能風雅，心地善良慕古賢。盛宴味猶香齒頰，瞻韓方悔不提前！

加拿大雷基盤詞長寄懷詩次韻

管他美雨與歐風，一意扶輪四海同。邪正反評心怎服？是非倒置理難融。
分瓜迫迫侵黃鼎，陷足深深傾白宮。卓識高瞻明似鏡，豪懷雅致擬隆中。
註：時美軍攻越正急期以此包圍中國故云。

基盤詞長郵惠草園吟草疊前韻答謝

衡道殊邦悅國風，性靈軼鶴古人同。詞華藻麗宗潘岳，絳帳春深溯馬融。
運筆如流成比賦，登峰獨步寫商宮。世情物理滄桑幻，燦漫珠璣羅卷中。
註：絳帳指其深得令師徐孤風之衣鉢。

泰馬二屆中秋雅集，余偕福源露園二詞長整裝赴會蒙欽敬詞長
設宴紫羅蘭酒家踐行。邀有永謙習庭重丕夏火情龍高標德欽

諸詞長作陪，情味溫馨，島勉有加賦以謝之！

未伴前年赴宋濱，有勞匹馬掌經綸。東裝欲待今秋補，折柳叨蒙異錯陳。群彥贈言行色壯，同儕洗耳聆情真。揚風贊雅多加勉！鶯誼鷗盟四海親。

復順詞長惜別貽詩次韻奉答

國圖之中隱雅人，襟懷瀟灑句清新。前程似錦年方壯，後起居先志可伸。綠竹虛心通大氣，高樓近水迥芳津。甯庸我愧無能德，攻玉他山有國鄰。

德欽詞長赴福建會館宴會招待同宿大山脚香港旅社翌晨偕欽敬返抵途中得句次韻。

本待爲君唱渭城，竟先兩兩早歸程。夜來談健非關醉，晨起知留未了情。船上寫詩嫌客鬧，途中得句使人驚。華文正被全球重，那怕勾消抱不平。

枝翰詞長參加福建會館宴會得便蒞訪返怡後來詩致意次韻

氣爽天清九月初，秋光淡薄降庭除。方欽古道師中表，旋惠玉篋座右書。獻佛借花聯宴席，敬賓折柳送歸車。淺緣未許留三宿，好句飛來若美瑤。

泰南雅集歸來德欽詞長有詩接風次韻

詠月來從湄海頭，清風送爽踏歌遊。縱同台駕聯雙袂，定把秋光載滿舟。

冀共詞壇揚漢粹，何妨佳節賞中秋。多蒙愛注情深厚，肝胆相披日曷休。

丙午之冬合艾水災賦慰諸詩友

山洪爆發雨滂沱，閭市渾成海上波。莫怪街中堪泛棹，便從門口看游鵝。
吉人居處驚無險，霽日開時却自過。水火天災原意外，鏖兵略國又如何？

星馬商聯會向日本追討一九四二年血債次林孝謙詞長韻。

當年地黑又天昏，哭子哀夫幾滅門？集體坑埋槍掃射，分班腹瀉水盈盆。
橫遭檢舉驚魂魄，慘受犧牲難訴言。奉陪民膏稱贖罪，千秋大恨怎能吞？

其二

千秋大恨怎能吞？極惡窮兇伏禍根。圈號共榮謀至毒，民稱同種樹深冤。
可憐累累荒丘骨，盡是青青熱血痕。天眼昭彰何處道，追清此債付公論。

星板日報銀禧紀念一九六四 鶴冠馬賀

元旦

星宿光芒燦筆花，板榔味澀解風邪。日行萬里揚文化，報導千言遍海涯。
銀亮心扉標正義，禧逢禮典實無華。紀元不盡滄桑感！廿五年來第一家。

一九六四年

敬祝全民和平快樂八字鶴頂賀歲

敬賀春禧又拜年，祝詞偉論彙千篇。全終全始舟同濟，民力民心志益堅。
和睦無爭將共盛，平章不祖必多賢。快鞭追上新興國，樂享自由自主權。

一九六四年
元旦 光華日報元旦特刊賦建除體詩爲賀

光明立論握中樞，華教澆微大筆扶。日導文官歸正軌，報傳時事醒迷途。
元元有賴力推進，旦旦無忘智灌輸。特爲新猷徵雅什，刊行專輯壯雄圖。

丙午泰馬中秋集留別二李並在座吟友

宋濱又約樹吟旗，秋色平分總不私。聲起八方驚泰馬，風驅二屆震華夷。
欣從醉月親群彥，喜自扶風展兩眉。一夕歡聯情正澁，驪歌唱罷動離思。

夏火詞長响應星馬商聯會追討血債囑次韻

爭權爭霸結民仇，屠殺活埋遍地愁。縱可探冤留後報？斷難血債付東流。
宛殘蓋世無人道，罪惡滔天滅獄囚。累累荒郊盈白骨，傷心怵目豈干休？

其二

廿年回首恨難消，一息危危不保朝。奉納金鈔民竭髓，死亡鐵路骨盈囂。
輪姦十女無三活，觸怒群情動九霄。罄竹難書論海罪，追償血債不容饒。

洪欽敬詞長勉退體詩二律次韻奉答

拋磚引玉有餘歡！好句披吟勝拜官。倦馬不須多戀棧，勞人敢望再加冠？
交朋只爲求三益，處世惟爭足兩餐。自向才庸無建樹，何如林下守身安。

其二（反慰商場失意）

小試鋒芒舞筆刀，且藏精銳展龍韜。輸君一著身垂老，後我廿年力正豪。
成敗兵家操志勝，賢愚地位達人高。要知天演興亡例！不自圖強受汰淘。

流水五章

噴雪飛珠出壑清，奔馳逐浪自悲鳴。狂瀾既倒憑誰挽？激地難收尙力爭。
船過無痕嗟玩薄，風吹作浪太浮輕。潛流穿石非奇跡，人有恆心自得成。

其二

悠悠不返古猶今，事負落花一片心。點滴瀝洪成汜濫，低窪積患任浮沉。
七軍淹沒關威振，八載疏通禹蹟深。逝者無分清與濁，人間何事苦相侵？

其三

忽而東去忽西流，未見滄溟勢不休。混可摸魚清可飲，高難立足覆難收。
投江屈子忠魂渺，背水韓侯將志酬。逐浪隨波無俠骨，怪它千載不回頭。

其四

灣灣曲曲進盈科，鑽孔穿渠閃電過。撈月有心空費力，濯纓無處覓清波。
洪濤雖洗貪污跡，淺沼猶生脫俗荷。橫望中流何濟事？隔江狂唱大風歌。

其五

鎖日深深嘆不平，有誰念舊表同情。剡舟求劍知愚蠢，擊楫興師鬥死生。
落日沉江餘幻影，乘風攪雨播虛聲。漢高一入終難拔，始悔池魚戲海鯨。

春夏秋冬季分咏（一九六二年）

春雷

一聲霹靂震龍蛇，萬像翻新籠碧紗。水綠於油雲爛漫，風清且暖景芳華。
詩心直與花爭發，酒意還從興更賒。却後河山恢茁壯，昇平四海舞三巴。

註：三巴舞蹈之名。

夏日

暑氣炎炎熱力強，薰風吹面覺身涼。池荷脫萼飄香遠，庭竹參天餘蔭長。
塘上稻波翻綠浪，嶺頭梅雨洒晴陽。榴紅照眼渾如醉，山色湖光映草堂。

秋風

紅葉臨風四散吹，枯蟬別曳感傷悲。長江滾滾翻新浪，古木蕭蕭換舊姿。
賞月秋高神更爽，看花菊瘦韻偏奇。光輝大地無渣滓，錦綉河山展笑眉。

冬景

朔風撼戶客衣單，遊子他鄉感不安。歲序箭如弦上射，人生事作戲中看。
烽煙掠影驚濤險，漂泊行蹤吃飯難。世態如雲多詭計，明爭暗鬥術千般。

梧桐詞長生日感賦次韻奉壽

梧桐蔚蔚閭人多，鳳凰栖遲任唱哦。天賦碩材膺上壽，心存正義致中和。
桂薑愈老辛尤烈，詩酒論交醉不波。紀旦年年如此日，名儒擅賈有誰那？

其二

自古情多累亦多，開襟一笑付吟哦。聰明有日因才誤，愁悶消時把酒和。
過去韶光隨逝水，剩來魄力再興波。雞虫得失渾閒事，覆地翻天在剎那。

欽敬詞長見訪惠詩次韻

戀巢倦鳥卜林居，光降文旌實幸如。客有可人迎倒屣，友而知己步安車。
輔仁每在交談得，益智常由學問餘。村釀椰酬相顧意，孟嘗高比太吹虛。

訪問僑光學校獻贈（建除體）林懷龍校長指正云

林苑絃歌不輟調，懷人心思筆難描。龍門一躍添聲價，校鐸高嚴醒漢僑。
長進恰如經雨筍，指揮若定茁春苗。正風樂育榮桃李，之子杏壇樹遠標。

註：末句之子，作爲此君言。

國際書局五週年詩次韻爲賀

萬卷交流歷五年，東西巫印各齊全。如潮似水丁無白，公買平售價不偏。
權有均衡同一視，職分內外得三銓。常開笑口誠風度，文化推行豈偶然。

一九六三年

臺北張少庵詞長旅泰四十年詩徵和元韻

少壯英豪大志含，乘風世外桃源探。湘江馳騁留鴻爪，炎海縱橫抵掌談。
樂水樂山宜養晦，非僧非道乃居庵。急流勇退眞明哲，一卷成吟萬事諧。

其二

百年晦氣已回陽，莫復當前戰渺茫。否極泰來原正理，陰消霧霽見曙光。
黨同伐異招亡國，沉陸分瓜鬧上場。大柱擎天獅怒吼，威聲震處懾千方。

其三

是仙是隱兩模糊，一卷商風傳世圖。卅載奔波成偉績，半生心血構新居。
才華應許稱三絕，學識眞當富五車。晚景安閒蘭桂茂，芳顏矍鑠壯年軀。

其四

北鯤原可化南溟，淺水河魚莫戲鯨！口若狂嘶聲易咽，心如平論勢難征。
漫將遠景當新景，尤勝前程退後程。飲酒吟詩無限福，逍遙海外且陶情。

光華日報一九六六年元旦紀念

妖蛇過氣馬當權，蓬勃精神著快鞭。立業正隨春暢茂，扶輪有賴筆宣傳。
詞壇逸興聯三友，文運新生共一肩。願見天青烽火淨，無災無難樂年年。

星報日報廿七週年紀念賦賀（馬年）

神駒逸足奮前程，騰達飛黃舉世驚。一紙風行山立論，五洲日麗海澄清。
林林百業開新運，灼灼三陽兆太平。更祝雅人詩筆健！萬花香里囀春鶯。

何約明大國手以詩見贈次韻奉答

朵雲冉冉降茅廬，宋格唐音信不虛。活國醫宗孚衆望，斷輪韻府仰三餘。
天涯老我無成業，詩苑逢君勝讀書。月夕風晨資靈澤，深情足載五噸車。

其二

青春逝水莫追求！却喜清音弦外收。光照山林添爽暖，誼從翰墨契交遊。詩名南國逢何暮？菊傲東籬競在秋。且待過江尋訪戴，相思萬斛付中流。

一九六四年携蘇小真內子遊南馬暨新加坡蒙福源園二詞長

饒宴贈詩壯行次韻奉和

偷閒學得少年遊，一路溫情取次收。聯作管中窺豹尾，豈從國外出風頭。唱隨同賞春光趣，派對平添景色幽。折柳感君珍重意，知吾此外欲何求？

其二

知吾此外欲何求？驪唱句如皓月幽。春色迷離留眼底，友情溫暖記心頭。環球考察行非易，全國觀光願已收。秉約古人多韻事，餘生應作及時遊。

臨別詞長次二葉韻贈遊全馬再依韻謝云

不作新婚蜜月遊，欲期眼福有豐收。莫云羈旅三生幸，已遜騎師一馬頭。井底蛙鳴聲有限，桃源洞遠景偏幽。鵬盟未解其中趣，客路妻陪勝外求。

遊馬星歸來柬二葉宴迎贈詩次韻申謝

奚當送往又迎來？兩次山珍海錯開。麗藻聲清疑樂府，鵬盟意雅記靈台。

輕裝檢點登車去，厚誼收藏滿笑來。小別竟勞多費事，溫情如醉酒千杯。

陸桐岡長再疊二臺前韻詩携妻再遊艾三臺二臺韻戲和

東約携妻再艾遊，教人說福不勝收。過關奉嫂眞威水，出國陪夫實哄頭。溫對相形終現醜，偏差利便好尋幽。來年若得秋風便，三請梨花護駕求。

夏火岡長亦依其韻贈遊四臺前韻答之

旅泰未邀內子遊，東隅既失馬星收。廿年伏檻大山脚，一旦觀光名碼頭。樂得將功而補罪，敢云載美以尋幽？飛來雪片詞多麗，儘說風騷蜜月求。

欽敬岡長護送瓜果依韻贈遊五臺前韻答之

爲開眼界携妻遊，情味偏從翰墨收。送果投瓜裝客面，來鴻去雁足風頭。輕描淡寫偏成趣，紋腦搜腸儘入幽。大馬春光隨處好，拳拳友誼至難求！

乙巳春携蘇小鳳遊馬星名勝

年年春色滿名都，久困生涯偏一隅。往事空談狂士阮，此心最愛美髯蘇。縱遊訪舊携同侶，乘興觀光免獨夫。大馬脫韁千里志，荒山廢澤變康衢。

註：阮，阮籍。蘇，蘇東坡。脫韁指獨立也。

其二

星馬龍車直透來，沿途欣賞萬家燈。夜涼轉覺征衫薄，睡減爲因遊趣增。劫後多年痕宛在，目前遍地業新興。橋稱獨立人如鶴，不見當時碧眼鷹。

註：橋，獨立橋。鷹指英。劫後，日本投降後。

· 途次居鑾順訪靈園令侄葉玉實先生於光霽電鋸廠，適成國萬
尚等亦在廠遊宴

得共諸賢會一堂，他鄉邂逅誼難忘。豪情款客見如故，美酒傾杯興更長。千里相逢推屋愛，三生有幸挹芝光。裁襟剪棟操機紐，旭日東昇業永昌。

一九六四年

遊星途次寄株巴轄訪傅奕生賢契

憶念磨穿鐵硯時，相逢此日解相思。雄心已爲蹉跎減，美夢何曾抱負隨。子比黃花憐太瘦，我添白髮却多姿。世間好戲方開演，珍重餘生老化遲！

吉隆坡遊動物園

爲因訪勝過都城，動物園中玩一程。禽鳥驚心衝檻急，猿猴愛客向人鳴。虎狼兇狠頻翻舌，蛇鼠貪婪在轉睛。生就難馴山野性，冥頑輒欲挺狂橫。

參觀博物院

研今考古爲模猷，格物致知化石求。海嘯陸沉糟粕產，年湮代遠跡源流。
殘磚破瓦含眞諦，淘野成文有本由。過眼瞭然天演義，搜羅萬象此中留。

南亞退休後寄懷諸同事

北瀾河邊暮與朝，一天兩次過浮橋。早工到棧人如蟻，午飯敲鐘客似潮。
船泊江干聲雜遝，車停倉口貨豐饒。十年擾攘尋清靜，數月幽居念友僚。

其二

風風雨雨十年長，相處誰深難尺量。工作繁忙心燥火，茶談溫暖日消霜。
公私了解忠斯職，責任攸關守本崗。伏櫪徒然增馬齒，何如歸養小山莊？

雄雞

一枕渠渠夢正長，忽驚三唱破天荒。朱冠彩羽花公子，靈性驕姿好勝郎。
壯士深宵聞起舞，新聞戒旦喚梳妝。信時仁勇文兼武，五德禽中孰可當？

感咏

逝水韶華去不回，敢期樹老再花開？學潮政海多經過，坐賈行商亦試來。
卅載浮沉應笑拙，半生奔跑自知歎。仁慈幾個成豪富？屠狗錐牛盡將才。

星板日報 元旦暨廿八週年紀念題句

吉羊主歲兆豐年，樂業安居政不偏。文化交流資羅澤，人民團結益精堅。
訪問翔實千金重，言論公平一馬先。廿八風霜存正義，無冠皇帝亦悠然。

光華日報 元旦紀念題句

朝曦初露看東方！復旦祥雲兆吉羊。運轉春風消厲氣，筆伸正義化馨香。
秉公不倚臻國治，補短求精母詭長。世重華文今更烈，驪珠沉海久生光。

一九六八年元宵板城詩友雅集南達別墅李冰人學兄上元感賦四律奉和元玉

南轅北轍履同端，大地風光刮目看。雙手擎天真不易，八絃歸字更云難。
春雷震耳驚迷夢，皎月輝空湧浩瀾。破碎山河今茁壯，全憑一顆返魂丹。

其二

眺望麻河瀾瀾迢，燈光帆影景殊饒。鶯鳴北苑生清韻，月滿南天漲雅潮。
物價苦從春水漲，心情怯逐馬蹄驕。隨人也唱昇平調，斗酒猶枚闌一宵。

其三

不因順逆論榮哀，時至千紅萬紫回。人意已隨新月美，客心莫爲故園灰。
廿年聚訓烏雲散，一夕傾談白鶴來。誰謂中流無砥柱？驚天動地崛雄才。

其四

馬南馬北契鷗群，吐玉飛珠雪片紛。數載同窗欽異稟，七年集雅過清芬。男兒四海爲家志，烽火三邦燃寇氛。際此良辰宜共醉！板江儘有孟嘗君。

公元一九六七年丁未泰馬詩人中秋雅集（有序）

中秋佳節，余與陳君重丕聯合主辦第三屆泰馬詩人雅集於大馬之板城丹絨武雅怡園酒家。效前賢文酒聯歡，咸今秋賞月韻事。天心作美，銀漢無波，清風拂座，大地光輝。迎佳賓之蒞止，邀鬪友以偕來。樽浮綠蠟，園滿秋光，庾子格調風流，登樓作賦，袁安襟期瀟灑，幽渚放歌。同梯雲而取月，看桂子之飄香，碧空無滓，玉兔在天。酒未過乎三巡，詩先成於七步，況乎人生碌碌，爲歡幾何？感雙鬢之易白，爭一夕之幽閒，神交至友席上欣逢！傾數年之積愆，解萬斛之相思，杯中談笑，月下吟詩，樂何如之！

是夕也，酒滿金樽，客盡東南之美，報發專刊。

類皆風雅之什，筆花生彩。更具扶輪之作。詩以代東，盍興乎來！興歌載酒一輪清，秋色平分逸趣生。二屆吟旗飄宋海，此番醉月轉板城。

敬邀文彥資攻錯！共結詩鴈話至情。韻事當前因作賦，殷殷寄意代嚶鳴！

板江第三屆泰馬詩人中秋雅集完滿賦謝詩友

韻事今宵不等閒，已開騷史見新顏。月球縱使能征服？兔魄依然照往還。
只爲心靈尋寄託，非因腦力太痴頑。詩風吹遍東南海，始信群情可拔山。

其二

火箭爭先入太空，後來居上可能中？今秋賞月皆英俊，他日凌霄屬漢雄。
美景催詩眉吐采，清光映酒筆生風。萬流匯海聲何壯！耿耿銀河已在東。

薩桐調長在丙午年遊大山脚推動板江雅集，大山脚福建會館諸同道設宴歡迎賦詩次韻。

相思久積苦難形，一醉何妨十日醒？座上幾多頭未白？客中尙幸眼垂青。
雅風化雨流穿石，牽竹爲籬固補釘。拍岸濤聲鷗振翮，氣冲牛斗躍鯤鯨。

板城諸鷗盟設酒於上海飯店歡迎薩桐調長，余爲陪賓之一、次其韻別元玉。

萬壑成川匯大溟，造船名匠不憚釘。情深潭水湛湛碧，身立松陰綠綠青。
樹巖扶風相島勉，吟秋集雅互催醒。興波待看群龍舞，浩蕩詩聲好繪形。

註：此次已決定作者重不爲三屈火炬接受人。

黎翁詞長惠詩嫌我赴雅集時不搭新車次韻

縣名久已暗欽嘉，二屈中秋會宋涯。雅士不曾騎巨象，孤家何敢搭新車？
明槍未見威風凜，墨市應嫌艷福賒。豪飲豪吟談亦健，唾珠落地發香葩。

註：新車喻小老婆。

太平蔡智園詞長與梅連科君惠詩奉和元玉

胆肝相照禮無拘，客至茶壺當酒壺。翰墨論交非謂淺，煙霞嘯傲任稱孤。
黃梁夢醒千般幻，金谷豪華一擲塗。竹自圓通梅雅淡，兩君名氣豈能沽。

其二（反韻）

行吟山下酒堪沽，好句拈來信手塗。纖柳雙鶯才並茂，伴梅獨鶴德非孤。
投機言可銘金石，脫俗心如浸玉壺。待聽秋風消息至，一聲霹靂不虛拘。

王鳳翔先生盤谷隱吟事落成徵詩元玉

詩人老去隱吟亭，無限春光映眼青。樂水樂山才倚馬，難兄難弟智多星。
怡情盤谷繁華遠，寄傲淨窗晚節馨。鳳閣新成堪引鶴，烹泉煮月誦黃庭。

註：鳳翔爲王誠令堂兄故稱二難。

復顧詞長惠詩見懷次韻奉答

果然海外存知己，兩地相思一樣心。平日聞君騷興勃，老年笑我劣根深。
桃潭情見詩傳意，蘭譜香憑竹報音。出谷鳴鶯初試柳，聲如流水賴堪尋。

日本在吉隆坡開博覽會，遂拆華文字招涉及侮辱。全馬華人發出抗議詩以支持之。

華人文字世同欽！蔑視當前謀有陰。擅把商招塗且拆，妄施野性侮相侵。
舊仇未洗卅年血，新恨怎消萬衆心！大馬三民尊憲法，一團和氣看而今！

駱九齡詞長大廈落成有詩遣興次韻以賀

水色山光愛此城，市尊既遠厦堪營。得閒日涉園中趣，濟急時匡意外情。
十載煉丹精鐵打，卅年立業快人生。榴村主似綢川主，任俠能詩薄利名。

註：駱君精醫，接骨任俠好義。

韋督白成根邀宴怡保隨園酒家賦謝（有引）

余偕蔭桐，永謙，冰人，嘯川，成志諸同道由檳城來怡推動第四屆蔡馬詩
人中秋雅集事宜。蒙成根詞長約同怡保諸詩友王光國等詞長作陪，筵開二席，
熱情洋溢，談笑風生，席中決定四屆由白成根麥煥華爲盟主。
1968年於怡保舉辦。

滿座騷風溢酒卮，宴來舊雨並新知。嫦娥垂愛巴羅日，桂子飄香怡保時。
大轟高張任門額，中秋雅集正真師。隨園把盞成前奏，待看群龍舞百姿。

其二

吾道南行共濟舟，敲冰煮月看今秋。山涵靈運鍾閩秀，筆吐鋒芒斷海流。
群力齊心驚泰馬！片言斬鐵振猿鷗。元龍豪氣聲名重，更上扶風萬丈樓。

註：怡保甚多女詩友第三句故云。

合艾會德華詞長見訪遊振名勝詩次韻。

曠達襟懷正義綱，道同千里賦摩肩。曾家有筆常稱勁，釋氏無經不算虔。
四海行商應快意，一心訪友亦多緣。名山勝景靈機動，信手拈來又幾篇？

王光國詞長中秋受賜PPM銜感賦，次韻以賀！

大賢在野謝侯門，璞玉含光利不昏。半世清高能守法，十年功績見追恩。
詩人愛國非今始，雅士修身重古言。意不求勳勳便得，幾回喜鵲報相奔。

四屆怡保主辦泰馬中秋雅集

王光國詞長同慶紀念章詩以賀之！
洪祿寬

人同桂子共飄香，雅集座添兩誥章。爲善孜孜應得報，有勳赫赫豈能忘？
序庠鄉飲尊耆宿，民族團和仗闡揚。野不遺賢行德政，萬邦悅服國隆昌！

註：鄉飲，清朝有鄉飲賓之封銜。

戊申第四屆怡保主辦泰馬中秋雅集詩以誌之

八面驅風匝地吹，怡城集雅具多姿。雲橫半壁情稱異，月蝕中秋景更奇！
莫道耕耘空費力，却從文酒奠初基。群鷗富有磨針志，鸚鵡華魂自可期！

四屆中秋散席惜別諸同道！

緣牽月姐會群英，把酒聯歡不計觥。漫仿蘇公歌水調，也如歐子賦秋聲。
滿堂濟濟揚風雅，竟夕怡怡契摯情。臨別與君重有約，來年合艾續詩盟。

美國人捷足先登月球有咏

若試廿年一得通，耗財拼命入眞空。探來溷野無生物，携返礁岩有赫功。
難覓素娥嫌俗骨，未容狂漢到仙宮。凡凡只此清源地，不許烽煙滲透中。

己酉一九六十九年

五屆泰馬詩人中秋雅集於合艾鳴鳳亭次韻

一年一度集名流，約東遙領到馬州。情厚主人三致意，酒邀明月五中秋。
鳳亭以此添風雅，韻海無邊樹壯猷。自信狂瀾終可挽，揚清激濁細心籌。

黃曉香詞長造訪草廬不遇，有失迎送賦此道歉！

不愛天香愛晚香，高風勁節傲秋霜。移樽莫語惟留刺，屈駕慳迎反賞光。
未及椰陰浮竹葉，便從板水隔參商。煙雲百變皆經眼，剩有詩心待共揚。

宵感次葉蒼齋詞長元玉

且欣大器晚來成，休問人間冷暖情！立德立言恢正統，兼儒兼賈播天聲。
夜深體力先珍重，根淺藝林仗墨耕。社會公平爭共取！厥功百世列銘旌。

薩桐詞長洗澡滑拆大腰橫杖助行有咏杖詩自嘲囑余戲和其韻

花甲初週懶杖鄉，而今非杖不昇堂。保身勝似通天戟，在手輕於來福槍。
打狗助威無後顧，扶輪得力向前方。聲吟擊節如揮塵，安步當車意味長。

晚香詞長生朝感賦次韻奉賀

豪吟把酒樂朝朝，任是深愁醉亦消。六十風光如幻影，三千桃李沐春潮。
雅懷爽朗於今見，晚節芳馨自不寥。蘭桂一門欣郁郁！丹山新鳳正翺翹。

其二

喜逢令旦祝三多，譜奏齊眉樂綵歌。異曲同工雙璧合，逸才共仰一詩哦。
江山已見新生力，烽火無虞舊障魔。同掃滄風人有責，黃忠老尚不蹉跎。

註：黃太在加央另設牙科醫院三句故云耳。

章督白成根母難感懷奉和元玉

風雅商人見幾家？聯鸞作主筆生花。不因窮達分身勢，猶戀尊罍動齒牙。
卅載勳名昭社稷，滿懷道義遠奸邪。華堂獻瑞萊衣舞，極婺雙輝煥彩霞。

註：白詞長母難詩尙有絕句三首列于絕詩額內。

翁友行詩友聯合六後起畫家展覽誌盛

胸羅萬象筆生花，顧綠倪黃羨六家。海嶠蓬蓬呈異彩，藝林郁郁茁新芽。
揮丹潑墨成觀止，入眼含詩引興餘。信是地靈鍾秀氣，天才輩出應無誇！

一九七〇年四月喜臨門東宴北馬詩友十餘位賦詩謝之！

屠龍烹鳳喜臨門，盛意拳拳具雅樽。昔日人誇金谷苑，今宵客醉杏花村。
白衣送酒豐姿綽，黃絹題詩鱗爪存。食譜精湛宜漢粹，華筵會友感情溫。

泰國柯叻害屬公會新會所落成囑題

梯航拓業寄萍蹤，梓誼攸關互敬恭。群力團圓山可拔，萬流滾滾海能容。
聿觀館宇恢新構，聯繫鄉情續舊宗。源溯一家文物盛，天南結社日登峰。

太平蔡智園詞長有詩見懷次韻奉答

春花秋月度如儀，眼底滄桑漫費思。壯志已隨駒過隙，豪情未減鬢成絲。
寧從半飽安雞口，不逐輕狂隨柳枝。難得中郎存雅誼，殷殷遙惠一章詩。

註：中郎即蔡中郎指智圓。

周植森（子善）寄示其令尊翁大作囑和韻

學有淵源父亦師，趨庭少小便教詩。崢嶸頭角恢先緒，際會風雲羨此時！
樂得天倫諧韻趣，喜從國友契吟痴。一章遙寄金聲句，驚動堂中客斗棋。

植森（子善）吟友賦贈五詩友用乃父韻各一章見示索和統次

元玉一律以應云

人情溫郁友兼師，海客談瀛重寄詩。各展宏圖分異地，相資麗澤想當時。
繁華過眼皆成幻，道義披肝難買痴。值此天心方憤憤，看誰攘臂挽殘棋。

蘇坡同益酒廠董事經理黃超文詞長轉贈輔仁學社桃源二隱詞
及葵園詞各一本賦以謝之！

中秋座上搗芝顏，渴慕之緣未算慳。衛道風懷才景仰，輔仁詞藻竟先頒。
鏗鏘逸响清於玉，切切真情重比山。名士百篇成斗酒，多君志在杜康間。

復順詞長四七感懷元玉

春有耕耘望有收！前程奮翮志能酬。高堂厚福叨天眷，故國新生慰客愁。
四七年華工刻鵠，三千世界看吹牛。風雲掃淨天清明，旭日東昇見海鷗。

菲律賓南薰吟社廿週年紀念賦賀

天聲共振濟和衷，拓殖詞壇綠化工。海嶠寧寧資結社，文心郁郁蔚成風。
十方世界滄桑變，廿載吾岑磐石中。奕代儒林稽韻史，一縑一字碧紗籠。

王誠詞長重陽曼谷雅集詩次韻

紙貴而今話洛陽，一樽菊酒約同嘗。登高韻事成風氣，執筆心情異日常。
旅邸無聊吟海表，夜談有趣笑天方。淵公水本瀾滄水，不絕新潮逐浪花。

智圓詞長春日寄懷次韻奉答

吐屬生珠曼滾舒，夜來閃爍拱珍如。寄懷君唱湖濱苑，守拙我安山下廬。
春若開花秋有實，胸能成竹筆無虛。多聞益友詩中得，頗送香風入韻書。

註：湖濱即太平湖之邊。

其二

千紅萬紫一齊舒，滿眼風光畫不如。益信東園春有脚，莫愁南畝綠無廬。
後山勢聳前山秀，正氣聲高邪氣虛。願見天心隨處轉！清平四海罷兵書。

其三

得一知音百慮舒，嘈雜有癖兩相如。春蘭送郁來幽谷，皓月光光照草廬。
句仿古人應笑拙，名爭今世總成虛。何當重剪湖邊燭？勝讀敦煌石室書。

註：湖邊指太平湖之邊。

哥打峇汝歐卓彬詞長惠詩次韻奉和

麗句如珠照眼瑩，才華三絕果無京。飲冰室本騷人室，安樂城眞雅士城。
隨衆盟鷗情淺陋，與君結友感光榮。神交四載慳謀面，一片葵心向日傾。

曼谷第六屆中秋雅集是樂園紀盛

浮樓映月泛湖光，雅士良宵共存觴。銀漢橫空秋正好，虹橋代步興偏長。
新知舊友盟鷗誼，低唱高吟繞虎章。悅耳笙歌雙窈窕，天聲人籟並悠揚。

註：是樂園建于湖水中如浮舟以彩虹橋通之。

鄭慶龍（浩千）青年畫家板城畫展賦此壯之！

揮酒雄渾筆一枝，寒梅綠竹素蘭姿。禽魚栩栩饒生趣，山水悠悠入妙詩。
數載摩研登藝苑，獨家畫展脫囊雉。新苗崛起春天笋，益信板江地脈奇。

板城蔡明時相士觀電影咏史二律索和次韻

① 隋堤柳

觀瓊燭帝下揚州，畫舫運河騁意遊。柳拂沿堤春有脚，鶯飛逐絮月臨樓。
荒落亘古無倫比，遺恨於今尚未休。誤國殃民何足論？逆天弑父使人愁！

② 塞江關

塞外行兵夏亦寒，忠心如日又如丹。娘軍三請成佳話，虎將千征報赤肝。
莫道稱官非正史，何妨電影當真看。封侯慢羨麒麟閣，功罪從來論蓋棺。

註：娘軍指擊梨花，虎將指蔣丁山。

合艾李其仁詞長花甲晉一書懷次韻壽之

仁人壽共鶴爭秋，頤養天年志必酬。節操堅貞堪種柏，胸懷豪放好行舟。
詩心別有忘機趣，筆陣寧無拔萃儔？花甲新籌添海屋，蘭階文采繼風流。

其二

爲重親恩設壽筵，春暉報答寸心虔。奉行孝道承先志，廣約騷朋契夙緣。
戲綵遙知兒克肖，工詩已見父能賢。星輝群獻南山頌，科學昌明無老年。

曼谷張選青詞長六一自期次韻以壽

干支六十一週期，業立功成下董帷。術擅計然揮素抱，筆工張籍契相知。

此身健壯金難買，滿腹珠璣俗可醫。不羨腰纏千萬貫，玲瓏八面見於詩。

其二

且從海外隱詩仙，西水東流勢必然。翰墨聯鴻宏漢粹，義方教子勝金錢。士逢亂世惟存節，人到花週總解禪。盤谷優遊雲里鶴，閒邀羅客煮清泉。

雲天棹吟友爲祝令尊八秩令慈八一雙壽詩次韻

百行之先重孝親，徵詩置酒祝生辰。松陰廣庇枝多茂，菽水承歡志不貧。四代同堂綿後福，雙輝兩宿話前塵。子能強父家風盛，郁郁乎文萬象春。

怡保洪祿寬

詞長八秩雙壽徵詩，元玉爲壽

雨雨風風閃電過，大賢避世總蹉跎。樂觀應是胸懷闊，壽考皆從善積多。友有投機相對飲，心無介蒂好高歌。詞壇我亦隨鴈陣，句不驚人奈拙何！

其二

木公金母愛情真，如鍊如鵲慶壽辰。繞膝兒孫皆俊士，介眉嬰鍊是詩人。身爲華胥風沿舊，族處多元俗尙新。野鶴忘機天地久，利名到眼化浮塵。

其三（自韻一律賀壽）

富貴非難長壽難，八旬幾見唱隨歡？胸懷磊落能容士，氣節清高不羨官。

三祝華封添海屋，一堂佳客盡儒冠。期頤待約蟠桃會，極婺雙輝更壯觀。

合艾祥華行東主曾德華詞長令長郎結婚賦賀

克家長子小登科，喜得而翁笑口呵！跨鳳探花揮彩筆，乘龍蜜月築新窠。
時從巖座敲清韻，日助商行理亂波。十載義方今勵志，成針鐵杆不虛磨。

習庭大夫柬詩誦多獎飾元玉奉答

每向諮詢仗指陳，拋磚引玉此其因。功非助力難求克，責既担肩合認真。
現正串珠忙碌碌，免教付梓誤顛顛。同盟若問今秋事？爲道山城月色新。

註：習老來詩讀我作事認真故三屆雅集得到非常成功，答以成功在衆人
助力，非止自己認真。山城指怡保。串珠指我正在整編三屆詩友大作以
赴四屆怡保雅集時分發。

李拔初詞長七三生日述懷次韻壽云

天心憤憤此其時，得失何須累苦思？仁者期頤方展望，齡稀矍鑠可矜持。
靜觀好戲才開演，長養精神永弗疲。湖海交遊君健筆，風情文物一囊詩。

其二

老樹風霜閱歷深，七三歲月幾晴陰？身經鍛鍊金剛骨，文結因緣翰墨林。
自是敬求知好古，還從麗澤學通今。星輝南極尊鳩杖，有似葵花捧日心。

菲律賓鄭鴻善詞長伉儷旅遊經板諸詩友宴迎喜臨門酒家，貽詩言謝！次韻奉答。

文星照遍海城隈，一席清談茅塞開。正把逸才推賈島，還疑仙眷降瑤臺。
令名早已心衷印，美酒今從客座陪。御李有緣嫌太促，秋光同賞莫遲來！

丁未小春參觀泰水灯節聽謝諸詩友

小春十五月輪昇，適值湄南放水燈。景色繽紛光閃閃，人潮澎湃氣騰騰。
環肥燕瘦皆詩意，火樹銀花上畫楹。選美風行迷你服，皮猴袍笏亦矚矜。

其二

北鷺南鷗一樣親，相逢萍水見情真。興濃轉覺杯猶淺，德飽方知意足珍。
調味老薑通脈絡，扶元少女發溫辛。商餘互約聯佳句，莫惜良箴惠遠人。

板城藝協詩組乙卯新春雅集之咏

運啓三陽景物妍，迎春集雅續前緣。酒逢盛日觴如海，詩在狂時石作箋。

虎去豈徒無晦氣，免來還望有豐年！同歌擊壤平通服，安定民生食佔先。

註：擊壤，在田里工作。通服，即通貨膨脹也。

其二

春光明明會人文，筆陣團團煥彩雲。結社盟鷗聯一致，傾杯斗句動三軍。
名山勝水皆資料，古雅新潮富氣氛。韻事年年須記取！千紅萬紫再逢君。

嚴子美詞長七六感懷次韻爲壽

輪盤論交興致漫，寶刀未老保全完。七句松柏風中勁，兩字功名壁上觀。
克已待人人必壽，處心積慮處能安。同揮健筆揚詩教，綠化南洲雨後看。

己酉中秋泰馬詩人雅集合艾鳴鳳亭即景

可鳳湖中敞一亭，小橋直達掛宮燈。朱欄倒影游魚樂，明月在天照眼醒。
磅礴詩風聲起籟，氤氳桂味酒添馨。精歌妙舞來鶯燕，秋色秋光助性靈。

呈鳴鳳亭雅集盟主二李暨座上諸詩友

千里聯歌合艾行，主人愛客富溫情。秋光正合亭中賞，好句偏從醉後成。
舊誼新知融水乳，涼風皓月錯薜蘿。五年韻事今宵最，喚醒黃魂四海驚！

大山脚陳六林青年畫家在日新校友會舉行畫展東邀參觀賦此助

製。

濟濟菁莪蔚藝林，乾坤萬象意中尋。便從松柏存風骨，莫負芝蘭抱素心！
業有師傳工更奧，才非天縱技何深！東西合璧添奇彩，爐火純青百煉金。

第三屆泰馬中秋雅集板江。詩友詩輯行將編竣，徵求詩友中

英地址，以便編入通訊錄！

瀟瀟馬鷺各迢迢，青鳥欲從何處邀？爪印有痕留雅卷，魚書無處落洪喬！
關山縱隔蓬萊路？地址爲通翰苑橋。千里詩心牽友誼，不難一射獲雙鵰！

春節夢花室主酒宴羣儔二次席上聯吟之韻

元宵斗韻憶當時，不禁金吾驛所思。花又室前迎客笑，我惟山下隔江窺。
一堂四傑情何逸？滿眼連珠韻有姿。直把春光多佔盡。遲來欲作更無詩。

註：另一分咏絕句次韻列入絕詩中。

事和泰馬詩人五屆中秋雅集邀柬韻之二

瘴氣蠻煙不見天，今秋握管意難宣。漫誇探月沽名早，來看摘星擡足先。
結社每多邀雅士，扶輪且共翳華箋。鳳鳴曼引清平調，聲振乾坤撼百川。

遊艾歸來東吟友復願贈詩次韻奉答

株守大山疏益友，身如入定一孤僧。爲聯舊誼傾衷曲，乃藉良宵賞水燈。
解我相思愁萬斛，輸君連飲酒三升。珠璣遠惠風生燭，此後交情與日增。

惜花園主惜花事十律徵和如數奉酬

滿園春色漫榮枝，艷福羨君獨力支。老尙風流徵壽永，品多高貴吐香遲。
百端珍惜無他顧，一意溫存未肯離。信是前生情種子，不然何以恁般痴？

其二

艷事輸君有興頭，年來綺夢漸悠悠。惜花古自成先例，築圃今看拓舊溝。
種選十畦皆上品，箋傳四海衆名流。俱紅倚翠香盈袖，鎮日逡巡解百愁。

其三

園中日涉快清居，御苑上林總不如。斗艷爭妍迷老眼，消閒適趣讀新書。
炎荒四季春無限，花國長年樂有餘。誰道桃源津莫問？寧寧此地乃吾廬。

其四

花花絮絮眼前開，未識人情認屢苔。得意園中車馬擠，失時門外垢塵堆。
四郎逸興深難測！三徑幽香秘費猜！行樂公諸風雅士，荷鋤拓殖遠邊來。

註：四郎卽南天四郎也，惜花園主之別號。

其五

護花韻事果然饒，句比芳姿百倍嬌。竟日繁鈴聲警警，因風引蝶舞飄飄。
千紅萬紫開心賞，一筆十章信手描。名士多情誰了解？輒生詩債總難消。

其六

愛花成癖雅無傷，除暴扶傾孰比強？莫看群芳知己少，應憐園主寄情長。
狂蜂肆虐心非善，蛺蝶偷香意豈良？濁世而今誰正義？高擎大手拯蒼蒼。

其七

幽香嬈嬈沁詩胸，讀罷芳肅若見容。幾度上床眠不得，兩番執筆寫無從。
枯腸眞箇搜千遍，好句難於上九重。報道藏園多雅趣，方知機會未常逢。

其八

殘紅剩蕊不須珍，落落開開又一新。代謝循環何戚戚！古今復始亦親親。
憐香惜玉原如戲，重義扶輪是正人。王道式微行霸道，廣推博愛最艱辛。

其九

園中群卉趁春生，萬象翻新誰不迎？解語風前憑意會，怡情月下發心聲。
拈來妙句忙三夜，開遍名花冠一城。肯許同遊眞善美，芳菲遠播見推誠。

其十

花花世界此其時，困守廬中兩鬢絲。豪氣如虹君鋤圃，末才畫虎我磨詩。漫遊勝景陪騷客，莫鑽深宮若帝姬。餘興蘭珊猶有勁，何妨與子結雙痴？

訪艾時輩桐子復順慕清國琦其仁諸詞長邀遊宋卡名勝許慕清

惠詩次韻奉答

重來宋卡眺名丘，環海風光取次收。蝦蟇蟹肥邀客醉，景幽地勝解心愁。摩肩拍影登碑畔，遣興觀潮坐石頭。水打浪花衣噴雪，身如斜倚白雲樓。

合艾有薩達東主鄭國琦來訪貽詩次韻奉答

爐火純青一字勤，幾多僑商可如君？不矜大賈輕財富，却喜虛心結黨群。宋海曾同觀皓月，柃江今幸降祥雲。莫忘東上中秋約！把酒怡園會韻文。

泰馬詩人六屆中秋雅集曼谷邀東次韻

四季之中獨愛秋，六年拓殖綠南洲。移山有志推愚叟，逝水無情不慕侯。桂子飄來香氣爽，詩風掃去俗塵憂。今宵朱履三千盛，萬頃波光一色收。

王誠詞長惠贈大著王誠吟草次花朝遣興韻謝之

文采風流煥六朝，胸多丘壑不矜驕。既瞻麗藻三生幸，如入名山萬寶饒。

秋月春花任意寫，人情景物細心描。扶輪至重雕龍筆，上國精華未許消！

印尼張直端詞長伉儷金婚暨六九雙壽賦賀

喜氣隨風渡海吹，連珠串玉慶金禧。畫眉領事傳家筆，逸足名駒跨灶兒。五十年前花燭夜，三秋菊里壽筵時。星輝極婺春長駐，杖國優遊福履綏。

註：詞長祖上有畫眉佳話第三句故云。

梁圭堂詞長身體康復次孫少卿詞長元玉賦慰

圓圓之中一棟樑，雄才大志尺蠖量。奔波過度疲精力，飲食無時碍肚腸。月晦重光花吐艷，身康脫縛運開昌。吉人自有天綏福，何待君平卜細詳？

泰馬七屆詩人中秋板城雅集

許平等先生
竹庵法師主

盟東詩元玉

幾曾登月見豐收？萬死携回兩石頭。擲盡資金民不景，轟成焦土草難稠。

板城一片清源地，墨客三千賞賞秋。杯莫停傾尋妙句！匡時有筆盡豪優。

註：時適美機狂炸越南，又阿波羅登月起句至四句故云。

其二

千秋吾道見南移，酒熟詩成不假思。座上文光凌北斗，杯中兔影化西施。

每逢劈餅觀禱日，便是傳箋集雅時。欲振天聲同奮筆，月圓人壽景相宜。

其三

奮筆耕耘大有收，八方豪氣展眉頭。文心郁郁生風韻，桂影清清迥露稠。座响笙歌城不夜，杯浮菊酒節中秋。年年好景君須記！月照板江分外優。

其四

西方靡化正東移，道德而今漫費思。語重心長好共挽，詩風法雨合兼施。良宵醉月呈多采，雅士扶輪勝一時。秋色秋光無限好，高吟淺酌適其宜。

泰馬八屆詩人中秋雅集泰國春府和盟主吳君環韻

吳剛執斧洞天門，伐桂邀驛具雅樽。時炬八傳候墜緒，秋光萬里照吟魂。素娥笑舞廣寒殿，墨客狂歌春武園。最是此中多勝景，靈機一觸句掄元。

其二

八年泰馬契鵲緣，海外共扶風一肩。世自革新將俗變，月仍依舊對人圓。傳箋寄柬情殊厚，把酒觀詩句更妍。烽火隔江今正熾，憑誰白紙告青天？

註：除外並將二韻綴成頌文體一律並呈（列于頌文詩內）。

陳光師金石書畫家在板城舉辦展覽誌盛

遊遍東南挾技行，風流個儼術多精。奇山勝水開心竅，刻石敲金信手成。
筆具神工臻化境，人稱才子正含英。巧從藝海翻新浪，如錦前程看後生。

奉朝議集（藝協詩組課題）

一年草草又新春，兩字平安不理貧。大地逢時開笑臉，群鸛會友賞芳辰。
催詩藉酒多豪氣，叙誼當筵倍爽神。律啓龍庚風雨順，政清稅簡自豐民。

其二

爭鳴百鳥慶芳朝，美景當前筆信描。運轉鴻鈞花正艷，杯浮雅誼興偏饒。
盛衰家國關文化，得失事功重指標。予挈子耕春日計，藝林蒼翠蔚新苗。

上元應約會譚丹絨武雅南連別墅

良辰過海闌元宵，南達樓中意義饒。一雨開春宏酒量，三更待月湧詩潮。
山頭霧霽清清現，海面星浮點點搖。玉兔銀燈光不夜，衣香鬢影各爭嬌。

次韻自牧上元感賦四律（一九七三）

燈月交輝萬景陳，方家吐囀醉中真。眼青楊柳絲飄絮，才捷鸞鵲句出塵。
翰墨結緣兄若弟，笠車傾蓋主猶賓。大千一色光同照，到處荆蕪化綠茵。

其二

元宵同賞願無違，和煦春風播郁菲。句得花前香覺爽，杯傾月下興逾飛。
墨緣友誼相資樂，燈影人潮共煥輝。島上鶯聲傳逸韻，漫山遍谷响清微。

其三

花落花開早或遲，聽天由命我何知？春詞愧寫生財句，韻事偏多待月時。
寬景興懷情易已，撫今追昔感如斯。行年七十平庸過，贏得蒼蒼兩鬢絲！

其四

邀月江干會雅筵，繞過細雨轉涼天。華燈放艷天開霽，皓魄當空士劈箋。
醉解千愁忘作客，興歌一曲樂如仙。爲揚漢粹張文酒，漫引詩潮匯八弦。

南洲詩社創立于癸丑三三觀集賦賀

吟旗今見樹南洲，扛鼎人才儘一流。杯泛麻河廣曲水，社成蘭渚集騷鵠。
雖逢韻事飛箋約，別出心裁續禊修。爲倡詩風恢道統，如珠似玉滿囊投。

鄭淵聲詞長七五嵩壽次韻奉祝

爲買爲儒竹在胸，履痕海國印鵝蹤。體康福比旗山峻，玉振聲如泗水淙。
強父有兒家業裕，潔身不苟利名慵。無懷自得長生術，七五初登百歲峰。

其二

春秋幾許問龜齡，稀五龍庚耀極星。詩酒邀朋娛歲月，兒孫繞膝蔚蒼青。
身經末世深三昧，足履堅冰跨八溟。逐鹿競爭何日了？繁華到底等浮萍。

六慶龍庚諸友座上聯吟多章爲賀次第四章元玉言謝

光降群星寵有餘，溫情勝似日昇初。未因身老扶鳩杖，却喜山深逐客車！
德薄敢期頤歲壽？興濃同覓雅懷舒。樽前引得珠璣滿，一一籠紗慰索居。

籌振藝協建館基金展出已故西畫家郭若萍先生遺作賦此助陣

建館羅才衆志擎，學無定所業難精。聚砂築塔功能克，群力移山事必成。
藝展稀珍揚故粹，歎籌公益佈先聲。郭君心血昇華物，化作樹人萬世名。

劉可彬吟友行將結婚「佳期近」元玉奉賀

亦憐亦愛眼傳情，一見傾心比翼鳴。聯句拈來諧鳳譜，佳期已近報鸞聲。
椿萱並茂家風振，才學兼優曙色明。如玉仙嬌天作合，良緣應是註前生。

其二

臉頰頻頻印口脂，可憫可點見多姿。香風沁鼻聞如麝，喜氣揚眉賦此詩。
號福修成心重孝，愛情篤處意生痴。良宵欲共酣春夢，吩咐晨雞唱要遲。

永謙詞長令長郎禮政學士新婚誌慶

治美陶歐數理通，芸窗十載博西東。吹簫引鳳傳佳話，掛角成龍誓苦工。
教以義方知愛子，債來夙願作新翁。溫情款客杯杯勝，喜溢眉梢不語中！

雲天樓吟友令五郎永榮學士與洪英如小姐結婚誌喜

池搖蓮綺舞鴛鴦，詠福修來美五郎。學士美人聯一眷，閨音琤曲唱雙簧。
海清堂後峯巒秀，懷遠齋中蘭桂香。喜見而翁眉煥彩，奚囊滿滿有詩章。

葵丑端陽詩人節山城詩社雅集吡叻洞代柬次韻

共抒吟懷藉酒邊，山城吊屈況空前。群奸媚主瀾難挽，孤憤維心夢不圓。
傲骨湘江殉國策，招魂名洞斗詩篇。生逢亂世才何用？剩有離騷萬古宣。

甲寅春節詩友團拜誦集和晚香詞長元玉

賀歲團圓興趣生，南歌北曲起同鳴。吟哦奚若今宵樂，工拙留將後世評。
欲護華魂恢正統，還期風雅輻新兵！春潮引共詩潮發，豪放情懷重友盟。

奉和鄭志明詞長新春試筆元玉

友情珍舊物珍新，對酒敲詩妙入神。運啓三陽應有句，筆經一試已無塵。
吟懷朗共花爭艷，醉意酣餘面滿春。矢志多君甘淡泊，青松耐得歲寒身。

梁心堂詞長大著「也是詞」通欄題句

妙人妙句口皆碑，暢所欲言成一師。短步規行難聘意，輕描淡寫正趨時。
嘔來心血千秋業，唾出珠璣七采姿。異代藝林驚傑作！空前文革更推誰？

張英傑詩友行將結婚以催妝四律索和元韻

嗚嗚汽笛迎親車，魚貫飛馳不覺除。客擁堂前心正急，汗流額上扇輕遮。
三年愛戀情殊篤，一刻耽延意更嘉！盼附件娘休費事，淡妝橫雅適方家。

其二

月里嫦娥愛少年，古今佳話總成千。催妝賦就鴛鴦句，摘桂花開蛺蝶緣。
蓮步嬌嬌行且止，秋波閃閃見猶憐。團圓序應清光夜，天上人間共比娟。

其三

登科鐘鼓動星辰，簇擁天孫婀娜新。眼角窺人人更倩，詩中回味味多醇。
禮於隆處方知妙，情在痴時倍見親。熱火乾柴盟久締，洞房豈復認前身？

其四

桂花吐腹近中秋，羅帳宵深月滿樓。我我卿卿心戒旦，嬌嬌滴滴臉含羞。
乾坤俯仰雙飛宿，翰墨推敲共激流。不羨神仙多艷福，鹿車同挽向前頭。

歐卓彬詞長贈「詩畫鱗瓜」一本賦謝

一鱗半爪約全瓊，濃縮精華原子時。少可勝多稱匠手，老當益壯拜名師。
胸懷韻逸詩聲壯，格調風流畫筆奇。秋月春花隨意賞，蔚成大著口皆碑。

馮慧貞女詩書家在板書法個展詩以云

喜見娥眉擅藝才，筆花漫向馬星開。詩敵班李驚人句，書法鍾王脫俗胎。
十載磨穿闢閣硯，三年香透嶺南梅。漢魂不信將淪沒，滿眼青苗茁壯來。

孫少卿詞長六二感懷元玉奉壽

世有青晴與白晴，吾行吾素樂吾生。三秋離菊添君壽，一曲南音動衆情。
酒到半酣知正直，事難兩可怎公平？嶠峒俠骨春長駐，覓句燃鬚晚福清。

云天棟吟友六一初度書懷元韻賀之

化育菁莪已卅年，杏壇譽滿績超然。正宜日事韶光養，又樂時從韻海穿。
遺興無聊詩結友，攝生有術學參禪。安居吉地鄉堪杖，至美能蠲牛馬肩。

自牧詞長赴曼谷雅集車中即事二律索和

等閒莫耐旅途漫，窈窕陪車自不單。欲意偷香逢麗質，有心投荔送毛丹。
雲英眼角含秋水，蕭史臺端泛愛蘭。似此艷情真美煞！撼窗風雨豈知寒？

其二

漫說崎嶇世道遙，如龍駿馬百般驕。乘風直上洞天閣，隨月橫過泰水橋。
倩女當前談不倦，秋波別後吃難消。美人名士逢場戲，我也偷閒撐筆腰。

壬子年半山別墅重陽雅集韻得「蕭」字

霧鎖重陽上翠曉，滿山風樹自蕭蕭。避災桓景人非昔，落帽孟嘉跡已遙。
漫嘆衣冠淪異籍，要從雅頌復清標。相逢且作茱萸會，莫讓劉郎韻獨驕。

謝毗叻洞張仙如居士齋梓招待珍貴齋筵

少東投轄雅留賓，禪悅齋中具盛珍。四大皆空因禮佛，一門兩代是詩人。
洞幽才俊添聲價，餐影衣香印爪麟。題壁我無王播筆，蓬壺仙苑此中真。

偕友探訪盧惠之蒙午餐相款親自下廚並作詩示謝次韻答之

聞君抱恙看醫生，舊友關懷探一程。欲解沉憂先莫躁，非除宿患那能平。
療從心理持宜定！食爲身康戒要誠。近世每罹都市病，只因胸少達觀情。

其二

器官故障病因生，醫學而今治有程。且喜吉人驚不險！定教晚景順兼平。
贈花聊表懷恩切，歎酒同叨雅意誠。貴處加央魚米富，養荷端合此風情。

歌卓彬詞長遊台會晤久別愛女，名山大川收之筆下，歸來

賦絕句廿七首情景迫真，賦此答之

遊遍名山太史公，歸來筆采吐長虹。卅年愛女逢天外，半壁孤洲盡海中。
何日舊珠還大統？及時新曲奏同工。多君壯志追宗懋，稀古猶乘萬里風。

註：半壁孤洲指台灣孤島。

賤降七一慶詞壇諸友好多惠詩祝壽賦此致謝

韶華七一等閒過，業不能成奈拙何？兒女意誠供蛋麵，鸞鵲誼重惠詩歌。
情溫似酒知醇厚，壽考如山祝福多。但願肅肅隨大雅！風清日麗海無波。

周慶芳詞長令畫堂夫人榮登人瑞次韻賀之！

天姥峯高蘭桂馨，萊衣舞祝大齊齡。長懸綵幌榴花燦，永蔭慈雲柏葉青。
信道興家新舊約，義方教子十三經。孝思不置春暉報，一瓣心香結茯苓。

其二

滄桑歷遍享遐年，勁節清標結善緣。茹苦吞酸忘腦外，奉姑課子出人前。
羊恩鴉義娛慈母，鳳起蛟騰眷老天。百歲古今能幾許？永傳佳話上詩箋。

板城藝協假大會堂舉行當代名家書畫展覽建藝協會所基金誌盛
立國隆昌重後英，人文蔚起政聲清。搜羅秀士洪爐冶，籌集資金大館成。

欲展專家當代品，乃與壓軸適時兵。從知造塔須群力！何惜繅繅價比城？

丁巳年板城藝術協會春宴

春光灑灑賞同來，雅誼之花朵朵開。百歲好懷能幾放？一年勝景此爲魁！
傳箋喜見雕龍筆，擊鼓欣知射虎才。藝苑精華今發軔，會須逐電更行雷。

麻坡黃則健詞長伉儷七十九雙壽元玉賀壽

萊舞華堂晉酒卮，鹿車共挽憶當時。治家閨譽孟光範，拓業胸懷范蠡規。
福自天申心應手，名如雲湧氣揚眉。南山高聳雙星耀，群咏桃觴祝壽詩。

其二

敦有義方蔚後生，一經一藝克家成。從知性藹壽叅算，允卜身康歲不更。
秋菊春花香入座，閒鷗壽鶴逸忘庚。唱隨白首神仙侶，無復鷄虫得失爭。

太平黃則南詞長太著松竹軒商餘隨筆付梓囑爲題詞

眞箇商場似戰場，異軍突起不尋常。獻身說法籌兵餉，捨己隨人救國忙。
偉績當年堪贊嘆，鴻篇今日合生香。奚囊既得騰騰滿，酒業興隆比杜康。

其二

商餘握管紀行程，滿腹牢騷付筆鳴。杜老憤時陳弊政，陸翁憂國抒眞情。

身經治亂能無惱，人在顛危孰不平？一卷刊成爲見志，非關釣譽與沽名。

謝德謙畫家作品藝展三民建校基金賦賀

展畫爲壽建校金，菁菁學子感深深。藝精西法揮神手，筆仿南宮運匠心。
儘有繡湘皆拱璧，豈無慷慨播甘霖？行看寰宇觀板島，出力捐資兩可欽！

梁荒谷詩畫家在板城畫展助商務校基金

萬流匯海力無邊，喜見群情著快鞭。挾藝培才仁不讓，揮毫展畫馬當先。
大爐悉治功應偉，廣廈觀成志更堅。將伯一呼襄競解，恢宏華校負同肩。

晚香詞長漫步海灘囑和元玉

逸致知君步海灘，心隨潮盪感身單。平時小別常肅戒，再會加央泛愛瀾。
春水天南驚影碧，萱花苑北鶴顏丹。省途合唱雙飛調，樂得依偎問暖寒。

註：黃兄嫂夫人另在加央牙科院假期才相訪晤，又曾雙雙返港省視萱堂，詩意故云耳。

甲寅新春板藝協詩詞組匯集

迎春接福總相同，除舊翻新展望中。式式形形知在變，忙忙碌碌搞難通。
公平社會期何日？昂貴物資迅若風。際此三陽開泰運，心聲欲共訴蒼穹。

奉和吉蘭丹歌車彬詞長新春試筆元玉

一詞送丑又迎寅，好景前瞻耀北辰。筆放紅梅魁衆艷，詩吟白雪數家珍。合烹雀舌酬知己，不慕蠅頭是雅人。百代光陰駒過隙，天倫羨子樂生春。

奉和葉蒼痕詞長舊園早春元玉

我本疏狂習未除，蘭箋相約不嫌樗。和風洋溢情無限，麗句鏗鏘興有餘。綠滿荷園春滿面，胸藏雅誼壁藏書。屠蘇醉後歌聲起，虎嘯龍吟震太虛。

陳習庭詞長重陽遣興詩次韻

乍風乍雨壓炎陽，人事天時異正常。白粉浸淫微必至，黑潮沖激鉅而強。登高共策消煙瘴，處世平情有暖涼。秋扇感君仍顧問！茱萸分釀到山鄉。

許西亞畫家東遊參觀胡姬花畫展賦此壯之

此花自古少人栽，許子揮毫遍地開。一代藝林驚匠手，十年心血嘆天才。矜持每藉風生態，艷冶常教蝶作媒。聲價而今空海外，千金搜索欲爭魁。

一九六八年戊申中秋泰馬詩人四屆雅集怡保。盟主白成模寄克華代東元玉奉和

人生幾見月圓時？趁此秋光共咏詩。大塊文章收不盡，滿壺菊酒歎相知。

來從濁世尋清興，莫負良宵寫妙詞。同振天聲開雅會，嫦娥有約赴佳期。

其二

文教飄飄欲墜時，扶輪正軌爲興詩。衆星北拱群山耀，大道南行四海知。玉簡見頒秋水賦，金風推動月華詞。狂瀾挽頸中流柱，熱力生光翹首期。

乙卯年大馬詩詞研究總會舉辦第一屆重陽詩人雅集誌盛

重陽東約賦登高，世道崢嶸志不撓。趁此天清遊勝景，莫因秋老負風騷！一聲霹靂詩花放，滿座喧騰酒興豪。喜聽新鶯鳴婉囀，十年拓殖未空勞。

註：十年，指泰馬中秋雅集舉辦十年而後分家。

李典謨詞長偕聯奎文生見訪惠詩奉和元玉

隨遇而安結草廬，非僧非道不成儒。三星照耀何其明？八句推敲更足娛。鷄鶴海山雖有別，鸞鵠新舊總無殊。迎賓剪韭心誠懇，吩咐荆妻自下廚。

柯聯奎詞長偕典謨文生君蒞訪惠詩次韻

漢粹而今扶有名，南荒況復雜榛荆。扶風同蓄三年艾，結友端資一字情。巴里白丁無足述，鴻儒青眼有殊榮。最難潮海存知已，翰墨論交在至誠。

大馬詩詞總會成立二週年暨檳城主辦重陽雅集有賦

古例今沿不替行，佩萸念舊富真情。時逢九月秋將老，節屆重陽菊最榮。
猿嘯嶺山旋鉢律，雁迴佛塔聽鐘聲。海樓此日飄風起，濟濟詩鵲會酒盟。

前題次邀東元玉

社成正統兩經年，大轟凌空映碧天。逐隊鵲群翔海角，登高屐齒印山巔。
詩廣白雪邀騷士，酒飲黃花結雅緣。落帽揮萸成舊事，化行俗美共加鞭。

合艾同聲善堂成立十二週年紀念特刊題句

十二年來著蜚聲，風和日暖富人情。漫從苦海憐孤骨，更洒甘霖潤衆生。
德奉大峰師作訓，寶傳三楚善爲榮。慈航普渡心同濟，造福芸芸不計程。

威省小販商業公會十一週年暨新會所落成暨慶

摘龍伏虎力團團，此日鶯遷百尺竿。有志竟成眞了得，無時或懈不推艱。
商模小小前程遠，會宇恢恢後步寬。豈地高樓今發軔，千年基業固如磐。

威省福建會館金禧紀念特刊題句

海外恭桑五十年，墾荒拓土仰先賢。沿風襲俗鄉情篤，獎學培才國力堅。
百代人文魁北斗，八閩道統繼南天。多元共處千秋後，一覽特刊自了然。

星洲新聲詩社社長陳寶書「留星室吟草」惠贈賦謝

一卷珍同照夜珠，連城價重惠將吾。風流跌宕凌蝴蝶，氣韻清奇傲鷓鴣。
子喜成龍基克紹，詩工綉虎道匡扶。留星集共名山壽，傳與儒林作楷模。

註：鷓鴣即鄭谷，蝴蝶即蝴蝶派詩人也。

明德軒主鄭志明宴客約余爲陪席賦此事

詞壇四季吐芳葩，七月秋風到客車。軒主携樽迎雅士，甄生倒屣伴方家。
交從道義情非泛，詩結苔岑興正除。耿介如君眞我友！林泉嘯傲契雙蛙。

柯詞長聯奎順途蒞舍相訪惠詩奉和元玉

曾上迷梯斗筆盟，胸多墨瀟奪先聲。彩雲桑桑臨山麓，韻事滔滔話海瀛。
益友常從交久得，好詩每在醉中生。草亭小憩餘蘭味，無酒將茶敬一觥。

陳詞長夏火見訪惠詩次韻奉和

喜見星星共照廬，高山流水契清居。平時有酒惟邀月，此地無釐好泊車。
鵲噪爲迎三島客，雞談勝讀十年書。風騷同振聯知己，翰墨分香在業餘。

洪欽敬詞長見訪惠詩次韻答之

風人韻事不離哦，興至千篇未厭多。契得金蘭投志趣，傾來玉液泛詩波。
先賓後主身兼份，歎酒烹茶味兩和。結習同耽成莫逆，自知老拙敢稱哥。

註：先在明德軒陪客，後返家作主招待來賓。

沈高標吟長東詩元玉奉和

領來麗句賽冰清，喜鵲庭前笑語迎。道誼溫馨心默契，雅風吹拂力齊擎。
局開世界文盲少，身擁書城俗慮更。良賈字詩工有幾？壯年教績況豐盈。

註：沈兄少年歷任校長，現開兒童世界書局。

詩總舉辦三屆重陽麻坡雅集次邀東元玉

九日麻坡聚彩霞，如龍似水雅人車。絳飛五嶼聲何壯？士別三秋誼更加。
老我登高心已嘯，大風落帽首無遮。今年一例重陽節，却少閒情賞菊花。

註：今年巧逢遷居首都忙了幾天未克赴會。

一九七七年庚申偕志明欽敬夏火璧內人蘇小真同訪蔣桐桐長

蔣蔣桐桐伉儷優渥宴款接車有詩相贈次韻奉和

胸懷積愜付長談，訴盡相思酒已酣。莫問蓮心多少苦？且歡蔗境有餘甘。
重尋勝地舊時夢，却擾諸鷗竟日耽。伉儷送迎情至懇！雙雙揮手望歸驂。

林懷龍吟友榮昇中型校長賦賀

學養資深自不同，雲霄際會起池中。十年奮斗成今日，一路謙恭具古風。
敦續循如夫子帳，詩章美可碧紗籠。高昇壯歲前程遠，華粹宏揚賴爾躬。

行將遷居首都新廬告別聯盟親友

卜隱大山伴岫雲，無疑老作遠征軍。橫抽亂竊獨塵障，忽唱驅歌別雅群。
久契情緣應戀棧，難忘詩酒共論文。珍培友誼花長艷，海角天邊永郁芬。

遷眷都門荷泰馬聯盟八方親友紛惠惜別詩詞豐筵盛饌雲情
似海永記不忘賦此爲謝

詩詞惜別已銘恩，復擾鄰廚具盛樽。卅載交情難遽捨，八方愛意感長存。
倘非子媳關懷切？怎動鸞親拆樹溫。金石結緣心永繫，人離千里誼常敦。

周慶芳同長榮廣博士學位賦此爲賀
清溪

地靈人傑豈無端？三博士器兩桂冠。玉尺量才光綽帳，榮銜著績顯驪壇。
愛蓮茂叔孤芳賞，種菊淵明晚節看。道德文章應有價，岐山今見郁雙蘭。

註：南洲詩社連前李冰人共有三博士故云。

初抵都門蒙該地書宿李伯銘楊明新張仲仁劉再天等設歡迎
宴于別有天酒家約舊聯盟周慶芳陳義夫嚴子美諸詞長陪席

次明新詩元玉敘謝

欣逢甘雨潤詩田，雅誼之花競滿前。客抵都門求畏友，天教座上會驪仙。
芳鄰郁郁多蘭味，群彥謙謙富墨緣。爲挽狂瀾堅衆志，聯歡飲勝咏千篇。

其二

紅衣晉酒有麻姑，鴨烤京都笋摘蔬。邀飲初登高士座，結鄰幸傍雅人居。
欲謀創社終如願，安敢驅虫便憑符。好聽春雷天際响，龍吟虎嘯震茅廬。

夜訪湖濱精舍伯圖法師

名湖精舍隱詩僧，衣鉢廣傳六祖燈。才似王维三絕擅，風迫佛印一師承。
得攀蓮座生何幸？頓洗塵心舊不勝。敲罷鐘聲餘逸响，梵門方便許同登。

其二

不羨榮華羨雅僧，誦經敲韻對青燈。靈機一觸隨心寫，慧業三修坐石承。
字可換鵝優見惠，詩於獎譽恐難勝。多情我佛開方便，驚嶺千尋客客登。

丁巳年初冬遷來都門新廬居住。感知已之寥寥，愛訂聖誕日前
夕，在舍薄具水酒，順邀舊盟陳義夫嚴子美詞長暨諸新知
共飲，次子美惠詩元玉。

鷗誼如蘭句益香，引申曲水效流觴。十年人隔大山遠，一夕杯消萬慮長。
剪韭延賓慚薄禮，來鴻留爪印佳章。喜今宅傍知音士，夜雨敲詩共索腸。

其二

且喜都門有德鄰，相逢又是舊盟人。每從月下懷思切！幸得樽前請益親。
酒導靈機情似火，詩磨警句筆生春。多元社教欣相處，永見公平無寇塵。

丁巳慶芳詞長來訪惠詩次韻奉和

年年詩酒契深情，聞訪驅車十里迎。綢舍初居星彩煥，鷗盟乍會月華生。
函催首闕司扛鼎，師老後方顧守城。碩蔭庇都欣濟濟，行看崛起震全京。

習庭詞長令三郎四媛學醫業成，一在英，一在港，各任醫職，近回馬省親，詩以爲賀！

良相良醫不二功，少精西法老精中。一門兩世千家佛，四媛三郎萬丈虹。
子女成龍高士志，詩書綉虎雅人風。八方鷗友多稱慶，福祉天綏在爾躬。

奉和喜臨門酒家東主溫汝良新春東詩元玉

如今世以達爲賢，感子關懷別有天。吾道澆微心共嘆，友情契濶意相牽。
春風浩蕩吹全馬，麗句溫馨湧素箋。喜氣臨門齊達旦，養生第一莫遲眠！

奉和詩畫家荒谷新春東詩元玉

和暖春風醉欲眠，多情青鳥遞瑤箋。詩中帶畫深深見，筆底生花處處牽。
雅集圖懸迎客室，誼溫心篆感雲天。力揚漢祿開藝苑，拓殖新苗樹後賢。

註：梁詞長前在板贈我雅集圖一幀現掛客廳欣賞。

首都諸書宿歡宴別有天酒家次張仲仁詞長詩元玉

濟濟京都隱碩賢，雲龍風虎會今天。香餘畫報情猶掛，惠貺詩章意更牽。
聯誼有心邀結社，扶輪不日看傳箋。吟壇我本思休退，乃遇強兵減却眠。

次李伯銘詞長元玉

知翁八二福如天，有幸攀交亦夙緣。鶴髮童顏知上壽，名山勝水儘佳篇。
虛榮不慕胸懷朗，實學無華齒粹賢。愛客平生詩與酒，芝蘭挺秀樂頤年。

己未重陽首都峨嵋酒家雅集（爲湖濱詩社打基）

不登雲頂上峨嵋，把酒聯歡筆雅基。衡道縱無扛鼎力，推波尚有揮黃詩。
興風搞雨爭權霸，制亂攻心動筆師。舉座鷗群皆健將，寶刀不舞待何時？

和大馬詩總五屆在板舉辦中秋雅集東元玉

怡園雅集記猶新，已歷秋風十二巡。丁未欣逢己未歲，扶輪慶得斷輪人。

光輝昔賞西樓月，慘痛今看南越民。多士酒酣揮彩筆，毅然群把義同伸。

紀遊（有序）

余離鄉四十年矣，此次偕內子乘馬航返里探視子孫，抵家時，恍然有隔世之感，蓋余別時，長兒才六歲，今日他已爲人祖父矣，四代一堂，團聚一月，叙天倫之樂事，亦云快哉！解放後，萬象更新，爲飽眼福之良機，乃參加閩省旅遊第八十五團，觀光各省名勝，並將心靈所感，擇要發爲詩記以留鱗爪焉。

機上吟

雄心未遜壯年時，攜手雙雙上馬機。有侶唱隨曠蜜月，無形勞役展歡眉。長天縱望星河近，大地浮搖嶽柱欺。此際身輕千里外，騰雲駕霧復奚疑。

福州鼓山寺

鼓山有寺甲閩中，勝景依然貌不同。鼎食千僧存古跡，鐘聞百里鎮深宮。舊時曲徑艱難走，今日遊車直貫通。經版庫藏珍拱壁，滿樓文物奧無窮。

江西廬山勝景

自古廬山負勝名，一瞻面目快平生。峯迴勢險開康道，車走霧飛見坦程。俯瞰鵝尖雲似海，仰觀龍首柱將傾。屏張九曲凌南斗，萬頃風光接太清。

廬山仙人洞

案時名士有盧敖，長隱幽巖志趣豪。悟道餐霞登牯嶺，超凡脫俗駕雲螭。廬山景色因人勝，仙洞風光評價高。遊客古今趨若鶩，千崖萬壑不辭勞。

註：廬山開因盧敖隱居昇仙而得名，牯嶺爲最高峯，海拔爲四七四米。

廬山望江亭

危崖千尺建亭臺，眺望長江玉帶恢。雲氣滄茫從地發，水光瀲灩自天開。碧波浩翰東流去，赤壁依稀北拱來。遊屐謝公無覓處，獨存松柏蔚山隈。

江西九江白居易漫月亭懷古

江州司馬富詩情，一曲琵琶萬古行。漫月亭涵幽古思，潯陽水湧激新聲。白雲山下柴桑口，亂石堆中吳帥營。人事幾回傷代謝？川流尙作不平鳴。

註：琵琶行乃白居易名詩作之一，柴桑口爲周瑜練兵營所在地。

浙江西湖泛舟

攢勝西湖夏泛舟，荷香十里景清幽。寶山一塔侵眸聳，印月三潭澈底流。堤柳舞迎天外客，林鶯聲逗水中鷗。亭臺倒影明如畫，信美風光畫里遊。

浙江鹽隱寺

高山雙聳護禪林，靈隱寺前古栢森。何處飛來峰絕勝？此間進去洞幽深。
大雄寶殿牟尼佛，白玉蓮台觀世音。羅漢雕工驚鬼斧，東方文物個中尋。

註：寺之左側飛來峰拱立多石有洞。

浙江虎跑泉

虎跑生泉事亦奇，清甘自入口中知。唐朝掌故傳今日，大陸風光異昔時。
飲欲思源來石罅，遊從止渴沁心脾。馬籠車水東西客，爭賞慈山一古池。

註：泉在大慈山之麓聞飲之可以長壽遊客爭相一飲爲快。

浙江登六和塔觀錢塘江火車鐵橋

塔矗江邊爲鎮妖，錢塘八月起高潮。古因迷信遺餘跡，今重交通建此橋。
兩道工程皆偉構，一般利益不同標。巨輪推動新生力，擊壤謳歌比舜堯。

註：塔建於錢塘江畔，有千餘年歷史。

上海參觀傀儡劇

千年漢粹再研新，美麗衣冠四尺身。棧不用牽憑托技，手如轉動自傳神。
允文允武追京劇，亦諫亦莊宛藝人。觀止演工驚巧妙，風行歐美豈無因。

註：該劇曾到歐美演出大獲好評。

南京參觀長江大橋

長江浩蕩水迢迢，南北交通架大橋。橫跨金陵數鐵軌，貫穿玉帶濟車潮。
九年毅力驚寰宇，百億工程達指標。填海移山堅奮斗，齊驅現代已非遙。

註：大橋上層通汽車，左右行人道，中層通來往火車，橋下仍通行萬噸級輪船，長江綿長有如玉帶。

南京參觀太平天國故宮

敢笑天王造帝宮，十年有五夢成空。闔牆忍失千秋業，建國偏虧一簣工。
玉璽猶存生晦氣，金鑾已剝想雄風。御園衰柳仍知禮，輒向遊人致鞠躬。

天津參觀地氈織造廠

五彩毛絨織錦氈，分工合作細心編。三鈎兩剪浮圖案，萬紫千紅奪巧天。
足踏柔茸新境界，目迷絢爛美山川。雍容瑰麗凌中外，歲益資金達億圓。

註：該地氈上織有美麗山水花鳥虫魚圖案栩栩逼真。

吳金谷詞長赴怡保雅集過境訪宿留詩次韻

高軒過境印鞋紋，生色寒廬駐紫雲。投轄留賓惟剪韭，聯床叙誼爲求群。
數年苑友初臨駕，一夜庭花盡吐芬。自分馮唐刀漸老，恐無餘勛主驢軍。

北京乘地底火車

遨遊地府事非誇，洞裏交通有火車。一樣坦平鋪軌道，雙方來往閃龍蛇。
柔茸客座安而適，寬敞月台靜不譁。人定自然天可勝，卅年苦幹見精華。

北京遊萬里長城

此生畢竟未蹉跎，一上長城笑口呵。萬里攀來遊汗漫，八方望去勢巍峨。
國防穩固工程偉，民力艱危呪罵多。史跡兩千餘載也，功勳彪炳怨消磨。

南洲詩社繪畫組出版紀念特刊囑題句

百花齊放看南洲，藝苑新苗樹壯猷。教得良師稱匠手，學成多士占鰲頭。
古今法譜無二致，景物天然自一流。畫集刊來珍似璧，揮丹發墨各千秋。

敬和李伯銘詞長贈余遊華返馬元玉

長城遊罷雁南回，拜讀佳章閃鑠哉。雅誼溫摯無物報，旅途跋涉有妻陪。
河山已易新風貌，建設堪稱老幹才。好景前瞻應不遠，相期同賞嶺南梅。

嚴子美詞長大著愚思齋吟草行將出版、囑爲題句

一卷愚思百鍊金，聲名早已噪雞林。風波順逆供追憶，世態炎涼付苦吟。
遊歷謝公高士骨，登樓王粲放園心。不同凡响紗籠句，付與騷壇共戮欽。

李伯銘同長大著遼園詩集出版題句

童顏鶴髮滿頭銀，待祝期頤十七春。桃李陰濃芳緯帳，江山景美屬詩人。
閒情唾吐珠兼玉，逸興推敲韻入神。留取儒林同一案，雄渾詞藻出清塵。

光華日報七十週年紀念誌慶

兩雨風風七十年，老當益壯看今天。森森彩筆民喉舌，嘖嘖諍言國寶詮。
海爲納流方浩瀚，松因耐雪更蒼堅。新聞泰斗無偏倚，最喜光華一馬先。

雲湖演詩社發起人大會誌盛（代書委作）

衣冠濟濟會斯堂，大轟高懸意義長。筆陣森嚴無止息，詩花怒放有餘香。
湖濱自此添風雅，藝苑而今露曙光。爲達人生真善美，相期漢粹共宏揚。

詩人節感賦和郭五峯老弟元韻

苑上榴花盡向陽，吟詩屈屈意深長。抗秦制霸言無效，謀國容奸計豈良？
千載史書留寶鑑，三分世界斗眞章。忠魂已逐江流渺，一卷離騷萬古香。

註：現在三分世界中美蘇已在明爭暗斗中。

文生吟弟在怡保寄詩關注首都詩社事。諄諄鼓勵早日創立成功依元韻奉和

鑿拓詩園共此情，春風吹拂氣新生。幾番文酒開初序，一貫精神達後程。人有同心能礪石，功無衆志不成城。諄諄寄語知關切！必也群鷗振翅鳴。

嚴子美詞長將歸里養老留別詩次韻壯行

驪歌此際唱詞壇，何日荊州再訪韓？行見首都將樹幟，忽聞舊友整歸冠。一杯錢酒母嫌薄！滿復離情欲訴難！客老還鄉娛養海，河山壯麗任遊觀。

荒谷名詩畫家和元宵雅集第二韻奉答

藝苑多君掌兩門，詩聲畫譽早搶元。胸藏丘壑驅人筆，鳳吐珠璣醒國魂。把臂同觀燈夜市，聯情共醉杏花村。況今熊豹橫無忌，誰可旋乾又轉坤？

南洲詩社主辦詩總第六屆中秋雅集次永建詩長大作秋思二律元玉

一葉知秋過隙間，浮生偷得幾回閒？兒時竹馬難重覓，老到風流信不還。天色晦明關季候，人情冷暖看容顏。持螯把盞東籬畔，醉傲丹楓照眼殷。

其二

颯颯金風冷露浮，離民越海泛孤舟。衣單莫耐寒砭骨，槩爛奚堪浪激流？家破人亡蠲別曳，田荒糧盡草蔓稠。銀河洗甲期東協！休戚相關未雨綢。

板城喜臨門酒家總經理溫汝良和首都詩友元宵雅集韻一律見

東臺韻事答

板江何日話通宵？又享羊城百味饒。元夕遺懷沾筆彩，士林重誼比花嬌。
扶輪有志慚驚馬，捕鼠無能待好貓。日理萬機猶愛友，春風送暖惠同僚。

註：溫兄亦鼓勵余快把首都詩社創立起來五六句故云。

戊午年一九七八

迎國錢鷺（有引）

清和四月芳鄰林漸煥君將返里觀光，適好友陳夏火，洪欽敬二君由板來訪，乃邀本地諸詩友作陪，宴于會中，聊表迎送之心耳，聯句拈韻爲樂（余拈得緣字）。

送鷺迎國事偶然，接風餞別兩同筵。情關舊友兼新友，誼結文緣又酒緣。
卅載鄉思明展翮，一庭月色夜談天。騰雲我欲追蹤去，飲馬長城笑拍肩。

聯句

團爐今夜會群英（藍田玉）

海錯山珍見盛情（張仲仁）

舊友新知欣聚首（陳夏火）

南鷗北鷺送歸程（洪欽敬）

遠遊勝讀書千本（陳義夫）

臨別共傾酒百觥（嚴子美）

友誼拳拳無限感（林漸煊）

心儀塵主意眞誠（陳夏火）

熊應祥詞長東湖濱詩社次韻奉答

我愛嘉州一朵梅，凌風傲雪及時開。南枝暖早魁先占，北萼春遲鼓急催。
左道旁流誇俠骨，狂瀾同挽獎金杯。加鞭快馬追將去，那有華魂喚不回？

五峯詞弟賦湖濱詩社成立次韻和之

捧砂成塔急難圖，八面風雲會首都。騎虎難褫逢匠手，壑荒闢圃助雄模。
奇兵突破三關險，遠客欣償一得愚。遍地詩聲鳴四起，群山回响勢非孤。

念舊東大山脚鄭詞長志明

泰炬初傳北馬間，同扛騷帶幾心艱？十年風氣開新徑，五傑詩聲傲大山。
就棄隨兒遷首邑，扶輪賴子守孤關。擒龍伏虎渾閒事，玉樹榮枝好展顏。

註：①鄭兄精地理學，龍潭虎穴，鶴立牛眠，一經巨眼鮮能放過，七句摘龍伏虎故云。

②泰馬第三屆中秋雅集，由作者與已故陳重丕先生主盟之。鄭兄支持甚力，第二三句故云。

③五傑：志明懷龍夏火欽敬及作者，平時對扶風工作，不落人後，時人譽爲大山五傑云云。

李家耀老畫家八旬大壽，聞六十年回顧展賦贈

擅畫就書六十春，樂山樂水質彬彬。一揮一灑工成趣，越老越精技入神。西明種花香馥郁，南園放鶴聲嶙峋。蒼松矯若蟠龍健，四壁繚繚無價珍。

註：吉隆坡西明山即李老居府。

首都天橋酒家四友酒中拈韻得情字

同是吟壇入伍兵，詩田蔓草待勤耕。劍非淬礪鋒雖銳，學有深研業乃精。麗澤聯歡溫舊誼，茅台引興壯新聲。天橋買醉人無幾，談吐生風見至情。

其二依張君拈豪字再成一律

難得閒中會雅曹，天橋小叙醉香醪。一年好景春將暮，四友同心興更豪。

韻海深湛仍可涉，詩花艷放不徒勞。且歌且飲人無慮，世上公平值幾毫？

張仲仁詞長喬遷新居元玉賦賀

新廈幽清養浩然，桃源卜隱傲神仙。堂中客至眉生彩，檻外花開色笑妍。
東閣敞詩眞得所，南軒醉酒不知天。堦前桂郁蘭多秀，日上三竿尚可眠。

印尼江陳詩詞長金婚誌慶

木公金母地行仙，五十風霜共比肩。福慧修成眞美滿，愛情回憶更芳鮮。
香詞重譜新婚句，彩筆任耕舊硯田。蘭桂一門多俊士，閒雲野鶴不知年。

新加坡新聲詩社

陳寶書社長八十述懷次韻爲壽

蔗境甘如酌醴泉，天綏鴻運杖朝年。扶風幟樹新聲社，溯本心懷舊里園。
落籍生根基礎固，開元作祖子孫全。留星大著千秋業，壽世詩詞五百篇。

其二

矯若遊龍年八十，風霜衝激不生寒。介眉獅島千杯酒，養晦渭濱一釣竿。
仁義爲懷崇孔孟，詩詞有骨傲蘇韓。堦前蘭桂欣欣秀，松鶴同齡隨遇安。

陳詞長習庭八秩開五感言元玉壽之

繁華富貴眼中過，逐逐勞勞欲奈何？演劇人生如幻影，爭權世界起風波。
心輕利藪超凡俗，志矢杏林脫網羅。子女成龍甘蔗境，惜花舊事老彌多。

其二

良醫濟世有殊功，何必封侯到你躬？水秀山明觀不盡，詩情畫意取無窮。
板江島上親漁父，諸葛廬前伴药童。心似沙鷗閒更適，四時佳興與人同。

其三

籌添七五鶴延年，譽比華陀具秘傳。力助扶輪恢北馬，心誠結友遍南天。
回春妙術傳身後，驚世新詩創首先。此日桃詞囊應滿，一堂朱履客三千。

註：陳師曾著有「造型新體詩」試行于世。

其四

桃熟三千歲一期，杖朝開五未爲奇。桂蘭馥郁庭增日，星宿光輝極婺時。
八秩呂公初拜相，百年梁案卜齊眉。觴稱大耋毋忘我！祝嘏登堂快朵頤！

其五

診餘覓句咏中秋，煮酒邀朋坐甕頭。仁術心如父母細，身康壽比栢松稠。
桂芳放彩魁多秀，筆健生花鬢四周。散步常遊關仔角，海風送爽浪悠悠。

其六

咫尺苔岑變遠朋，難將積慊酒中傾。驚呼未盡登堂禮，萊舞先聞祝壽聲。
風骨久從高士賞，華箋今爲福人呈。感言句句衷心發，壯闊波瀾筆氣橫。

七六歲生朝感賦

財名不立立虛名，唱唱吟吟度半生。縱使駐顏來有術？也難留歲去無情。
寄身已換三朝主，携侶曾登萬里城。七六年間如一夢，黃梁未熟幾塵兵！
註：三朝主，由英而日，由日而大馬，携侶即携妻也。

七六諸兒女孫具且饗宴于家堂。蒙詞壇大雅惠賀佳章並在座
上聯句頌壽。賦此申謝！

誕日携尊宴雅儒，頌詞聯句惠如珠。世風云薄偏多友，馬齒徒增尙健軀。
首府人疏緣却厚，群鷗誼重學非孤。五中默祝諸公壽！歲歲同斟王母盃。

一九八〇年庚申湖濱社籌委會元宵雅集

兒時最喜賞元宵，老大依然興趣饒。酒約蛾蟬多士醉，花開首邑滿園嬌。
吟春盡有雕龍筆，結社寧無捕鼠貓。天上月明天不夜，可曾分照難民寮。
註：寮，小屋或簡陋之棲身難民長屋也。

其二

萬家燈火燦都門，大塊文章寫上元。南北舞獅拋羯鼓，東阿放毒滅靈魂。
春風不渡渭江岸，明月偏圓大馬村。幸有群公刀未老，筆誅霸道挽乾坤。

一九七七年丁巳冬初寇都門舊友（陳嚴）二君邀飲大同聯句照錄

遠來鸛鷺結芳鄰（藍田玉）

小酌大同會雅賓（陳義夫）

君子之交如水淡（陳義夫）

故人相聚陪情親（嚴子美）

興濃不覺千杯少（嚴子美）

誼重應知一見珍（嚴子美）

老適都門非意料（藍田玉）

歡聯舊雨景翻新（藍田玉）

金靈牧師八秩嵩壽暨（榮廣神道學博士賦賀）

獻身爲主牧群羊，淡泊謙恭善續張。實至名歸膺博士，學敷德邵得金章。
渭濱八秩開初運，華嶽三呼祝永康。佈道扶輪同一轍，鸛盟在遠亦沾光。

一九八〇年

首都湖濱詩社籌委會詩友元宵雅集（有引）

一年好景是元宵，是夕也，紅男綠女，車水馬龍，或載酒觀燈，或吟詩賞月，或傳柑射虎，或談情說愛，無不盡一夜暢遊之樂，實多采而多姿矣。古時如此，現代亦同，我首都詩友今宵雅宴于峨嵋酒家依序入席，拱手團拜，互道健康進步諸吉詞，氣氛熱鬧，感情誠懇，開懷暢飲之際，逸興遄飛，傳箋刻燭，自唱興聯吟並舉，詩聲共杯聲交鳴，極元宵韻事也，此引。

（照錄聯句如下）

元宵載酒上峨嵋（藍田玉）

少叟同賡杜李詩（劉永建）

拜訪鷗盟心竟明（吳鵬飛）

團成筆陣句偏奇（陳義夫）

銀花未賞春光趣（嚴子美）

玉兔初升景色宜（藍田玉）

爲祝吟儔多勁健（周孔良）

崑崙三鼓助威儀（劉永健）

註：末句上元狄青將軍三鼓奪崑崙。

其二

文酒聯歡意最真（陳義夫）

鴈群團拜慶芳春（藍田玉）

抒情賞景元宵夜（吳鵬飛）

淺酌高吟風雅人（嚴子美）

大漢天聲宏海表（劉永建）

八方豪氣翠湖濱（藍田玉）

金吾不禁燈花艷（李伯銘）

萬里無雲月滿輪（嚴子美）

其三

酒逢知己莫停杯（楊明新）

友誼之花座上開（楊明新）

節屆元宵邀雅宴（劉永建）



春臨大地賞芳梅（劉永健）
一輪明月溶溶也（藍田玉）
滿面和風爽爽哉（藍田玉）
天若有情光普照（陳義夫）
東南半壁早消災（陳義夫）

其四

對酒高歌雅趣生（陳義夫）
今宵免曉澈天清（張仲仁）
峨嵋席上同聯誼（李伯銘）
詩友群中各放鳴（劉再天）
滿座蒼岑龍馬壯（吳鵬飛）
一枝鋼筆羽毛輕（藍田玉）
欲期漢粹興南國（劉再天）
全仗鷗盟團結成（劉永健）

己未重陽雅集峨嵋酒家座上聯吟錄下



欣逢佳節會群英（陳義夫）

未插茱萸佈酒兵（劉永建）

九日無雲天氣爽（藍田玉）

三杯引醉筆花生（嚴子美）

騷人本自多清興（張仲仁）

雅士何妨契至情（劉再天）

莫道京都商戰地（李伯銘）

座中鷗鷺志成城（張仲仁）

註：以上雅集聯句都爲結社之宣傳伏筆。

大馬詩總成立七週年紀念暨湖濱詩社主辦八屆詩人 壬戌

中秋雅集于首都精武山和詩東韻

漫泛仙槎夢渚浮，銀河耿耿燦清秋。觀濤古烈今猶盛，聯友新兼舊並酬。
伐桂豈嫌無利斧，敲詩偏愛有良儔。傾樽醉月咨多士，珠玉繽紛網上留。

葵亥疊在梓中秋賞月韻奉答梁柱鎮詞長和詩

柔雲光降似珠圓，恰與中秋月比娟。彭菊孤芳偏自賞，湖鷗愜意却無緣。

忘懷笑我疏狂癖，風雅多君變鍊年。兩度北遊償夙願，山河茁壯釋心牽。

大馬詩總主催葵亥年九屆端午怡保雅集次韻

又是龍舟逐午潮，忠魂千載尚追招。扶風有筆鋒仍健，吊屈無詩憤怎消？
焰吐榴花紅映眼，樽開艾酒綠盈瓢。山城濟濟騷人會，恰比湘江十萬橋。

壬戌清明湖濱詩社雅集（有引）代作

清明佳節，序屬踏青時候也，鶯聲婉轉，燕語呢喃，柳絮隨風起舞，湖光映碧無波，良辰美景，會友聯詩，登暇唱之宴座，看彩筆以齊揮，騷人雅士，志在扶輪，新勿躊躇爽約，負此良機，爰綴俚言，而爲之引。

三月鶯梭織柳忙，河山如畫蔚青蒼。爲憺上已聯吟約，乃補清明集雅觴。
浩浩鷗風傳蝶訊，團團筆陣燦星光。湖濱綠綠皆芳草，豈許旁門醜化狂。

前題和韻

春將歸去蝶飛忙，頓覺浮生鬢易蒼。聯袂踏殘靈運屐，典貂沽得杏花觴。
群鷗情洽南金固，大筆氣冲北斗光。暢飲豪吟饒韻味，騷人本色總清狂。

曼谷王詞長誠兄榮膺國際桂冠詩人

儒冠老去桂冠新，廿載扶風果有因。淡泊自甘心赤赤，權威不屈質彬彬。

東南半壁遊蹤遍，秦馬中秋助陣頻。學養資深如韞玉，輶光大志晚年伸。

湖濱詩社甲子清明雅集代東作（有引）

鶯鶯啄溜，柳色搖青，清明佳節屆矣。紅男綠女，接踵扶肩，祭先人之陵墓，不負孝思，賞四野之風光，此古今一例，良有以也。

況乎人生若夢，偷閒幾何？對此陽春煙景，非抒筆墨，莫伸臆懷，湖濱新鷗舊鷺，敢效嚶鳴，倡開雅集，爰賦俚詞代東，恭請提早賜教，尤盼蒞止！共參盛會，乃拋壘引，佇候鳴環！

節屆清明水漲田，鷓鴣唱破雨中煙。鶯梭織柳長堤畔，杏酒流觴曲水邊。大塊文章春試筆，芳園桃李夜開筵，況當歲令逢周甲，安可無詩記此年。

和前題代東律詩元韻

出水秧針綠滿田，山原滴翠柳含煙。詩旌浩蕩飄湖上，韻鉢鏗鏘响耳邊。筆陣拳拳恢漢祚，鷗群濟濟會盟筵。雙春雙雨翻新運，正好同歌大有年。

註：今年甲子巧逢雙立春雙雨水又潤十月，爲六十年來僅見。

一九八四年

甲子清明雅集宴席上拈得東字韻

七言律詩

天南花木四時同，綠萼紅酣映眼中。斗酒蛾眉成慣例，會詩首府蔚驪風。
群賢畢至人如薈，大筆齊揮氣貫虹。聲應八方無止息，千江萬水總流東。

梁詞長柱鎮七十感懷次韻爲壽

養晦韶光樂性天，生花有筆造峰巔。滄桑變局身如鐵，荆棘沿途障化煙。
古自稱稀春不老，眉於介壽樂悠然。寄情山水隨鷗鷺，富貴浮雲讓一鞭。

註：孔子云，富而可求也，雖執鞭之士吾亦爲之。

威省福建會館青年團舉辦孝親敬老會事和欽敬詞長惠詩元玉

八一虛過嘆老身，榮邀宴又惠詩頻。青團見注情堪慰，古道猶存味足珍。
太息西風帶靡化，休嗟東俗未尊親。倘非重振儒家教！莫挽衰微舊五倫。

周子書詞長伉儷辛酉年銀婚紀念徵和元玉

衣新人舊拜堂迎，重奏鳳凰求偶笙。爲念初婚恩愛愛，還期偕老重卿卿。
工商得意膺勳獎，兒女承歡見性情。池上鴛鴦春日永，又添佳話海山盟。

其二

雙宿雙飛樂百年，人間幸福達峰巔。扶輪席設鵝兒酒，歎客茶烹虎跑泉。
韻海行舟心有勁，閩房決策力無邊！銀禧重慶周公禮，燭影搖紅月正圓。

壽老友梁圭堂詞長七一雙誕

矯矯如龍七一翁，獨來獨往擅商工。治生樸且能豪氣，交友謙而富俠風。
性不矜持人好客，語多幽默老還童。齊眉梁孟從心欲，蔗境雙甘百歲同。

大馬詩總成立十週年紀念暨南洲詩社主辦第十一屆乙丑年金

山雅集元玉奉和

欣逢六月報新秋，秣馬厲兵集友鵠。景賞金山翻別調，風扶漢粹東吾儔。
且從禡事聯詩酒，敢向名場募爵侯？四海昇平祈有日？兆民高唱大同謳。

台北張鶴詞長感懷見示疊和原韻

衣錦還鄉指日成，寧寧不復舊時驚。秋風殘葉終須掃，紅海翻波次第平。
世界安危人有責，閭閻休戚孰無情？牡丹花艷迎歸客，欣賞新姿快一生。

張鶴詞長壬戌冬接其夫人近照驚覺花容清減幾令人莫辨，因感而賦詩疊和韻

閒關銀漢卅年過，寂寞天孫可奈何？雨露失沾生色淡，風霜久歷皺痕多。
迴文蘇惠心良苦，遠戚寶滔口怎哦？玉帶幾時開禁網？重圓缺月海無波！

七言律詩

大馬詩友組文化訪問團觀光東北亞各名勝，暨詩壇活動概況
賦此壯行！

北雅南騷合一團，陣容浩蕩駕青鸞。海天無際心開朗，鷗鷺相逢面見歡。
寶島民風分外樸，故鄉情味此中看。名山勝水含詩意，古跡奇珍取次觀。

香港張江美詞長壬戌秋紀念蘇東波壬戌泛舟赤壁作賦屆滿
九百週年長歌懷和元玉

赤壁身經二度遊，蘇公遺事近千秋。抵今回憶情如昨，吊古追思意更悠！
佚事載明前後賦，好風搖曳去來舟。美人搔首生姿態，墨客開樽爲解愁。九百
年來傾左右，三分天下霸洋洲。核氣按鈕無遺類，民命担心若寄螭。憤世憂時
鍋上蟻，呼群聚類海中鷗。類風熾烈網常墜，寇性孳孳血跡留。罪大如天書竄
改，冤深似海恨寧休？霸權擴展全民敵，公理伸張百代謳。火破連環痕宛在，
沙埋拆戟水長流。勝敗兵家何足論？興亡漢祚有深憂！盛衰本是循環理，休戚
攸關和睦修！北極熊窺心叵測，南鄰鼠竄好無憂？千方百計圖魁首，兩敗俱傷
莫怨尤！民族自尊應有責，國防現代化可無由？此日懷蘇追往事，風人妙筆賦登
樓。張君國尚千年愛，曹氏心無一字劉。中流船過興悲感，古樹揮聲帶怨歌。

且待親身觀戰地，連環中計笑曹侯。

註：張江美爲已故菲律賓女詩人張綢詩之弟。

王誠博士（憶梅）二律囑和

南國無梅却有詩，豁然開遍慰鄉思。醒來回味夢中景，醉去垂涎手里匙。
敢與竹松爭傲骨，還從霜雪鬥芳姿。茫茫一片香如海，奚待孤山再折枝？

其二

江山如畫又如詩，四化推行不假思。續表寒香薰欲醉，客邊醇醴綠盈卮。
卅年一覺羅浮夢，五夜常懷玉屑姿。有日騰雲身衣錦，方冠簪遍占魁枝。

註：衣讀仄聲，方冠卽王博士之四角帽也。

欽敬詞長七十初度書懷次韻奉壽

十美十全世上稀，勞無討好不爲奇。經心海闊陰功大，立地天高老化遲。
體矯如龍行健步，詩成倚馬笑揚眉。七旬漸入清閒境，左右逢源遂所私。

台北白翎張鶴詞長七十初度次韻爲壽

鶴與蒼松契夙緣，優閒自適意超然。一生好善行方便，七十從心悟至禪。
雨過天清頻送爽，秋高月皎許重圓。閱騷事付東流水，快著遊鄉祖氏鞭。

七言律詩

其二

亂世書生嘆道窮，乘槎浮海出江東。從戎未竟收京志，振鐸先傳化雨工。
詩酒聯歡消俗氣，胆肝相照仰高風。故園菊又榮三徑，七秩歸田快客衷。

丙寅一九八六年末送別義夫伉儷遊中國

廿年翰墨契金蘭，小別依然懷腦肝。松菊幾回索客夢？江山四化壯人觀。
旅程飽覽風光勝，伉儷相隨步履安。一上長城成好漢，冒霜凍雪不知寒。

台北市彭廣虞詞長七秩詩次韻奉壽

允文允武兩兼周，叱咤風雲幾度秋？按紐攻堅平外侮，運籌決策屹中流。
龍蛇飛舞鍾王筆，韻律鏗鏘李杜儔。七秩河山翻錦繡，寧寧歸泛五湖舟。

其二

所欲從心汗漫遊，北洲遊遶又南洲。謝公屐屐高人賞，彭祖丹功奕世留。
四代聚歡多贊美，一堂暢叙幾生修？長甘蔗境宜行樂，大塊文章樓外樓。

辛酉年清明峨帽酒家雅集聯句照錄

苔岑得共話塵緣，（陳乙青） 濟濟騷朋會綺筵。（劉永建）
沽酒莫嫌濃與淡，（郭五峰） 聯珠只在潤能圓。（藍田玉）

清明氣候原多雨，（李伯銘） 上巳心情別有天。（藍英周）
大地昏沉人已醉，（雷彩霞） 詩聲唱破九重煙。（吳鵬飛）

其二

修禊蘭亭發浩歌，（郭五峰） 高山流水寄吟哦。（藍田玉）
縱無美酒同沉醉，（藍英周） 定有新詩共琢磨。（劉永建）
踐約重逢眉起舞，（梁推賢） 會心微笑口連呵。（陳乙青）
但期來歲人皆健，（李伯銘） 划槳湖中泛綠波。（吳鵬飛）

洪欽敬調長蘆實董惠詩歡迎元玉奉答（有引）

丁卯仲春偕內子小眞渡假大山脚舊舍，蒙至友洪欽敬設酒歡迎！並邀約新
知舊友一堂歡叙，互傾積愾，樂也融融！

北海開尊醉八方，洪公豪氣熱衷腸。迎賓設席真誠至，親手下廚色味香。
赴泰單刀功績偉，助板三屆澤流長。一提往事添惆悵！廿五年來幾友康？

柯聯奎詞長參加歡迎宴會，座上賜詩次韻奉和

壽登百歲幾人臻？卦理精湛驗若神。爲謝詩章褒獎意，添來筆債苦吟身。
新知舊友多緣會，北鶯南鷗四海親。同祝餘生無戰亂，風平浪靜樂天倫。

七言律詩

丁卯中秋湖濱詩社友宴集金陵酒家

皓魄當頭圓兩圓，中秋待月已週年。扶輪有賴生花筆，助陣毋荒免稅田。酒設金陵盟友誼，詩吟首府結蘭緣。今宵濟濟湖濱雁，振翮齊飛一字聯。

大馬詩總成立十一週年紀念暨湖濱詩社主辦十二屆丙寅中秋

全國詩人雅集詩詞代柬（有引）

渡羅探月，入眼全皆酒野，詞客賞秋，舉頭滿見清輝，探賞既然迥異，觀感自是不同。乃知月宜遠賞，奚可近探者耳。詩人愛月，愛其光明一面，坐對蟾華，盜發詩興，心聲月色，渾融一體。

況序值中秋，風既爽快，月更嫵媚，猶佐酒興詩豪，信可樂也。本社承詩總之推舉，主辦丙寅中秋雅集，旨在團結詩友，挽墜元音，爰備薄酒延賓，束詩引玉，仰祈高軒蒞止，迎月都門，蘇丹街畔，旅邸安榻，精武山頭，酒肆攤筵，蔚儒林之韻事，懋詩教之吟風，佇聆雅唱，敬告文賢！（代作）

文酒湖濱又舉行，清秋待月會群英。屆開十二扶輪史，束約東南續雅盟。石借他山攻玉錯，筆揮異采振天聲。憑誰屹立中流柱？更挽銀河洗甲兵。

上題和韻

爲挽狂瀾不倒行，憂傳共飲菊花英。聯成筆陣團團力，廣植驅苗濟濟盟。
湖景鎔光增眼福，松籟竹籟起詩聲。如銀瀉地溶溶月，遍照大千無寇兵。

台北市彭鴻詞長八秩暨金婚紀念詩和次韻爲壽

家國關懷志似鴻，空防早譽建功翁。八旬大壽膺多福，四代同堂錫上穹。
錦瑟今宵翻舊調，金婚此日煥新風。杖朝重寫鴛鴦句，韻味高潮又一峯。

其二

旅途荆棘轉康莊，倦鳥知還念舊鄉。落葉歸根原正理，揮毫成寶具眞章。
雙星並耀齊眉案，衆友同張介壽觴。大好河山方茁壯，五湖卜隱養韶光。

大馬詩總成立十二週年紀念暨山城詩社主辦十三屆丁卯小陽

春詩人雅集奉和詩柬一律

小春氣爽東相催，綠水青山玩遍來。峭壁奇峰隨古思，盛筵旨酒夜光杯。
縱然矢志能堅決？何患詩魂喚不回！且喜諸君身壯健，寶刀匣底及時開。

鄭志明詞長感懷四律奉和元玉

雨雨風風七十過，腰間一劍尚堪磨。眞龍正穴庚中得，野鶴閒雲霧里歸。
架上胡姬姿綽約，池邊綠柳舞婆娑。詩田無稅勤耕耨，客至三杯引吭歌。

七言律詩

其二

歲月居諸幾度秋？桑田一變一添籌。長生有種仁人壽，晚景無邊花木稠。
漫道多財皆厚福？須知非義莫強謀！芝蘭挺秀天倫樂，夫唱婦隨外不求。

其二

奕世書香感別離，分飛雁陣各天陲。慈萱修淑垂清蔭，玉樹葳蕤滿綠枝。
紫氣時來身有福，薰風日送力無疲。船高水漲循環理，左右逢源笑口噙。
註：詞長有超百齡老母在梓，兄弟十餘人散居海外，二三句故云。

其四

樂觀行善自延齡，海外安貧亦足榮。得志易交朱紫客，失時難覓孔方兄。
飯涼世態今休論！陰險人心早已驚。願見昇平無戰亂，雲開月出滿天清。

通報三十週年紀念東遷參盛賦賀

董狐有筆正無偏，一紙風行歷卅年。護國利民功績偉，異情特訊見聞先。
華文提倡如加力？靡化消除自不延。立論公平高報格，蜚聲八達勝宣傳。

壬戌年潮濱詩社中秋雅集拈韻得東字

銀河水勢欲流東，玩月情懷總有同。際會群英開盛宴，相資四美蔚良風。

利名且自拋雲外，詩酒何妨列雅中。共賞桂香珍友誼，平分秋色樂融融。

註：水勢流東，即政府向東學習也，四美乃仁義忠信。

紐約四海詩社副社長張病知詞長八十自壽囑和元玉

行年八十莫言輸！呂尚當時一釣奴。運至籠雞昇錦鶴，兵來佈陣仿蜘蛛。
兒孫拔穎光華胄，詩禮傳家譽海隅。倦鳥歸巢呼欲出，天將不負苦心圖！

其二（自韻爲壽）

懸弧慶宴路遐迢，朱履三千不我邀。燭影搖紅堂祝嘏，星光煥彩子生朝。
萊衣繞膝娛親舞，好句籠紗繞虎彫。八秩如龍身矯健，期頤大道馬蹄驕。

王誠博士榮任紐約四海詩社名譽社長次林雲峯詞長元玉爲賀

筆花吐艷露鋒芒，瓊玉藏珠正發光。價值連城卡氏璧，銜傳四海桂冠郎。
國風主政詩聲振，壇坫交流名氣揚。自是耕耘多偉績，故教收穫異平常。

贈別台灣四詩壇前輩（丙寅中秋）郭鴻盛郭雲樵張鶴彭鴻詞

長并正

商山四皓降文旌，數載神交幸識荆！筆挾風雷光盛會，誼聯翰墨壯詩聲。
登樓待月添姿采，設榻迎賓結友盟。折柳機前珍寄語，平安兩字價連城！

七言律詩

戊辰年湖濱詩社雅集吊屈

相流日夜不停鳴，似訴詩人憤激情。縱欲忠心輕一死？莫如革命救群生。
秦強楚弱初難舉，民協志堅自易成。治國昏庸兒作戲，風濤大海觸礁驚！

世界詩人桂冠協會第十屆在東京雅集

詩聯環宇一家親，文字雖殊意義真。桂子飄飄香郁郁，友情溫曖味津津。
值年汎海風雲會，今屆美京耳目新。未克躬參因作賦，相期雅化到千春。

癸亥年中秋大宇家中與子孫輩同賞月

歲歲銀蟾海外圓，今秋梓里共嬋娟。八旬遊旅添清興，二度桑麻話夙緣。
幾許親朋經作古？儘多青壯結忘年。南家北眷關山遠，一夜情懷兩地牽。

其二

五年前扣故鄉門，旅邸相逢父子孫。文革初平資百缺，政經重振浪三翻。
宅居似筍爭興建，品物如潮漸復原。一樣觀光今異昔，同堂四代更情溫。

湖濱詩社財政陳義夫詞長送余二次遊華機前感賦寄余元玉奉和

義重汪倫送客驂，遺風今見馬之南。算來暫別時三月，却惹相思債一潭。
湖畔盟鷗欣活躍，旅程離菊正苞含。此遊畢竟豐收穫，歸去共君十日談。

路遠未能陪貴賓，有懷盛意賞冰輪。五星酒店歡連夜，八面威風集此身。本是荒丘砂磧地，今成綠圃祝芳辰。年週十二天同慶，豈獨東南少數人。

其二

舉頭明月皓無京，此日秦華詩社生。滿地秋光通大道，一堂文酒宴群英。懸輪久墮孤肩重，大鼎分扛衆力輕。渭水澄清如有日？何愁世界不和平！

宇宙觀奉和周慶芳博士元玉

萬景繁華不辭心，偏從幽谷伴鶯吟。功開混沌推盤古，術有知音羨伯琴。世以爭權歎戰幕，人因重利斗蒼岑。天堂據說安寧甚？不似凡間敵與禽。

威省福建會館成立四十週年紀念暨喬遷大廈誌盛（丙午年之秋）

八閩子弟志昂藏，越海披荆斬棘忙。聲氣暢通資結社，人情溫暖勝還鄉。聚砂成塔三遷後，繁梓維桑卅載長。爲問功勳誰最著？出錢出力各留芳！

南安縣武榮詩社成立獻賀

文物豐饒數武榮，歷經劫亂燬刀兵。詩田遍地生荒草，吟苑多年作噪聲。莫道人心皆險惡，從來海水有虧盈。秋風一掃無霾氣，喜見雲開月復明。

七言律詩

戊辰中秋泰華詩學社成立于曼谷十一週年紀念詩二律元玉爲賀！

泰華社慶桂飄香，天上人間喜氣張。東逐輪圓光大地，詩成雪片降遙方。扶輪繼美延風化，藝圃刷新重墾荒。韻事當前多士醉，一吟一唱不離唐。

其二

月姐今宵滿面春，光輝照徹泰華賓。冰輪遠望如連海，秋色平分不款人。衛道何愁無繼雅？扶風端賴有良臣。年週十一初開輶，吟友宗師誼足珍！

大馬詩總成立十三週年紀念橫江吟社主辦十四屆戊辰中秋雅集

代柬詩元玉奉和

南播詩聲計久長，扶輪協力舉吟觴。十三會慶分賓主，百代元音無界疆。山峻如梯堪取月，酒酣欲醉好尋章。登高望遠天連海，滿眼風光拾一囊。

曼谷王誠博士花朝崇壽詩四律奉和元玉

千紅萬紫慶花朝，幾世修成熟福驕？彩筆雕龍名遠播，桂冠戴頂意偏饒。因能解語多珍惜，每爲敲詩仔細描。笑逐春風迷蛺蝶，飛來飛去欲魂銷。

其二

鶯聲燕語鬧春朝，飲勝華堂朱履驕。祇爲百花容秀麗，更添二月景豐饒。
南園北苑香頻送，魏紫姚黃筆費描。欲化金鈴長愛護，芳菲莫使委塵消！

其三

激艷迷離是此朝，香風拂面玉聰驕。萊衣綈膝翩翩舞，朱履登堂得得饒。
綠戰紅酣情若揭，蜂忙蝶戀景任描。南洋四季花如錦，雨露長沾艷不消。

其四

群芳拜壽在今朝，我欲登堂屬不驕。雨後風來香瀟瀟，尊前酒醉興饒饒。
豪懷早沐春光照，寫意儘將景色描。世界花花蜂引蝶，不侵不睬不心消。

陳國手質彬八三自壽暨建婚紀念詩次韻奉賀

醫宗文質羨彬彬，懷秘仙方活世人。長沐主恩身必壽！廣施仁術手生春。
菡萏萊舞雙星耀，玉液杯添衆口珍。舉案齊眉龍引鳳，八三晉百一帆純。

七言律詩

五言律絕詩

吉安旅社茶室新張建除體五言爲賀

吉星欣拱照，安若大山營。旅遊歸有宿，社宴享豐登。茶嫩烹龍井，室幽勝廣寒。新陽初吐曜，張展氣如蘭。

福源詞長見惠詩五言一首次韻奉答

贈我以佳句，鷗盟勝至親。惺惺相惜意，栩栩欲傳神。近水先觀月，向陽早沐春。園林同置散，一樣厭風塵。

又憶一九四〇年間日寇侵華，抗戰正烈，南僑爲籌賑傷難，當時余參加演員演話劇，福老亦參加音樂絲竹互爲同事，迄已近三十年矣。追憶舊事讀不絕口。

廿五年前事，餘波尙感人。莊諧虛若實，悲壯憤如瞋。捧腹掀潮浪，傷心濕淚巾。真情能活躍，觀衆注全神。

其二

矮奴侵國土，志士請纓時。粉墨售微技，糊漿勞義師。憤情心上發，藝術

管中窺。絲竹君神手，掌聲鼓不衰。

薩桐詞長邀帶內子遊合艾未克如期次韻示歡

熱情邀訪戴，事冗足超超。事負中秋約，展期舊歲除。獅頭如帶得，魚翅未容虛。爽信先言數，有心不怕徐。

註：詞長云，帶內子同往，喻爲帶獅頭。

薩桐詞長以作者與薩桐夏火常在國際書局論詩、譽爲松竹梅

三友雅集。有詩惠贈次韻。

識面人千百，知心只二三。閒餘花甲壽，臨陣壯年男。欲寫清詩苦，徒沾旨酒甘。何時湄海畔？勝景共君探。

王光國詞長受贈PPM勳章次其中秋述懷韻爲賀

名歸因實至，老氣足橫秋。座有杯杯飲，胸無疊疊愁！扶輪同衛道，破釜繼沉舟。願自囊中脫，平生何所求？

其二

文章依令德，四載悉相知。立志有爲日，問心無愧時。揮毫神外筆，潑墨畫中詩。月蝕須臾復，天開展笑眉。

五言律絕詩

註：杯杯飲，戲喻PPM也。

甲寅年中秋泰馬十屆詩人雅集。麻坡李冰人博士主辦中秋放歌五古依舉頭望明月爲韻

瀾瀾麻江水，中秋泛鷗渚，屈指今十屆，雄才將鼎舉。柳暗庸何憂？花明又一洲，元龍潛豪氣，一博占鰲頭。聲名敷衆望，多士共沾光，蘭箋傳泰馬，歎客具壺觴。今宵才濟濟，盡醉到天明，龍吟兼虎嘯，爲重主人情。十載開荒徑，嚶鳴憑浩月，努力繼耕耘，詩花看蓬勃。

舊園叢書庚同長六七書懷元玉爲壽

晤言心明澈，如對鏡中央。世亂功名淡，身分劇藝忙。壽星高照耀，彩筆久稱揚。海鶴精神練，無懷歲月長。

其二

移風換話劇，爲義不分疆。父筆千軍掃，子才八斗量。喬遷之喜著，酒宴正歡狂。此日南山頌，期頤再一場。

註：「喬遷之喜」乃手著話劇本葉兄素兼任話劇主任。

庚申一九七七年夏偕內子小真暨志明夏火欽敬諸同道兄訪陸

桐岡長泰南諸盟友荷李兄伉儷候于火車站。並宴待即席惠
詩歡迎！次韻奉和諸友同樂。

海嶠詩聲寂，一呼秦馬存。分家風更盛，溯本續何休？十載掌舵手，千年
紀榜頭。雅人天必相，龜鶴計春秋。

註：李兄倡首泰馬結盟至十屆，因政治有關而分家各組織詩壇。

甲子年湖濱詩社清明雅集五言和韻

上巳山陰道，踏穿幾鐵鞋？一篇修禊序，响往古今皆。

其二

甲子逢佳節，清明景色新。湖濱邀雅集，群筆掃烽塵。

其三

潑火雨初晴，詩心忽轉清。永和風雅事，留取後人庚。

郭五峯詞弟重遊中國賦此以壯行旌

芳草開春綠，王孫衣錦還。山河欣更廣，親友笑相牽。前抱遺珠憾！今廣
續勝緣。懸知詩囊滿，歸賦北遊篇。

註：前遊中國時，未能多覽一些勝景，大有滄海遺珠之憾！此次再遊得

五言律絕詩

償夙願矣。

五峯詞弟乙丑元旦試筆次韻

歲啓三陽泰，年豐一笑溫。千戈收武庫，禮義播邦門。民主能清政，公平是本根。同歌新氣象，勝日酒盈尊。

其二

烽煙隨鼠去，旭日逐牛來。壽與南山並，福同北斗魁。賀年遵舊俗，邀友試新醅。好鳥枝頭叫，春花陌上開。

其三

臘殘翻泰運，雀躍接新年。水鴨知春早，村童報喜先。搜吟心正妙，訪舊意偏虔。口誦恭維語，歌謳擊壤篇。

合艾陳暢詞長惠詩次韻奉答

人善偏多難，天公何不公？來生書少讀，白手振家風。
註：信云：幾十年中，已遭兩次火災。

揚菊女士畫梅題句

一枝春占盡，吐萼滿庭芳。玉骨凌霜雪，繁華勁節揚。

五言律絕詩

詞——詩鐘

泰馬詩人中秋雅集第五屆次東韻爲祝

調寄 臨江仙

一簾飛來情欸欸，風亭佇聽天聲，牢騷滿腹付詩鳴，興觀群與怨，對月抒
真誠。

覓句傾杯才濟濟，妮他談吐風生，東南半壁黯雲橫，筆花今放彩，四海光
昇平。

泰馬詩人第六屆中秋雅集曼谷主辦人陳廣深。

詩鐘 詩人（一唱）

詩吟玉兔揚風雅，人挽銀河洗甲兵。

（二魁斗格）

詩爲振風恢六義，月因對影成三人。

（一九八四）

甲子湖濱詩社清明雅集

調寄

憶王孫（代作）

詞——詩鐘

湖鴈振翅鬧清明，恰恰嚶簧出谷鶯。詩思更隨嫩綠萌，此時情，文酒聯歡逸興生。

前題和韻

踏青柳景清明，汀上盟鴈葉底鶯。載酒簫詩雅意萌，發幽情，徒覺看花霧里生。

詩總第九週年紀念板城主辦十屆甲子中秋雅集

調寄相見歡 赴板城雅集
兒時遊約板州，景清幽，今日西窗，舊地話重遊，會心樂，手長握。是名流，別是一般，凡俗賞中秋。

一九八五南洲主辦第十一屆乙丑金山雅集

調寄 青門引 赴麻坡雅集

地理雖遐遞，難不了人來勢，永和韻事接南洲，十餘年後，看後起精藝。誰驚出谷聲聲雉，衣鉢欣相繼。金山景富詩意，騷人筆下詞清麗。

大馬詩總十一週年紀念湖濱詩社主辦十二屆內賓中秋雅集

調寄畫堂春 (代作)

詞——詩鐘

盈盈欲滿一輪圓，京華景美無邊，邀來雅士共流連，煮茗相延。
對月飛觴合醉，分饒闌珊爭妍。嫦娥亦解結吟緣，休負嬋娟！

詩總第五屆已未在板主辦中秋雅集

調寄思佳客

一別板江瞬二年，重逢舊友樂無邊，相思萬種杯中訴，流水高山續雅緣。
溫舊誼，話桑田。人生賞月幾回圓？分家泰馬開新說，管領三軍勢震天。
註：其時詩總只有板怡庵三成員詩社而已。

湖濱詩社主辦壬戌年詩總第八屆中秋雅集

調寄 玉漏遲

玉輪分外俏，團圓似鏡，嫣然如笑。歡度中秋，撥去世塵煩擾，踐約湖濱
盛會，趁此夕，放懷狂嘯。揚漢梓，都門載酒，雅旗高耀。

桂子正值香標，聽四野吟蛩，各覓同調。鷗鷺翩翩，逸响流風南嶠。願
我新知舊雨！誼永洽，胆肝相照。

還共勉，莫使漢聲沉了！

詞——詩鐘

癸亥年中秋在家鄉與諸兒孫同賞月

調寄——阮郎歸

玉輪似鏡照今宵，關山客路遙，一堂四代慶歸僑。座陳佳酒饌，新友笑舊友，寥，忘年成契交。吟秋得句共推敲，樂昇平舜堯。

又 調寄——畫堂春

鄉情催迫客歸心，馬航輕快來臨，前番景況不如今。靈活資金，民衆生機高進，國家盛譽騰欽！力行四化正駢駢！好聽佳音。

詩總癸亥年第九屆詩人節山城雅集

調寄——鳳凰台上憶吹簫（自韻）

擊鉢飛箋，盟鷗翻浪，高粱酒浸萸萸。吊史魂湘水，漢粹匡扶，處處江頭競渡。詩人節，吐鳳生珠。吟聲動，千杯嫌少，飲勝歡呼！愉愉！端陽雅集，賓主盡東南，四美咸具。開九年風雅，共樹嘉謨。

欲盡餘生棉力，偏笑我，人老江湖。江湖老，身肢幸健！眼未模糊。

已耐吳郎千拜伐。曾經美帶兩船登。

雪陸湖濱詩社主辦十二屆丙寅中秋雅集

調寄 畫堂春（自韻）

一年好景是中秋，湖濱水碧如油，微風吹舞偏柔，月掛梢頭。
擘餅敲詩舊筆，傾杯賞景登樓，人生幾見得閒休？聘意偕遊。

詩鐘 湖月（一鳴）

湖光水碧天無際。月白風清桂有香。

詩總委栢江吟社主辦十四屆戊辰中秋雅集奉和

調寄 憶江南

天上月，此夕正秋中。光照酒杯翻墨浪，詩成珠玉筆如龍。容鬢門西風。

青玉案——壬戌清明 湖濱詩社雅集

踏青此日春和煦，爲應約聯歡去。聽那鶯歌諧燕語，酒旗高踞，杏花深處，一醉消千慮。

湖濱水碧騰鷗鷺，不管蜚蜚撼松樹。欲挽狂瀾同戮力，筆花齊放！心情傾吐，佳作如珠雨。

光華日報七十五週年紀念和總編詞韻

調寄——臨江仙

七十五年如一日，矢心復旦光華。蜚聲不脛走天涯，歷程艱苦處，奮斗咬銀牙。

薑味老年知愈辣，漢粹共揚堪嘉！昌新振舊乃方家，千秋萬世後，董筆燦朝霞。

調寄 青玉案南洲詩社主辦十五屆雅集和東

新知舊友將相遇，爲雅集靡坡去。細認前時橋盡處，彩虹通路，放下千千慮！

大同只讀聖賢句，世界如今靡無度。欲挽狂瀾非一夕，先行大道，戒除貪污，美化詩如雨。

詞——詩鐘

悼詩律絕合併

悼板城李成恭吟友 別號（春村夫）

詩星忽地殞吟身，從此騷壇弱一人。惜未生前聆教益，却由報上仰扶輪。
來時大陸多荆棘，逝日中原無垢塵。樂得安心歸主去，兒孫今已作強民。

悼泰國王鳳翔老先生千古（用隴吟亭韻）

天喪斯文負雅亭，滿園春色對誰青？鵲啼冷露悲殘月，鶴馭愁雲墜極星。
令譽百年留德澤，遺篇千載仰芳馨。雁行拆翼能無憾？不復二雛並一庭。

註：鳳翔爲王誠之堂兄弟，七八句故云。

悼金寶周清瀾老詞長千古

名題鵲譜會怡園，七九當時齒最尊。滿座玲瓏星正耀，兩年睽隔葉歸根。
人文凋謝渾難料？事業興衰何足論！每讀遺章生景仰，千秋不滅是詩魂。

悼舍艾陳海君吟友千古

文星詎意墜板橋？泰馬鵲盟共愴傷！若夢人生眞幻幻，未酬壯志竟茫茫。
登仙逝去音容渺，化鶴歸來歲月長。衛道熱衷偏不壽，年纔四九作修郎。

悼詩

悼板城張振球居士車禍千古

論交湖海富人緣，禍起街坊遽化仙。世道艱危行不得，鐵輪兇莽恨難填。
壽元修短皆因素，命理精通也枉然。此後何從尋笑緒？悼詩唱罷淚涓涓！

悼許平等主席尊夫人吳人俊居士千古

同是凡間一樣人，生能益衆最堪珍。相夫教子留坤範，禮佛培才種善因。
絃斷芝城傷折偶！葵沉藝苑失扶輪。芳魂已馭青鸞去，訝是仙姝謫俗塵。

悼怡保倪枝輪詞長千古

卅年桃李翠公門，樂育英才偉績存。自喜退休調弱體，誰知積疾伏深根？
天堂有路何須急？人世終緣莫可言。臨別還吟詩戀友，生平重義此留痕。

悼王光國詞長千古

天狗流年太不祥，倪周而後悼王郎。文星黯黯悲三壑，人海滔滔夢一場。
尊酒論詩思笑緒，班荆重義見遺章。怡城四屆吟秋稿，誰可繼編付印行？

註：泰馬四屆怡城主辦詩輯未出版。

悼葉福源蔡智圓洪允德三位高齡詞翁作古（三翁皆年八十餘齡）

遽殞三星匝月中，愴懷鷗海起罡風。歸真有命情難已，長昭無緣道嘆窮。

悼詩

檢點遺章神宛在，追思舊誼夢成空。百齡匪遠天胡吝？不令皆登人瑞宮。

故王光國同年三週年祭

相逢海外契同年，琴絕高山日過千。爲惜吟秋珠玉積，將拋集雅爪麟傳。
扶風振奮咨多士，接手續編慰九泉。墨寶遺頒增悵惘！望空拜領淚流漣。

悼秦馬第四屆主盟人白成根詞長安息天家

邯鄲一夢熟黃粱，八十如駒過短橋。不朽事功遺典範，永生樂國享安祥。
詞壇祭酒音容渺，商社梯山惋惜長。蘭桂庭前皆挺秀，隔枝玉樹更馨香。

註：隔枝玉樹指其侄白瑞祥詞長。

悼南洲詩社發起人黃起文詞長千古

南苑詩花仗手栽，罡風乍起棟樑摧。君從樂國修文去，我適板城渡假回。
拜訪曾叨張盛宴，彌留失探响驚雷。廿年驚陣人天隔，長使騷壇悼幹才。

悼白瑞祥吟友千古

死生有命總難眞，縱酒傷肝肇宿因。逆耳忠言無濟事，到頭苦果竟侵身。
遽然樂國修文召，莫復騷壇笑語親。忍淚吊君憑寸楮，天堂永作太平人。

悼秦馬詩人中秋雅集倡始人李薩桐詞長千古

悼詩

廣集詩盟首作東，十年秦馬幾長虹。心傷蔓草淹芳草，力挽頽風復雅風。
一夜文星沉宋海，中秋咏月失焦桐。悼君未敢翻遺作，恐觸前情斷寸衷！

台北張高懷詞長令董堂經太夫人追悼會暨右

香聲忍淚撫遺孤，矢志如冰守玉壺。茹苦斷機嚴教子，承歡代職孝娛姑。
年殘忽報婺星殞，海隔追思德母劬。哲嗣成龍蘭挺秀，天綬上壽福金敷。

悼湖濱詩社發起人張仲仁詞長千古

何須較短與論長？大夢醒時幻一場。爲帝爲王財敵國，也難買得永生方。

其二

翼折鸞群淚欲漣，香花醴帛獻靈前。是非明鑒任勞怨，贏得榮哀豈偶然？

其三

赴召修文怎太匆？同心創社未全功。鄭都若遇明新老，爲告湖濱躍進中。

註：梁明新詞長爲首都詩社發起人最熱心者，可惜湖濱尙未成立已先作

古矣，不勝愴痛之至！

其四

古稀晉一頽庚星，始晤人生若寄萍。願了向平無憾事，培前蘭桂各芳馨。

悼詩

悼板城詩友葉蒼霞詞長千古

廣陵散絕失人琴，震動藝壇痛悼深。編劇移風遺續偉，佐商決策建功森。
一枝寫意生花筆，卅載運籌成竹心。跨灶名駒宏駿業，主懷安息沐甘霖。

悼楊永謙博士千古

卅載交遊友誼溫，忽聞噩耗地天昏。知音漸弱生何趣？習尚趨新老不尊。
學博哲通才似海，桂香蘭郁秀盈門。那堪壇坫摧樑棟？今日悼君淚暗吞。

悼舊友沈高標詞長千古

廿載詩風共播揚，少微星殞足悲傷。群鵲頓失知心友，哲嗣欣皆跨灶郎。
塵世有誰逃此劫？等身評價見遺章。悼君一事無多語，文鬼相輕慎莫忘！

悼南洲詩社副社長林巨梧詞長千古

秦皇漢武昔求丹，莫說長生百歲難！修短於人隨所賦，窮通知子達而觀。
栽桃植李尊先進，創社興詩挽倒瀾。八四路真全五福，榮哀定論永心安。

悼湖濱詩社發起人鄭寅詞長千古

此路伊誰免一行？留芳遺臭蓋棺評。有功興學開民智，餘力昌詩復漢聲。
久飲潮邦才子譽，忽捐塵世故人情。成龍哲裔賢裘紹，樂國毋庸嘆不平。

悼詩

嵌字聯——聯

一九八三年八月回梓休養二足月暇時爲親友撰聯附錄如下：
洪志民君樓下會客所聯

堂構清新星拱照。桑蘿話舊誼加深。

蔡春文君賀小兒永貴新居落成（附錄）

田中永植芝蘭草。玉上貴羅香梓文。

謙順新建美中居

美化鄉村興屋業。中醫葯物利民居。

宗親經執新居聯

經綸事業傳家計。執禮詩書奕世謀。

其二

日映堦前清光入座。春生檻外紫氣朝堂。

阮輝展君衍園新居

衍宗大宇家聲振。園種新瓜果實綿。

聯文

其二

衍泓竹林昌百世。 蘭綢瓜瓞兆千年。

樓上聯一對

清溪繞檻泉源遠。 明月當樓照耀先。

下廳向上一對

敬老尊賢揚古道。 重才慈幼振家風。

蔡守池三益樓（指三兄弟）

三星高照家聲振。 益水迴流世澤長。

樓上聯口

興家只在胸懷廣。 建業尙須庭量寬。

其二

紫氣氤氳來座上。 青山排闥映樓前。

樓上門口（三益冠首）

三光獻映椿萱茂。 益壽長沾福祿宏。

蔡海澄鄉親新居大門聯

聯文

海涵量度懷先哲。澄澈偏私望後賢。

綢繆中西醫師美聚居聯（尾厝）

美化門庭通義路。聚成魄力建新居。

阮揚夏新居

揚長補短居家玉律。良善爲懷處世金科。

蔡培春新居聯（抱川居）

抱樸謙恭星在戶。川流滋潤福臨門。

蔡守延新居聯

山從後護家聲遠。水自前瞻世澤長。

大行吳德發新居聯

擊壤謳歌父慈子孝。安居樂業國富民強。

蔡天送新居聯（陸德居）

陸峰遠聳鍾靈地。德業長修壯吉居。

家經治新居聯

經國文章千年計。治家法寶一字勤。

聯文

家長春新居大門聯（福興居）

福地丕基開首創。興家立業展新猷。

其父寶宣冠首一對（部口聯）

寶惜珍珠不若兒孫成國器。宣揚教育更求長幼守家規。

蔡子堯新居 大部口聯

紫氣朝堂光祖澤。靈山降脈固孫支。

玉生侄新居聯

玉出崑岡雕與琢。生於塵世智能動。

思齊樓一對

思從天上攀明月。齊向樓前納好風。

蔡守火新居聯二對

守定善心孚衆譽。火生熱力振家聲。

其二

守來信義傳家寶。火煥霞光固祖基。

聯文

堂精新居聯（毓英）

毓靈越嶺鋪斯地。英氣隨雲聚此堂。

其二

毓秀龜山垂後蔭。英明淡水啓前程。

其三

創業維艱成毅力。興家不易賴同心。

經聽新居聯

經驗爲人添一智。聰明作事要三思。

其二 大門口

鏡山後蔭千支秀。淡水前瞻一泓長。

堂口聯

北擁青山基永固。南來紫氣福綿長。

建順五金行

建功立業千年計。順水行舟四海通。

崇信 仇儷合聯

金鳳

聯文

崇業丕基金可點。信心應手鳳來儀。

廷光君對聯（書法家）

庭拱金星延福壽。光輝鐵腕舞龍蛇。

如溪君對聯

如日初昇萌曙色。溪流遠洞利人群。

國彬先生

國強民樂昇平世。彬蔚俗醇富貴春。

南安蘇厝村龜龍宮重修落成對聯

龜穿堅甲驅妖怪。龍舞卿雲兆吉祥。

龜卜延年新宮煥彩。龍騰化雨舊佛開光。

龜鑑千秋，香猶當日盛。龍門一躍，神比昔時靈。

龜甲成文，知四季風調雨順。龍光射斗，卜中華國泰民安。

子鉅 仇儼合聯
金英

子貢懋遷商場鉅擘。金闕咏絮巾幗英才。

聯文

立達有限公司

立業立功績素志。達人達德步青雲。

成正輪測師人名聯

成人美事工心計。正業良方致力營。

其二

成功立業才斯得。正義求財信自昭。

銀妻先生人名聯

銀樹開花呈瑞氣。泰山毓秀蔚文風。

奕森先生人名聯

奕棋勝算如商戰。淼水長流逐利來。

金生先生新廈落成

金廈美輪三星拱照。生財有道五福長臨。

其二

金輝堂構財星拱。生色園林喜鵲喧。

聯文

福壽 仇儻人名合聯
雪蘭

福至心靈光映雪。壽堆玉積氣如蘭。

超思 仇儻人名合聯
美章

超然學貫中西美。思爾胸藏貿易章。

林銘章會計師人名聯

銘心一理千勞解。章法三通萬水清。

志強新厦喬遷

志堅堂構鶯遷谷。強大精神業建成。

其二

志比鯤鵬得時則駕。強如駿馬趁勢而驅。

伯樂

巧倩 仇儻人名嵌字合聯

伯琴善奏，巧遇知音客。樂毅將兵，倩誰作導人。

聯文



聯文

種玉虛在里刻石大門聯

種谷豐登家國計

玉言展望子孫賢

黃明治先生基督信徒高中聯人名聯

明心見性主星永照

治業興家天福長綏

其二

明心見性叨天福

治業興家沐主恩

來記酒家聯文

來看座上無虛席

記取杯中別有天





种玉庐吟草



电子书制作人： 陈政欣

E-mail:

tcsin48@hotmail.com

制作日期： 2012 年 11 月 26 日